

غادة عبد العال

عايزه أتجوز

المكتبة العربية

www.tipsclub.net

Amly

دار الشروق

بداية الحكاية

سموا كده وخليكو معايا واحدة واحدة.. خيلنا نتفق الأول إن موضوع الجواز والعرسان وتأخر الجواز ده موضوع حساس جدا.. وصعب جدا إنكوا تلاقوا حد بيتكلم فيه بصراحة.. خصوصا بالنسبة للبنات.. لأن اللي يتكلم فيه بصراحة يا إما بيتصلها على إنها قليلة الأدب وماتربتش.. يا إما على إنها مسروعة ع الجواز.. يا إما على إنها بارت ومش لاقية حد يتجوزها.. عشان كده تلاقوا بنات كتير بتقول:

- جواز إيه بلا نيلة.. يعني هما اللي اتجوزوا كانوا خدوا إيه..

- أنا قاعدة في بيت أبويا معززة مكرمة، إيه اللي يخليني أروح أتبهدل مع حد ماعرفوش؟!

- أنا ما بافكرش في الجواز دلوقتي لما أبني مستقبلي!

والجملة المستهلكة في كل الأفلام العربية:

- لما أحقق ذاتي!

مش عارفة إيه ذاتها دي وتحققها إزاي يعني؟!

يمكن فيه بنات كتير ليهم طموح في دراستهم وفي شغلهم.. لكن

أتحدى إن أي واحدة فيهم مايكونش طموحها الأول إنها تبقى زوجة..
على الأقل لأن دي الطريقة الوحيدة اللي تخليها تبقى أم.

نتفق بقه على أسس ثانية مهمة:

- عدد البنات في مصر أكبر من عدد الرجال.

دي نقطة أساسية مش عايزة أي حد يناقشني فيها.. وسيبوكوا بقه
من إحصائيات الحكومة اللي بتقولك عدد الاتنين زي بعض.. لأن دي
إحصائيات عاملة بالطبط زي درجات الحرارة اللي بيعلموها في النشرة:
يعني الناس بتحلف بالطلاق إن الحرارة أكيد فوق الـ ٤٥.. وهما لا
يمكن يزودوها عن ٣٨.. أنا ليا واحد صاحب بابا قال لي: ممنوع يزيعوا
إن الحرارة فوق الـ ٤٢.

عشان السياحة ماتنضربش والسياح مايهربوش.. موضوع
نسبة الإناث للذكور برده فيه لعب بالطريقة دي.. ليه بقه النسبة أكبر؟
أقولكم:

موضوع الستات اللي بيقدوا يخلفوا عشان يجيبوا الولد؛ يعني فيه
عائلات كتيرة تلاقيها كده.. ٤ بنات وولد.. ٥ بنات وولد.. ٦ بنات وولد..
وهكذا.. وتفضل الست تخلف تخلف عشان جوزها يجيله الواد.. يجيبوا
يعمل بيه إيه؟ ماتعرفش.. ويبجي في الآخر خايب ونايب ويقعدوا يدلعوا
فيه لما يطلع فسدان ويضيعلهم اللي وراهم واللي قدامهم واللي جنبهم
كمان.. ما علينا، ده موضوع ثاني.. بس أي حد بيدرس أو درس في أي
كلية في جامعات مصر هايلاحظ إن عدد البنات في أي كلية أكبر من
عدد الولاد.. في كليتي مثلا كانوا تلتين العدد بنات والتلت ولاد.. يعني
الضعف.

نقطة ثانية:

- الرجال بقوا حاسين بنفسهم وبيتكبروا على خلق الله من البنات
(يقعدلهم في عينهم وعافيتهم يا رب) وتلقى الرجل قاعد هو وأمه
يتشربوا.. لازم تبقى بيضا وشعرها بني وعينها عسلي وشبه نيللي كريم..
الله يخرب بيوتكم! طب بص لنفسك يا خويا في المراهة الأول.. طب
بلاش.. يقولوا الرجل مايغيوش إلا جيبه.. طب شبرقنا كده وادخل في
إيدك إنشالله علبة ملابس.. لأ.. البعيد هو وأمه يروحوا يشوفوا العروسة
الغلبانة اللي أهلها صارفين عليها الشيء الفلاني ومكلمين قعدة التعارف
دي شيء وشويات.. رايحين إيد ورا وإيد قدام.. والبت مافيهاش أي
عيب ويقولولكم: لأ أصلها مش شبه نيللي كريم قوي.. دي قالبه شوية
على نجلاء فتحي وأنا مباحش النوع ده.. تقولش حسين فهمي رايح
يتقدم للبت.

لأ والأفراح.. نكككتة.. زمان كنتوا تشوفوا في الأفلام العربي
أي بنت تدخل فرح وهي لابسة شيك كده شوية.. يتلموا عليها الشبان
ويبقوا عايزين ياكلوها.. وما تخرجش م الفرحة إلا بعريس.. دلوقتي نفس
التجمعات بس بالعكس.. تلاقي كل أم قاعدة هي وبناتها مراقبين الشباب
ويا ويله اللي يعدي جنبهم.

- طارق.. إزيك يا ولد.. مش تيجي تسلم على بنات خالتك.. شوف
بقوا حلوين إزاي؟

- أنا مش طارق يا طنط وأنا متهيأ لي كده حضرتك مش خالتي.

- صحيح؟ معلش يا حبيبي العتب ع النظر طب ما تعرفنا على نفسك
كده.. يمكن ربنا يحبك ويبقى لك نصيب معانا.

طبعا الواد يا إما يطلع يجري.. يا إما حد من صحابه ياخذ باله م الكمين
اللي وقع فيه ويبجي ينقذه على أساس في حد عايزه وكده.

طبعا ده غير اللف اللي بيقتدوا البنات يلفوه حوالين العروسة عشان يبقوا واضحين لكل اللي في القاعة من كل الجهات.. ولما بيقف اللف تلاقيهم يزقوا في بعض أو يعملوا إنهم بيعدلوا للعروسة فستانها أو طرحتها عشان يطلعوا في الفيديو.. ويحاولوا يطلعوا في أكبر عدد ممكن من الصور.. يمكن يعجبوا حد ويتكل على الله وينتشلهم من عالم الأنسات.

الكلام ده كله على فكرة مش المفروض تضحكوا عليه.. والله البنات دول غلابة.. زمان ما كانش مطلوب من أي بنت غير إنها تحترم نفسها وتقعّد في بيت أبوها وتستنى العدل اللي بيكون في الغالب من اختيار أهلها.

دلوقتي الكورة بقت في ملعب البنات.. يعني لازم تخرج وتشتغل وتروح أفراح وتزور أصحابها؛ لأن مسئولية إحضار عريس بقت ملقاة على عاتقها بالكامل.. أنا اعرف حالات كثيرة أهل البنات بيتخانقوا معاهم خناقات لرب السما عشان يخرجوا ويشغلوا يا إما عمرهم ما هياتجوزوا.. وم الجهة الثانية المجتمع في حالات كثير، وخصوصا خارج القاهرة والإسكندرية، ما بيرحمش أي بنت تخرج مع راجل عشان تتعرف عليه ويمكن يبقى فيه نصيب.. ده غير إن الراجل نفسه في الغالب ما بيرضاش بيها ويقولك عايز واحدة خام لا خرجت ولا اتكلمت مع حد غيري.

طب بدمتكو البنات يعملوا إيه؟.. ده غير العداد اللي بعيد من أول ما تخرج من الجامعة.. يعني البنت تعتبر بدأت تعنس من أول ما تعدي عليها سنتين أو ثلاثة متخرجة ولسه ماتخطبتش.

أنا شخصيا بدأت أحس إنني هاعنس من أول ما كملت ٢٣ سنة.. طب لعمل إيه؟!

بصراحة المجتمع المنيل اللي احنا عايشين فيه واللي بيقيم البنت بجوازتها، واللي تتجوز بسرعة بشفة شاطرة، واللي تتأخر يبقى فيها عيب.. وع الجهة الثانية الراجل من حقه يتقي ويشترط ويبقى مقطع السمكة ودينها ويتقال عليه مفتوح ومدقق.. ويبقى معدي الأربعين ومن حقه يتجوز في أي وقت إنشالله واحدة عندها ١٨ سنة.

المجتمع ده ظالم ومفتري!!!

و لهذا فأنا «برايد» (اللي هي عروسة بس بالإنجليزي عشان الناس تقول عليها مثقفة) قررت إنني هاكتب في الموضوع وأشرحه من كل الجوانب الممكنة عشان اللي مش فاهم يفهم، واللي مش عارف يعرف، إن البنات غلابة والضغط عليهم بيزيد كل يوم والناس بتحاكمهم على حاجة مالهمش يد فيها.

خليكو معايا بقه هاكيكلكم على بلوة م البلاوي اللي اتقدمولي.. عشان تعرفوا إحنا بنستحمل أد إيه...

إنه حقي إنني أبقى عايزة أتجوز: لا هو عيب ولا حرام). لكن أنا الحاجات الصغيرة هي اللي بتهمني.. لأن «الحاجات الصغيرة هي اللي بتدي للحياة طعمها» على رأي ميرفت أمين في فيلم «ومضى قطار العمر يا ولدي خد اللي بعده بتاع ٤ إلا ربع».. كان عميق أوي الفيلم ده.

المهم أدي عشرة خمستاشر وقت باحس فيهم إنني محتاجة يكون لي زوج:

١ - وقت ما أنبوبة البوتاجاز تخلص وتبقى عايزة تتغير.. ودي طبعاً من واجبات الزوج الرئيسية في البيت.

٢ - وقت ما اشوف صرصار في البيت واترعب وما اعرفش أموته.. بس تبقى مصيبة لو هو كمان بيخاف.

٣ - وقت الغدا لما بابا وماما ياكلوا وركين الفرخة ويسيبولي الصدر.. حتى لو هو كمان ما يبحش الصدر فالفرخة أم وركين ياكلوها اتنين!

٤ - وقت ما أطلع المراتب تشمس فوق السطح.. ساعتها هاعمل إنني محتاجه يساعد بس وأشيلهو مله كلهم.

٥ - وقت السينما لما يفصلوا الأفراد عن العائلات.. أصلاً أصلاً يتجوزوا وكمان يروحوا السينما؟.. إيه الظلم ده؟

٦ - وقت ركوب الميكرو باص أكيد ها يحميني من الخط والتحرش.. ده لو ما كانش ساعتها مشغول وبيتحرش بالبت اللي جنبه.

٧ - وقت ما بارجع البيت والمديرة متخافعة معايا ونفسي أطلع غلي في حد.. لو زعقت في بابا وماما حرام.. أدخل النار.. لكن هو معلنش.

٨ - وقت ما واحدة من صحباتي المتجوزين يجيلها تليفون من جوزها يقولها إنها نسيت الطبخ في النار والشقة ولعت.. واشمعني أنا ما يقاش عندي شقة وتولع؟

ليه أنا عايزة أتجوز؟

١٠.١٥ سبب (ما تعدش ورايا)

ساعات أقعد مع نفسي كده شوية وافكر: هو أنا ليه أساساً عايزة أتجوز؟؟.. مانا زي الفل أهوه.. دكتورة ومحترمة وباقيض (والا بلاش دي لحسن تضحكوا عليا).. مانا عايشة.. باكل وباشرب وبانام وباخرج واتفسح واروح السينما واتفرج على روتانا وما باقدرش أغمض عيني.. يبقى فين المشكلة؟؟

بس أوقات تانية بيبقى فيه لحظات باحس إن فيه أسباب كتيرة تخليني عايزة أتجوز.. وكل البنات في كل المستويات والثقافات أكيد بيحسوا بكده.

واحدة مثلاً هاتقول: عايزة أتجوز عشان أحبيب عمال.

التانية هاتقول: عايزة أتجوز عشان ما احملش لقب عانس.

الثالثة هاتقول: عايزة أتجوز عشان أنطلق وأبقى حرة (عبطة بس هانعمل إيه؟!).

الرابعة هاتقول: عايزة أتجوز عشان أخلف للعرب صلاح الدين (يا وووولد! - جايز برضه).

أنا بقه عندي أسباب تانية خالص.. مش الحاجات الكبيرة دي (زي مثلاً

٩ - وقت ما ابقى نايمة لوحدي في سريري بالليل (بلاش أفكار قليلة الأدب!) على الأقل هايعمل حاجز بدل ما كل ليلة باندلق من فوق السريرع الأرض.

١٠ - وقت ما ماما بتطبخلنا أكلة ماباحهاش.. إمتى بقه أنا اللي أتحكم في الطبخ واطبخ اللي على كيفي واللي مش عاجبه يروح ياكل عند أمه؟

١١ - وقت ما ماما بتمنعني إني أحط كراكيب في البلكونة.. إمتى بقه يبقى عندي بلكونة واملاها كراكيب ومطبخ أشيل فيه برطمانات العربي الفاضية؟

١٢ - وقت ما يبقى نفسي في البرقوق.. دلوقتي ماحدش بيرضى يجيبهولي، لكن ساعتها هاهده إني ممكن أبقى باتوحم والواد ممكن تطلع في قفاه برقوقة.

١٣ - وقت ماباتفرج على كليب لهايفا أو نانسي ويبقى نفسي حد يبقى قاعد جنبني عشان أهزؤه.

١٤ - وقت ما اكتب موضوع زي ده ومالاقيش حد يبنهني إني كتبت ١٤ نقطة بس نسيت أكتب نمرة ٦.

(هههههه.. وضحكت عليكوا!).

١٥ - فكروا اتوا بقه في نمرة ١٥ عشان أنا قلبت على نفسي المواجه وأعصابي تعبت قوي.

المهم آدي ١٠-١٥ وقت باحس فيهم إني عازية أتجوز، لكن فيه برضه ١٠٠ وقت تانيين باحس فيهم إني مش عازية.. أفضل من غير جواز.

الأول

حلو العنوان كده زي ما كان أنور وجدي يقول في «أمير الانتقام».. أصل الموضوع كله أصلا تحس إنه فيلم عربي.. بس أول موضوع ده كان فيلم هندي وكوميدي كمان.

واحدة صاحبتني كانت لسه متجوزة قريب وكنت لسه حاضرة فرحها من أسبوعين.. اتصلت بيا تظمن عليا يعني.. كنت لسه سامعة خبر إن واحدة من أصحابنا جابت عريس لواحدة تانية صاحبتنا برضه.. وده موضوع يضايق قوي على فكرة.. يعني تفضل الواحدة تقول واشمعني يعني ماخترتنيش أنا ومش بعيد تقاطعها وماتكلمهاش ثاني أبدا.

أنا بقه مسكت صاحبتني اللي كانت طالباني في التليفون وقعدت أرصلها:

- شايقة الصجبات؟.. ماطلعش منك إنت حاجة زي كده.. آمال مجوزينك ليه؟ مش عشان تشوفلنا في أصحاب جوزك والاقرباه حد ينفع؟

وكل شوية صاحبتني دي تحاول تقاطعني وتسدني وانا أببداً منطلقة زي الصاروخ.. لحد ما راحت موقفاني بصرخة.

- يا بت اسكتي بقه جوزي بسمع م السماعه الثانيه وعايذ يتأكد إنك كويسه ورقيقه عشان جايلك عريس.

وفي لحظه واحده انقلبت طريقه كلامي ١٨٠ درجة وبقيت أرق من أرق واحده تعرفوها:

- إنتي صدقتي دانا كنت باهزر معاكي.. إنتي عارفاني رقيقه طول عمري.. دانا أرق م البت اللي طالعه جديد دي اللي اسمها منى زكي.

وأسمع صوت جوزها يحاول كتم ضحكه ع السماعه الثانيه وهي حساها بتجز على سنانها وهي بتقوللي:

- عارفة. عارفة. هو إنتي هاتقولي لي؟

المهم اتفقنا على ميعاد.. ولما اقول اتفقنا على ميعاد يمكن تعدي ع الرجالة سهله كده يعني، ديتها إيه؟ هايسحلمي وهايخلي أمه تغسله القميص والبنطلون وأخته تكويهو مله ويشغل كل اللي خلفوه عشان طلعه أهله البهيه.. لكن في بيت العروسة اللي هيا المفروض أنا.. هيبيصه.. غسيل للحيطان.. مسح للأرضيه.. تنضيف للسجاجيد.. تسييق للسلم.. تلميع للكاسات.. تنضيف للستائر والشبايك.. وبعد ده كله متوقع من العروسة بعد كل المجهود المقندل ده إنها تتزوق وتخش عليهم حلوه وتتروق.

المهم جه المحروس هو وأهله. هو دكتور على فكرة.. باضرب بطرف عيني كده لقيته لابس لبس.. يا سلام.. زي ما يكون لم اللي ع الحبل كله ولبسه على بعضه.. وتقريبا كده ما عندهمش مرايات وشكل أمه وأخته عندهم عى ألوان.. البيه لابس قميص أصفر.. بنطلون أزرق.. بنوفر أخضر.. وفوق ده كله كرافته كده الصراحة مش عارفة أحدد بالظبط

أيه.. لآ واستنوا.. جزمه بني لما اتجصص كده وحط رجل على رجل.. شبت لقيت الشراب نيتي.. آه والنعمه.. قلت في نفسي مش مشكله.. لآ الرجل مايعيوش إلا جيبه.. وأهو يبقى عريس تكني كلر زي التليفزيون الملون.. مشرق كده ومقبل على الحياه.. هو صحيح ودانه خاصصه راسه خالص وسنانه يبجبوا بعضهم جدا لدرجة إنهم راكبين فوق بعضهم.. بس خلقه ربنا يعني.. المهم العقل والشخصيه.

أول ما بابا دخل راح واقف.. حلو مؤدب يعني وانطلقت أمه تعرفه.. أي ما نكون في برنامج:

- الدكتور سامي.. علاج طبيعي.

قام هو مكمل التقديم وقايل: وبقلد فنانين!

إيه الهبل ده بأاااه؟!.. هو احنا عاملين برنامج مواهب والاده جاي يعمل الترفيو في كباريه.. بابا برقله كده، وقاله: آه أهلا وسهلا، اتفضلوا.

وبص لماما بصه معناها: إيه اللي اتوا جايبينه ده؟

أنا قاعدة وماسكة نفسي م الضحك وده منطلق بيتكلم على صولاته وجولاته في عالم التقليد واحنا قاعدين نبص لبعض وأمه شكلها منشكح أوي من كلامه.. وفجأة بص في الساعة وبص لبابا.. بابا خاف ليطلبني دلوقت وهايبقي موقف محرج أول مرة يتعرضله..

لكن ده قاله: عمي.. ممكن أسأل حضرتك سؤال وتجاوبني بصراحة؟

بابا قاله بخوف كده: خير يا بني؟

قاله: هو التليفزيون ده شغال؟

بابا فوجئ كده وقاله: آه يا ابني شغال.

فجأة الحليوة ده راح قايم وفاتح التلفزيون وقعد يقلب في القنوات
لحد ما جاب قناة كانت بتزيع ماتش للزمالك.. واحنا قاعدين مذهولين
ومش قادرين نعمل حاجة، وأمه قاعدة منشكحة زي ما هي.. وهوب
وصوته علي:

- شوت يا عم!.. أيوه كده!.. ياااه!.. الحكم ده حمار ابن ... (واحنا
قاعدين!؟).

ماما حبت تخرجه بالذوق كده وقالت له:

- والله يا دكتور أنا مش عارفة إنت ازاى بتابع الكورة دي اليومين
دول.. ده حتى الزمالك بقاله مدة مش كويس خالص..

الواد فجأة سكت.. ولف كده لماما بالتصوير البطيء.. وعينه احمرت
لدرجة إن ماما كشت في مكانها.. وده راح رافع الجاعورة:

- لاااااا!.. بقولك ايبسيه!.. إلا الزمالك!.. اتكلمي براحتك على أي
حد.. على أمي.. على أبويا.. عليا أنا شخصيا.. لكن الزمالك لألألأ!..
فاهمة!.. قومي يا ماما!.. أنا لا يمكن أدخل بيت الزمالك بيتهان فيه!

يا ابن ٦٠ في ٧٠.. أكنُ احنا معديينلك البلاوي اللي انت لابسها
والسخافات اللي عمال تقولها عشان تبقى آخرتها كده؟.. كلنا فضلنا
متسمرين مكاننا.. بابا يبص لماما ومش قادرين حتى يقوموا من مكانهم.
وأنا الأول اتحرق دمي وبعدين وقعت ع الأرض من كُتر الضحك.. هم
بيكي وهم يضحك..

الجميل بقه إن صاحبتني جاية ثاني يوم تسألني على رأيي، قولتها: لأ
طبعا انتي بتستهلي؟ وحتيئله ع اللي حصل.. لغيتها بتقول:

- طب وإيه يعني؟ عادي ماتبقيش بس تقويله إنك أهلاوية!

و لما أصريت ع الرفض.. صاحبتني دي قاطعتني ومارفعتش عليا
سماعة التلفيون من يومها.. إزاى يعني أرفض عريس لقطة زي ده؟
صحيح إزاى؟

و تفضل البنت تتشحن تشحن طول حياتها على إن الشيء الوحيد المتوقع
سناها في الحياة إنها تتجوز وتجيّب عيال... طب ولو ما حصلش؟!

شوفوا معايا الـ ٣ حوارات دي:

م ١: هو انتي معاكي إيه دلوقتي؟؟

م ٢: معايا جوزين غوايش وماشاء الله.

م ١: لأ، يعني معاكي عيال إيه؟

م ٢: لأ، أنا لسه ماتجوزتش.

م ١: يا عيسيني.

بيئة ثانية ومستوى ثاني:

م ١: وانتي معاكي إيه دلوقتي؟؟

م ٢: معايا ماجستير وباحضر في الدكتوراه.

م ١: لأ، قصدي معاكي عيال إيه؟

م ٢: لأ، أنا لسه ماتجوزتش.

م ١: يا عيسيني.

بيئة ثالثة ومستوى ثالث:

م ١: وانتي معاكي إيه دلوقتي؟؟

م ٢: أنا معايا شيروكي ٤×٤.

م ١: لأ، قصدي معاكي تشيلدرين إيه؟

م ٢: نو.. أنا لسه ماتجوزتش.

أنا مش صفرع الشمال

مجتمعنا الحلو العسل ده بوشين.. قديمة يعني مش جديدة.. شفتوا
أي تجمع عائلي موجود فيه ولد وبنت صغيرين؟؟ أول حاجة يقولوها
للولد إيه.. عايز تطلع إيه يا حبيبي لما تكبر؟؟ نص العيال المفترية بتقول
ظابط، واللي عنده وعي شوية يمكن يقولك رئيس جمهورية.. (جيل
جمعية شباب المستقبل بقه يا سيدي هانعمل إيه؟؟).. طب والبنوة الصغيرة
بيقولولها إيه؟؟.. نجوزك حمادة يا سوسو لما تكبري؟؟.. ولا تتجوزي أبيه
خالد؟؟.. تبص البت بغياء كده وتقولهم: أنا هاتجوز بابا!.. والكل يفتح
في الضحك ويخلص الموضوع على كده.

وتطلع البنت من صغرها يجيبولها عروسة، تسرحها وتلبسها الطرحة
وترفها. وأي بنت في أي مجتمع تلاقى أول لعبة نفسها تلعبها... عروسة
وعريس!!! بالمعنى الطفولي مش بتاع الجامعات الخاصة والورق
العربي.

وتمشي البنت في سلك التعليم وكل اما تنجح في مرحلة ما يقولولها:
مبروك عقبال ما نشرب شرباتك... وعقبال عدلك يا حبيبي... ولما تيجي
تستشير حد في الكلية اللي هاتدخلها يبقى الرد الموحد: ياستي ماتشغلش
بالك، هي البنت آخرتها إيه غير بيت جوزها.

م ١: أوه ماي جود.. هالانيسبي.

هو هو الحوار في كل المستويات. ولا يوجد أي نجاح في أي مجال يقدر يحل محل الزواج بالنسبة للبنات الشرقية. طب واللي مش لاقية واللي فاتها القطر واللي بارت على رأي الناس ما بتقول.. يبقى مالهاش لازمة؟.. تروح تولع في نفسها يعني؟؟

هي غالباً ما بتناقش مستعدة لا نفسيا ولا علميا ولا اقتصاديا لل لحظة دي. كل الناس يقولولها: هاتنجوزي يعني هاتنجوزي.. وساعة لما مايحصلش مابتلاقيش حوالها غير نفسها وبس.

بعد ما النسبة زادت وبقي عدد اللي لسه قاعدين بالملايين. لازم كل البنات يحبوا نفسهم ويدوروا على النجاح في كل الأماكن ويعيشوا حياتهم على إنها حياتهم مش على أساس إنها تتر لمسلسل لسه مابتداش.

ولازم المجتمع يطل يحصر البنت في دور العروسة وبس. لأنه وقت الجد مش هابقدر يعملها حاجة وهابقى هو اللي جنى عليها؛ لأنه فهمها إن ده الطريق الوحيد وما فيش غيره. وهاتحس ساعتها إن مالهاش لازمة وإنها صفر على الشمال وهاتعمل زبي كده وتقد تشتكلكم.

وأنا من هنا بقولها: لو ماحصلش.. لو ماتجوزتش وماجبتش عيال وماقدرتش اتبع خطة المجتمع.. أنا برضه ليا شخصيتي وحياتي ومش هابقي أبدا.. صفر على الشمال.

الثاني

- ما احنا قلنا هانمشيها زي أنور وجدي بقه خلاص.

بصوا بقه.. أولا الحكاية دي برضه من فصيلة هم بيكي وهم يضحك.. بس الصراحة يعني الصراحة.. إنتوا هاتضحكوا عليا أنا.. هاتشوفوا.. بس بقولكوا إيه: بما إني فتاة ركيكة.. قصدي رقيقة رقيقة.. ومهيزة الجناح.. (ههه حلوة مهيزة دي).. فبليز بليز، بلاش تريقة.

الحكاية دي مايعرفهاش أي حد غير أنا وماما.. ماحكيتهاش لأي حد من أصحابي.. يعني ابتوا اتفشخروا قدام كل أصحابكم بالامتيياز ده.. حكاية العريس الثاني لـ «برايد».. إقرا الحادثة! إقرا الحادثة!

احمم.. مقدمة: عارفين إيه إحساس واحدة وهي ماشية في الشارع وتحس إن حد معجب بيها؟.. مش معاكسة يعني وكده.. لأ يبقى فيه كده كيميا زي مايقولوا الأجانب.. وعلى فكرة فيه جوازات كتير بتبدأ كده.. واحد يشوف واحدة في الشارع.. يمشي وراها.. يعرف ساكنة فين، ويسأل عليها ويخطبها. ابن عمي عمل كده والبت لسعته حته قلم على وشه.. علم على صداغه ٣ أيام.. قام هو اتكيف قوي وقال البت دي واضح إنها مؤدبة ومترتبة وراح خطبها.. آه والنعمة.. هي صحيح بعد كده اتضح إن إيديها

بتطول عليه في كل المواقف.. والله الرجل مبسوط ويحلف باليوم اللي شافها فيه. ويعلن أبو.. ولا بلاش. دي في مقام عمتي برضه.

المهم. أنا يوم نازلة من البيت رايحة الشغل.. حسيت بكيميام اللي كنت بقولكم عليها دي.. حسيت إن فيه عين هاتخرم قفايا.. اتدبرت بسرعة كده في الخيانة لقتلكم راجل انما إيه.. طول بعرض بارتفاع.. ماسك ف إيده شنطة سودا ولا بس بدلة وكرافة ونضارة شمس.. عامل كده زي العيال اللي كانوا بيطلعوا في إعلانات جمعية شباب المستقبل بتاع جمال مبارك «شباب الجيل.. قوام جينا.. هو.. هو» فاكريتهم؟.. المهم الواد كان حليوة وأنا قلبي ههفله أول ما لمحته.. استنيت شوية ع المحطة وبعدين جه الميكروباص.. ركبت راح راكب ورايا.. قلت الشياكة دي كلها هاتركب ميكروباص ليه يعني؟.. أكيد في الأمر إيه.. وجه كمان قعد جنبي.. يا حلولي يا حلولي.. بس كنت خايفة ليعاكس وساعتها أنا ما عرفش أبويا.. باللي ف رجلي ولا يهمني لا شباب المستقبل ولا جمال مبارك ولا حاجة أبدا.. بس لاقيته في نص المسافة كده.. ييميل عليا وبيقول بأسلوب رزين كده:

- لو سمحتي ممكن أسأل حضرتك على حاجة؟

وانتو ماتعرفونيش.. باتسطل لما حد يقوللي حضرتك.. بس برضه مش سهلة يعني.. صدرت الوش الخشب وقلت له:

- خير، بمناسبة إيه؟

- يعني كنت عايز أسأل بس.. هو حضرتك مرتبطة؟.. واضح إنك مش مخطوبة ولا متجوزة، مافيش دبل في إيديكي.. بس الارتباط بقه لازم أتأكد منه من حضرتك.

«حضرتك» ثاني يا حلولي!

- والله الكلام ده مايتقلش في مواصلات، وبعدين أنا ماعرفكش ومش «سعودة أكلم حد ما عرفوش!

- طب يعني أنا لو معجب بحضرتك وعندي نية أتقدم رسمي.. أعمل اه؟.. أصلي بصراحة متابعتك من مدة بس دي أول مرة أتشجع وأحاول اكلمك.

يا حلاوة يا حلاوة.. متابعتي من زمان.. ده واقع بقه.. بس برضه على مين.. لازم أثبت!

- والله لو حضرتك متابعتي زي ما بتقول تبقى عارف بيتي وعارف بابايا.. هو الوحيد اللي ينفع يتكلم في المواضيع دي.. لو سمحت ماتحرجنيش أكثر من كده..

جامدة جامدة يعني!

- الحقيقة إنتي كده أثبتت لي إني أحسنت الاختيار.

يا سلام يا سلام.. الله الله.. هو ده الكلام!.. لحد كده الأمور كلها صحت ومية مية.. صديته آه، بس كمان قلت له كلم بابا.. سبت له سكة مفتوحة يعني.

الواد بقه التّباع راح شاخط فيا في اللحظة دي:

- الأجرة يا أهلة ولا هاتركبوا ببلاش؟!

يا ابن اللدينا.. ده أنا عمالة اترسم من ساعتها.. تبعت كرامتي كده؟!.. جيت أمد أيدي جوه الشنطة لقتلكوا الأخ بقه راح بسرعة مطلع فلوس ومحاسبي.

- لا.. ما يصحش.

فقال لي: لا بقة.. إسمحيلي.. أنا لا يمكن أقبل واحدة هاتقدم لها
تدفع وأنا موجود!

وجون! وجون! وجون! هابتقدملي خلاص.. أيوه كده! هو أنا
صحيح ماعرفش هو يشتغل إيه، ولا عايش فين، ولا بيقلد فتانين ولا إيه
نظامه، بس الجواب ببين من عنوانه.

أول ما الميكرو باص وقف لقيته نزل معايا في نفس المحطة وبص
لي وقال لي:

- أنا حبيت أنقذك يعني في الميكرو وباص.. واضح قوي إنك ماعايش
فلوس.

الدم ضرب في نافوخي.. وله، إنت هاتمنظر عليا ولا إيه؟

- واضح إن شنطتك فاضية. آخر الشهر بقة. يالا، وفرتك أجرة
لميكرو وباص تنفعل.

بصنله بذهول كده وقلت له:

- مين اللي قالت الكلام الفارغ ده؟!.. أن عمري ما امشي بشنطتي
مها أقل من ٣٠٠ جنيه.

قالي باستهزاء كده:

- لا!!! ما صدقش!

الدم كان خلاص قرب يطلع من نافوخي زي النافورة.. رحت مطلعة
من اللي في المحفظة موريا هو له.

.. حتى شوف: ٥٠-١٠٠-٢٠٠-٢٢٠.

.. مد إيده أخذ الفلوس.. وبص لها كده وعدها وقال لي:

ه صحيح. إنتي معاكي فلوس أهه.

.. في لحظة راح مطبقهم وحاطتهم في جيبه وقال لي:

.. ه خليه معا بقة سوفينير لحد لما أجيلكم البيت.

.. مستو عبتش وقبل ما أخذ فرصة أقول كلمة واحدة كان راكب ورا

.. على موتو سيكل شكله كده كان ماشي ورا الميكرو وباص وهو..

.. بس ملح وداب.

.. اخنكوا بقة واقفة في وسط الشارع هابلااااااااااا.. زي اللي اتدلق عليا

.. دل مية مش نضيف.. مش عارفة أصوت ولا أطلع أجري وراه والا

.. ضم على وشي.. فضلت واقفه بيجي خمس دقائق في الشارع مش

.. رفة أروح فين، والعريبات تعدد تزملي ولما تلاقيني مسهمة تقريبا

.. ي سيقين يقولوا في نفسهم دي يا إم طارشة يا إم مجنونة يا إم امام اللي

.. بعوا منديل.. والس تس تعدي تبصلي.. والعبال الصغيرة يشدو في هدوم

.. هليه.. بابا بابا، هي الست دي عمله كده ليه؟

بعد شوية كده لفيت ودخلت المستشفى اللي باشتغل فيها.. وعدي

.. نسي تعبير كده زي تعبير العملة الألي بتاع زمان.. دخلت الصيدلية..

.. عدت ع المكتب.. وفجأة.. انفجرت في العياط.. والعبال زمايلي اتلموا

حواليا.. مالك؟.. فيه إيه؟.. حد زعلت؟.. حد كلمك؟

من بين العياط والشحفة ما اقدرتش أقولهم غير كلمة واحدة

- اتسرفت!!!

عائشہؓ

عن الرقة والأنوثة

فكرين فيلم غصن الزيتون؟ بتاع أحمد مظهر وسعد حسني.. لا طبعاً
شش الناصر صلاح الدين هو ده كان فيه سعد حسني؟

في الفيلم ده كان أحمد مظهر المدرس بتاع سعاد حسني ووجهها واتجوزها بس كان شاكك إن فيه علاقة بينها وبين عمر الحريري اللي كان مدرس في نفس المدرسة.. طب إيه علاقة ده بأي حاجة يعني؟؟؟...

هاقولكم، اصبروا بس.

في مشهد من الفيلم ده كان عمر الحريري داخل قهوة فيها شوية بندرسين زميله قاموا قالوله ايه الكولونيا الجميلة اللي انت حاططها دي..
سمها ايه؟

قالهم أنوثة.. وبغض النظر عن الاسم السخيف.. لا.. السخيف جدا
 ككولونيا أو بارفان رجالي.. فذي كانت المرة الأولى في حياتي اللي أسمع
 فيها الكلمة دي.

أنوثة.

وفضلت الكلمة دي متعلقة في ذهني بشكل عمر الحريري لمدة طويلة
 محد لما كبرت شوية ولقيت الناس بيستخدموها لوصف ناس تانيين مع

الأخ عمر الحريري.. هند رستم.. مارلين مونرو.. ليلي علوي وغيرهم.
وبدأت أدور حواليا في المحيط بتاعي على حد يتوصف بالكلمة دي..
بصرامة مالفيتش!

فين يا جماعة الأنوثة اللي يقولوا عليها دي.. مامتي طول النهار في
المطبخ.. طنط سهر جارتنا طول النهار والليل بتغسل وتنشر الغسيل
والغسيل ينقطع البلونة بتاعة طنط آمال.. فطنط آمال تتخاف مع طنط
سهر عشان الغسيل اللي بينقطع.. وتتخاف مع ابنها عشان يلعب في الشارع
وسايب واجب الحساب.

طب سيبكوا من الجيل ده.. خش ع اللي بعده: منال بنت خالتي
اللي أكبر مني بخمس أو ست سنين.. ربنا كرمها من ٤ سنين ودخلت
دنيا.. طيب يا منال إنتي طول عمرك حلوة كده ودلوعة وربنا الأنوثة بعد
الجواز.. بعد الجواز بكم شهر هوب دخلت الحمل.. كعبرت وبقيت
من كل اتجاه.. ما علين بكرة تولد وتوق.. وإذ بمنال اللي كنا بنضرب
بيها المثل في الرقة والروقان بقت شبه الست اللي بيطلعوا في إعلانات
السمنة ومسحوق الغسيل.. تصحى طول الليل عشان الواد بيعيط وطول
النهر عشان أبو الواد عزيز ياكل ويشرب.. ومرتها اللي كان ضايع كده
النهار فانات والمكياج بقى بيروح في ثلاث اتجاهات: باميرز ثم باميرز ثم
باميرز.. وطبعاً نتيجة الصحيان لمدة ٢٤ ساعة في اليوم بقت واضحة
جلية على ملامح وشها.. ورأسها يادوب تلمس أي حيلة في أي مكان
وشخيرها يتسمع من الفضاء الخارجي.

طب سيبنا من المفهوم ده.. خللينا في مفهوم ثاني برضه غريب عن
المرأة المصرية وهو مفهوم الرقة.

البنيت الرقيقة اللي تكلمها تبص في الأرض وتحس إن الهوا ممكن
حرجها.. واللي تبقى حاسس إنها بسكوتة ممكن لو مشت شوية على
حليها تنكسر نصين.. يخطبها واحد من دول ويفضل كل ما يروح في
حانة يقول عليها شعر.. نسمة.. ريشة.. صوتها زقزقة عصافير وكل ما يسمع
سوة حلوة تفكره بيها.. ويعملها رنة ع الموبايل.

«لما النسيم بيعدي بين شعرك حبيبي باسمعه.. يقول أهات».

«وعطورك الهادية اللي داية فيكي كل ماتلمسك بتقول أهات».

يعزمها ع الغدا ماتاكلش غير سلطة.. يجيلها هدية غالية تزعل منه
ونقوله: إنت ليه مكلف نفسك.. وهكذا تستمر الحياة كحلم جميل يصحى
منه إمتي؟

بعد الجواز بأربع أسابيع - أو أسبوع - حسب حظها ونصيبها وتبدأ
المطالب ويبدأ التغيير.. وفجأة يلاقي الحالة اتقلبت ١٨٠ درجة.

لأن واحدة بالمواصفات دي تبقى لازم كانت عايشة في فقاعة بعيد عن
كل الناس.. عمرها ما ركبت مواصلات.. عمرها ما اتعاكست واضطرت
ترد على واحد قليل الأدب وتوقفه عند حده.. عمرها ما تعاملت مع حد
في شغلها.. عمرها ما اضطرت تاخذ موقف وتتخاف عشان تاخذ حقها
أو توقف ظلم وقع عليها.. عمرها ما نزلت السوق تشتري الخضار وأكد
عمرها ما طبخته.. فأكد بعد الجواز لو بدأت تعمل الحاجات دي كلها..
لا يمكن تفضل نفس البنيت الرقيقة البسكوتة اللي بتنجرح من الهوا.. وإلا
مش هاتقدر تعيش..

طبعاً الحالة بتزيد أكثر وأكثر مع وجود الأولاد واللي غالباً عبء
تربيتهم بالكامل يبقى على كتافها هي وبس.. فيا إما تبقى شخصية قوية

- لا يا برأيد لازم تفهمي ده «مستكل» جدا ورأيه من دماغه ومابيديش ودانه لحد ومعتمد على نفسه اعتماد تام.

- الله.. «مستكل» ورأيه من دماغه ومابيديش ودانه لحد.. أنا باموت في النوع ده:

أحمد عبد العزيز في المال والبنون.. شريف منير في ليالي الحلمية.. محمد رياض في أي حاجة مثلها قبل ما يتجوز (الوحش).

الصراحة جسمي قشعر.. بامووت في النوعية دي.. يا سلام بقه لو سنانه مزاحمة بعضها زي نبيل الحلفاوي ولا ودانه واقفة زي حمدي قنديل ولا بلغد زي عمرو موسى. الرجالة اللي ليهم شخصية وهيبة لازم يبقى ليهم ديفوهات زي دي.. وهو ده اللي يميزهم.. وبعدين أنا اعتقدت من الناس اللي شكلها حلو.. أنا عايزة واحد وحش. مش عايزة بتوع لجنة السياسات خلاص.

وجه اليوم الموعود.. نضاً! أنا الشقة ونفضنا السجاد وغسلنا الستائر اللي كانت لسه مغسولة من يومين وكويت الطقم ولبسته وحطيت مكياج نص نص.. مش في الكوايتي.. لأ في الكوايتي.. لو طلع من اللي مايحبوش الميكاب الكثير وقلب وشه وامتعض.. أخش اغسل وشي واطعله زي مارينا خلقتي (هو اللي جابه لنفسه).. أما لو كان من اللي ييحبوا التكني كالر.. عندي صباغ روج بطعم الفراولة هاخش أكله كله.. ماحدش يغلطني بقه.. عروسة فول أوبشن أه.

قاعدين مستنيين سمعنا صوت رجلين ع السلم وهوب رن الجرس رنننة ريزيبيينة قوووي.. يا سلام.. الكبير كبير برضه.

دخل م الباب.. يااااااااااا حاجة كده بتاع مترين ونص. طول بعرض.

..هين كل الديفوهات بتاعة نبيل وحمدي وعمرو.. يا سلام زي ما - ن أبواب السما كانت مفتوحة.. سنان إيه وودان إيه ولغد عسسسل -حصلش تحس انه شاييل فيه الخزين. لا بس بذلة مقلمة تقليمة خفيفة كده - افنة شيك ونضارة طيبة.. إيه ده وزير المواصلات يا خواتي؟

واحنا كلنا لسه واقفين ع الباب بنبص لبعض.. وأنا فرحانة قوي..! اجل هيبة كده ويخض. ويحسس الواحدة إنها جنبه ولا حاجة.. يمكن - في بنات كثير تقوللك لازم أحس بشخصيتي.. لكن خدوها مني حكمة: -ل اما تقلب البنت وتفضلها.. كل اما تنفض جيوبك! - لأ مش دي الحكمة.. سوري - قصدي كل اما تنفض للبنت.. كل اما تقع فيك أكثر.. بوه، أيوه هي دي.. إحنا لسه واقفين ع الباب وده مد راسه من جوه - بصلنا.. اتفضلوا يا جماعة، واقفين بره كده ليه؟.. اتفضلوا.

اتحركنا كأننا تحت التنويم المغناطيسي وبابا بيصلي نظرة معناها: يه اللي انتي جايها هولنا يتأنزح علينا ده؟!.. وأنا أبصله نظرة معناها: بحبه يا بابا.. عااااااااااا..

دخل وقعد وحط رجل على رجل واحنا واقفين.. بصلنا وابتسم ابتسامة أنيقة وهز لنا رأسه يعني: اقعدوا.. اقعدوا.

قعدنا قدامه مبهورين بنبصله زي ما مرات عم محمد البواب بتبص لجوزين الغوايش بتوع مرات عم مصطفى المكوجي. قاعد هوع الكرسي اللي في وش الكرسي اللي أنا قاعدة عليه.. قعد يبصلي كده ويبص للغازة لني ع الترابيزة اللي في وسط الصالون. وفجأة بدون مقدمات راح قايم سابل الغازة بالورد اللي فيها وحاطتها ع البوفيه.. وقاعد ثاني. بابا بص له - ١١١ ظهرت على وشه واضحة جلية (ملحوظة بابا بيظهر على وشه ١١١ مش ١١١ زي الناس العادية خصوصاً لما يبقى متغاط). بص لبابا وابتسم برضه الابتسامة الأنيقة.

- أصلي مش عارف أشوفها كويس..

دي طبعاً اللي تبقى أنا.. ومش عايزة نباهة هو كان شايف وشي يبقى كان عايز يشوف.. يا نهار أسود.. وواضح إن بابا كمان وصل للنقطة دي بتفكيره لأن حواجه كانوا خلاص قربوا يندمجوا وبيقوا خط واحد طويل فوق مناخيره اللي احمرت وبقه اللي كان مكرمش لأنه واضح إنه بيجز على أسنانه.. ماما مدت إيديها وطبطبت على إيده، يعني: استنى لما نشوف آخرتها إيه..

بابا بصلها، يعني: ده واضح إنه بجح وعينه يندب فيها رصاصة!

رفعت حواجبها واتنهدت، يعني: الرجالة كلها بقت كده.. جيل الدش يا سيدي!

كل ده واختكوا قاعدة غرقانة في عرقها وهو مركز قوي مش عارفة في إيه؟.. ومش عايزة أعرف!

وفجأة برضه وبدون مقدمات تاني اتفتح في الكلام:

- لو سمحتي.. ممكن أعلق على حاجة؟

(ويشاور).

بابا اتحرك بتحفز عشان يقوم بتصرف أبوي لطيف وينط في كرشه وماما شافها بدأت تطلع رجلها من الشوز تحسباً لاحتمال استخدامها كدعم معنوي بابا يحتاجه.

- تعلق على إيه؟

- ضوافرك.

- هاه؟

- ضوافرك.

- مالها؟

وده فجأة افتتح ومش عايز ينسد:

- إنتي ليه بتقصيها مدورة؟ مش عارفة إن المربعة هي الموضة؟.. هي الموضة في الذهب إيه دلوقتي الأصفر ولا الأبيض؟.. بس اللون الأبيض اللي اتتا داهنين بيه الأوضة ده هایل واللون اللي اتتا داهنين بيه البيت كمان.. هو البيت ده تملك ولا إيجار؟.. إيجارات الشقق بقت غالية قوي على فكرة اليومين دول.. اليومين دول ساقعة شوية، باين الشتا داخل بدري السنة دي.. إنتوا عارفين إن السنة دي سنة خبيثة؟ أصل أنا مو اليد تسعة وعشرين فبراير وباحتفل بعيد ميلادي كل أربع سنين مرة، هاهها.. مرة واحد جه يقعد على قهوة قعد على شاي هاههاها.. الشاي بتاعي خفيف يا طنط على فكرة وبمعلقة سكر واحدة..

ماما بعد ماتأكدت إنه أهبل صدرت له الوش الخشب:

- الشاي خلص من عندنا يا حبيبي.

- الشاي خلص؟.. طب خلاص نخليها قهوة.. هي القهوة اللي تحت البيت دي مش عاملالكوا إزعاج؟.. أصل إزعاج الناس ده أسوأ حاجة في الدنيا.. خصوصاً الكلام الكثير..

كتير قوي المكياج اللي انتي خطاه يا آنسة.. آنسة، إنتي برضه ماقولتلش اسمك إيه؟.. الاسم دايماً مهم.. القسم بقه اللي جنبكوا ده بيحميكوا كويس؟ بيخوف الحرامية يجوا الناحية دي؟.. أصل الناس خلاص هاتاكل بعض.. هو اتتا هاتاكلوا إيه النهارده أنا شامم ريحة ملوخية بالآرانب.. الأرانب بقت سهلة دلوقتي على فكرة.. الواحد يدخل بميت جنينه في

البورصة يطلعوا بأرب.. مليون يعني.. مليون مرة اقول لطنط شكرية
عايز عروسة، مش عارف اتأخرت ليه على ماجبتي هنا؟

بابا فرمله:

- أنا عارف!.. بره!

- نعم يا عمي؟ قصدك السفر بره؟ لأ أنا مش ناوي.. أصلي..

- برره!.. اطلع بره!.. ما عندناش بنات للجواز!

- هاهاها.. بتهزر يا عمي؟.. آمال دي إيه؟.. يا جماعة حد يقول لي

اسمها إيه؟.. هاتجوز واحدة ماعرفش اسمها؟!

- أنا قلت بره ما عندناش بنات للجواز!!

- مش فاهم.. حضرتك بتتكلم بجد؟.. بتهزر؟.. أكيد مقلب.. آه شوفتوا

برنامج مقلب دوت كوم؟

وهنا قرأتي الأعراء وصل ارتفاع ضغط بابا حدا لم تشهده البلاد من
قبل. وقام، وهو الذي يبلغ طوله ١٧٠ سنتي وعمره ٦٢ سنة، بحمل البه
العريس المترين ونص ده هيلابيل من الصالون لبب الشقة وزقله السلم
وسمعناه بيتدحرر رج دحرر رج رزيينة جد ددا..

..والعاقبة عندكم في المسرات.

حب آه... حب لأ

موضوع محيرني..

عريس؟... لا مش عريس.. أنا هاخذ - تايم أوت شوية، من موضوع
العرسان دول. آخر عريس ده انتوا عارفين كان هايوديني ورا الشمس..
قررت إني آخذ أجازة شوية عشان ماتلاقوش خبر في يوم في الجرايد إني
رميت نفسي من فوق البرج والا حاجة.

أولا يا جماعة لازم تعرفوا إن الشعب الصيدلاني غير بقية شعوب
الأرض المحبة للسلام.

في دفعتنا كان نظام «الكابلز» غير معترف بيه رسميا زي بقية الكليات..
لأن في كلية، الولاد فيها بيدوا البنات بالكنتف والكوع ومقابل الحرامية
عشان يدخلوا قبلهم المدرجات، مش معقول يبقى فيه أي رومانسية..
وفي معامل الكلية اللي لو اتلفتت البنت يمين أو شمال ممكن ماتلاقيش
الكرسي بتاعها وتلاقي حاجتها مرمية ع الأرض عشان فيه واحد من شباب
مصر الواعي قرر إنه يطبق مبدأ المساواة.. مايتهايلش ان ممكن تبدأ أي
قصص حب ناعمة أو قوية أو فيها ريحة الحنية.

فهما كانوا بالضبط ٦ كابلز في الثلاث دفع اللي كنا بتتبع أخبارها..

دفعتنا والدفعة اللي قبلنا والدفعة اللي بعدنا.. احنا بقه بالنسبة لشلتنا اللي
كنت أنا بلا فخر صوت الضمير بتاعها.. فضلت الشلة بتاعتنا «male free»
زي ما كنا مسمينها نتيجة لنصايح الست الوالدة اللي كنت باطبقتها عليهم
بمنتهى القسوة.

- علا.. كنت بتعملي إيه هناك؟

- مافيش.. ده سامح كان بيطلب مني كشكول المحاضرات..

- نعممممممممم.. إنتي اتجننتي؟

- ليه.. فيه إيه؟

- إنت مش عارفة دفتر المحاضرات ده فيه إيه؟

- فيه محاضرات.. هايكون فيه إيه يعني؟

- فيه ورق يا هانم ورق!

- ودي فيها إيه؟

- ورق يعني وسيلة من وسائل المراسلة شوية شوية يسيلك جواب
بعدها تلاقيه كاتبلك قصيدة شوية شوية يقولك تتجوز عرفي!

- يا نهار أبيض.. دانا ماكتتش واخدة بالي.

- اتفضلي يا هانم وهاتي الكشكول حالا!

وتجري علا جري وتشد الكشكول من إيد الواد وهو واقف وسط
أصحابه وهيا بتقوله:

- هات! إنت فاكرني عبيطة والا إيه؟!.. أنا مش بتاع الكلام ده
يا أستاذ!

وطبعاً فضيحة الواد تبقى بجلاجل على أساس انه كان بيعاكس أو
..حن أكثر ويتعمل عليه مقاطعة من نص شلل البنات في الكلية وأنا
بس لعلا بانتصار.

- أبوه كده!.. هو فاكرنا إيه؟.. الشلة دي هاتفضل طول عمرها «ميل
»ي» بلاش قلة حيا.

مرة عبير كانت قاعدة جنبني في سيكشان المايكروبيولوجي وجنبها
قاعد عمر ممدوح - الطالب الوحيد في دفعتنا اللي فيه أمل انه يطلع بني
ادم عدل - لمحته بيتدير نحيثها ويسألها:

- هو المفروض نسخن العينة الأول والا نحط الصبغة؟

لمحتها بتحاول تفتح بقها عشان ترد وفجأة لاحظت إن أنا بازغرها
بطرف عيني.. بصت لي برعب ورجعت بصت لعمر وظهرت عليها الحيرة.
حاولت تفتح بقها تاني وأنا أزغر أكثر، وتحاول وازغر، وتحاول وازغر..
لحد لما فجأة راحت منفجرة في العياط ورامية العينة على البنش وخرجت
نجري بره المعمل.

يا سلااااااااا! هي دي التربية! من كتر إحساسها بالذنب عشان فكرت
تكلمه انفجرت في العياط.. برافو يا عبير. برافو.

عمر التفت لي وقال لي:

- هيا بتعيط ليه؟

بصتله وديرت وشي الناحية الثانية. هو فاكرني هاكلمه والا إيه؟..
هزلت!

أنا شخصياً بقه ماكتتش محتاجة رقابة من حد. كنت كفيفة بصد أي
حد يتجرأ ويفكر إنه يكلمني.

- عادي يا ستي، إذا كان غرضه شريف وهايدخل البيوت من أبوابها
مش كنا خلصنا؟

[illegible]

عارفين المشاهد العبيطة في أفلام أبيض وأسود لما يبقى البطل فاقد الذاكرة لمدة ٢٥ سنة، وبعدين يتزحلق في قشرة موز ويخط في عمود، فترجعه الذاكرة ويصر شريط حياته فدام عينيه مع صورة كده لشوية دواير بتلف جوا بعضها؟.. أي دي حالتني وقتها!!!

وقفت أبصر لها وانا مش فاهمة ومش مستوعبة.

يعني كل الكلام اللي أهالينا بيحشولنا دماغنا بيه غلط؟ .. يعني كل الأفلام بتاعة سعاد حسني وحسن يوسف دي كانت صح والا إيه؟

مجتمعنا بوشين والا هي دي أسس التربية؟

أنا كنت صبح والا كنت معقدة والا إيه النظام؟

الرابع

افتحوا ورقة الأسئلة وامسكوا الأقلام عشان هاسألکم سؤال مهم:

أذكر خمسة أوجه للتشابه بين طنط شكرية وتنظيم القاعدة؟

ايه؟.. غلب حماركم؟.. أقولكم اللي قدرت أتوصلله من أوجه التشابه

دي:

أولاً: الاتنين - سواء اختلفنا معاهم أو اتفقنا (ممكن على فكرة تتفق مع القاعدة بس نطط حشرية مستحيل) أيا كان - نتيجة أفعالهم انفجارات ودمار وغالباً يبقى فيه طرشة دم كمان.

ثانيا: الاثنين ممكن يغطسولهم شهر .. اثنين .. ثلاثة .. ويمكن سنة .
وبعدين يطلعولك بقنبلة أكبر من اللي قبلها .

ثالثا: إنهم الاثنين ساعات يبقى التفسير الوحيد لهم هو نظرية المؤامرة. القاعدة ساعات يتهايلنا إنها من صنع أمريكا.. وطنط حشرية ساعات يتهايلي إنها بتعمل اللي بتعمله ده عشان يمكن زمان كان عينها من بابا ودلوقتي فرصة نتنقم منه وترفعله الضغط.

رابعاً وخامساً: فكروا فيها انتوا بقره أنا بصراحة مافياش مخ.

أنا بقه كنت قاعدة كده فوق المقطم وقدامي كريم متشحتف وعيينه حمرة زي الطماطماية من كتر الدموع:

- أرجوكي يا برأيد لازم نتجوز أنا مش هاقدر أعيش من غيرك.

- مش عارفة أقولك إيه يا كريم.. الموضوع خلاص خرج من أيدي.

- طب أنا مش فاهم ليه باباكي كارهني؟

- أعمل إيه بس يا كريم.. حاولت والله حاولت كتير وماfish فائدة.

- طب بس خليني أقعد معاه وأنا أكيد هاقنعه.

- تقنعه إزاي بس يا كريم إنت عارف بابا ما عندوش تفاهم.

- طب يعني أنا ذنبي إيه إنه شافني وأنا باحضن مة وهي لابسة القميص الأحمر؟

- هو بابا بس اللي شافك؟! دي مصر كلها شافتك.

- طب أعمل إيه بس؟

- هو فيه حل واحد.

- إيه هو؟

- ماتجيبهاش معاك في الفيلم الجاي..

فجأه المقطم كله بيتنهز..

- برأيد.. يا برأيد..

- أبوه يا كريم أنا معاك أه.

- كريم مين؟.. الله يقطع كريم عبد العزيز اللي هايجنك ده.

الله.. مين اللي بيهز الجبل؟

- جبل إيه يا هانم؟.. قومي أنا مامتك.. قومي يا بنت تعالي شوفي طنط... كرية.. جايه عايزاكي في موضوع.

صمت بتأثير الصدمة من النوم.

بقه يا ربي آجي من المقطم وأسبب كريم عشان طنط حشرية دي؟

- بس يا بت بلاش قلة أدب.. قومي البسي يالا وطشي وشك بشوية.. وتعالي قابليها.

يا فتاح يا عليم يا رزاق يا كريم حاضر قايلة أه.

دخلت لقيت طنط حشرية مستقرة في صالوننا المتواضع.

- إزيك يا طنننط.

- أهلا يا أمورتى.. من غير كلام كتير يا برأيد.. جابالك حتة عريس!

- عارفة عارفة.. راجل ورأيه من دماغه وأبوه تكاثر ذاتيا وجابه لوجده.

- ههههههه.. ينيلك يا برأيد.. يا بنتي الكلام ده مافيهوش هزار.. دا عريس قمممر مافيش في جماله اتنين.

- بقولك يا طنط أنا مابحبش الحلوين دول من يوم الراجل بتاع لجنة السياسات.

- هههههههه.. الله يفضحك.. لجنة سياسات إيه يا حبيبتي إنتي لسه ماصحيتيش ولا إيه؟ (دي ماما وهي بتجز على سنانها).

- أ..أ..أ.. آه.. آه.. معلنش لسه مافقتش قوي يعني.. قوليلي بقه يا طنط عنده كام سنة العريس ده؟

ببعبدوا فيها العجل .. حش واديله! .. (مثل بيثة، عارفة! .. طنط شكرية انلي قلتهولي).

بس القاعدة الأولى المرة دي المفروض إنها مبشرة وباستثناء التأخير عدت من غير خسائر كبيرة.

ثاني معاد بقولكم .. إحنا مانظر ناش الساعة سابعة زي المرة اللي فاتت لأننا أدركنا إن العريس باينه ماشي على توقيت دبي . فبدأنا نستنى ابتداءا من الساعة تسعة . ناس مرتين أهه ومافيش بعد كده.

ضرب الجرس ودخلوا الاتنين ورا بعض .. نفس المنظر بتاع المرة الأولانية باستثناء إن فستان طنط شكرية المرة دي كان موديل رفسة الحمار . قعدت أبص على إيده يمكن المرة دي جايب حاجة غير المرة اللي فاتت .. بس نأبي طلع على شونة (الآ يعني إيه نأبي ويعني إيه شونة دي) .. ما علينا .. قعد العريس أبو ابتسامة واسعة ده .. يا ختشي أمور!

بابا بيتدي هو كمان بابتسامه: إزيك يا ابني .

العريس: ههههههه الله يسلمك يا عمي .

ماما بابتسامه واسعة: ماكانش له لزوم تتعب نفسك وتجب معاك حاجة المرة اللي فاتت .

العريس: ههههههههه دي حاجة بسيطة يا طنط .. حاجة من عندنا .

ماما: من عندكو؟ .. هي دبي فيها حاجات حلوة من دي؟

العريس: هههههههههه دبي؟ .. دبي إيه يا طنط؟ .. قصدك الرياض .

ماما: الرياض؟

لفينا كلنا بصينا لطنط شكرية اللي بانث محرجة كده شوية وبعدين ابتسمت ابتسامه عصبية كده وقالت:

- ما هو أنا أصلي باين ودني مابقتش مطبوة زي زمان .. ههههه السن حه معلش .

رجعنا بصيناله وهو قاعد مبتسم .

بب: يعني حضرتك في الرياض .

العريس: هههه آه . عايش وباشتغل هناك .

بابا: وعامل إيه هناك؟ مسوط؟

العريس: ههههه جدا جدا .

بابا: وعلاقتك كويسة مع السعوديين هناك؟

العريس: ههههههه سعوديين؟ سعوديين إيه يا عمي؟ أنا ماعرفش سعوديين .

بابا: إزاي يعني عايش في السعودية وماتعرفش أي سعوديين؟

العريس: ههههههه سعودية؟ سعودية إيه يا عمي؟

(طنط حشرية بقه في اللحظة دي بتشيل شنطتها وماشية).

طنط حشرية: آسيبكم أنا بقه طالما خدتوا على بعض .. ابقوا طمنوني بقه .

المرة دي بقه ماما اللي وقفت لها:

- استني يا شكرية .. اقعددي! رايحة فين؟ استني هنا اما نشوف 'لحكاية إيه! بتقوللي إيه بقه يا حبيبي؟ .. عايش في الرياض وماتعرفش السعودية؟

العريس: ههههه أيوه يا طنط يعني ماعرفها منين؟

ندرش أقاوم الموضوع ده جوايا.. يا جماعة دي جيتت. وموصوع
 المرأة المصرية ده مش من النهاردة ولا امبارح.. ده موضوع ضارب
 جذوره في عمق التاريخ.. يعني مثلاً هاتلاقوا صور على معابد فرعونية
 بيها ستات ماسكين في إيديهم خرزات.. هايضحكوا عليكم ويقولولكوا
 مفتاح الحياة وبتاع.. ماتصدقوش.. دي كانت الأدوات المستخدمة أيامها.
 يعني دي هي البديل الأثري للشبشب أبو وردة وإيد الهون.. عايزين دليل
 بي؟.. طب مش تلاقوا كل الرجالة الفراعنة مغطين دماغهم وماحدش
 أبدا كاشف راسه.. لبيسيه؟.. عشان لو كشفها البلايز اللي في راسه هاتبقى
 واضحة وتقدر تتشاف بالعين المجردة والراجل مكانته تنهز في وسط بقية
 لفرعين.

طب ليه الست المصرية مفترية؟.. آلاااا هو ده السؤال اللي كنت
 مستياه.. الست المصرية وبكل صراحة.. لا تملك إلا إن تكون مفترية..
 شايقة ناس بتهز راسها ومش عاجبها الكلام.. طب بالذمة مطلوب من
 الست الغلبانة دي إيه؟.. الراجل يتقدم لها وهي تقبل عشان بيقالها حيلة
 تستند عليها، فيتضح مع مرور الوقت إنها هي اللي المفروض تبقى حيلة
 وسقف وأرضية كمان!

تصحى الصبح تحضر الفطار وتلبس الأولاد وتغفرهم وتغفره وتنزل
 تجري في الشارع، تودي اللي هايروح مدرسة مدرسته وتودي اللي لسه
 مادخلهاش عند أمها، وترجع تجري عشان تروح شغلها، وتروح متأخرة
 وتتاخذ تأخير. وترجع من شغلها، تروح تجيب نص العيال من المدرسة
 والنص الثاني من عند أمها، وتعود السوق عشان تجيب الخضار، وتروح
 البيت جارة العيال وراها.. أو هما اللي جارينها.. وتقلع العيال هدومهم
 وتبدأ تطبخ، وبعد ما تطبخ تغرف، وبعد ما تغرف تغسل الأطباق وتعمل
 الشاي وتشوف لو فيه غسيل أو تنضيف. وبعد ما تخلص تقعد مع الولاد

دفاعا عن المرأة المصرية.. المفترية

في كل شارع وفي كل حطة وعلى كل قهوة أو كوفي شوب أو حتى
 غرزة.. في الميكروباص والتاكسي والأتوبيس أو حتى التوك توك تجد
 شكوى عامة من رجال مصر الأوفياء في حق زوجاتهم: نكدية.. رغبة..
 زنانة.. طول النهار تجع وتضرب في العيال.. عاملا لي مشاكل مع
 العيران.. مقشطان أول بأول ومقصصة ريشي.. عليها لوية بوز.. وقد
 تجد في إحدى المناسبات أحدهم يتحسس ظهره أو قفاه فتفهم ضنينا
 أنه نام بالليل على أنغام الشبشب أبو وردة.

والمشكلة مصرية بحتة.. هاتقولولي كل الرجالة في جميع أنحاء
 العالم بيشتكوا من زوجاتهم.. أقولكم سوري.. الرجالة اللي بيشتكوا من
 زوجاتهم بره بتكون نسبتهم ٢٠-٣٠.. قول حتى ٥٠%.. لكن مصر الدولة
 الوحيدة اللي لو تعمل فيها استفتاء على الموضوع ده النسبة هاتكون
 ٩٩,٩٩٩% (كالعادة).

طبعاً فيه ناس هاتفتكر إنني جاية هنا عشان أنفي التهمة دي.. لأ..
 مطلقاً.. أبسلوتلي.. أنا أقر وأعترف إنني نموذج من نماذج المرأة المصرية
 'المفترية'.. آه أنا مفترية.. رغم إنني لسه ماتجوزتش.. يعني ما عنديش راجل
 بيت أمارس عليه منهج الافتراء اللي أقرته جمعية المرأة المتوحشة.. لكن

تذاكر لواحد رتتحق مع انني عشان صر بـ أخته وتدعي ع الثالث اللي
سب كل الكراسيات بتاعته ومصمم يرسم على الحيطه. وبعد الموال
اليومي ده ما ينتهي، انبيه اللي كل مسئولياته في الحياة إنه يروح الشغل
وييجي من الشغل وياكل وينام.. يرجع من على القهوة ويصير للمست
الشقيانة طول النهار ويقولها:

- ده منظر تقابلي بيه جوزك ده؟.. ماتفردي وشك شوية ولا تقومي
تغيري الهدوم اللي عليك دي مانتى قاعدة فاضية طول النهار انتي وراكي
حاجة؟

وبعدها يستغرب قوي لما تفتحله نفوخة بإيد الهون!!!!

لا والمشكلة كمان إن تعامل الرجل المصري مع زوجته مايتضمنش
بس عنصر الطناش.. لا وعنصر البجاجة كمان: في أي مكان محتاج
طواير زي محطة القطر مثلا يقترح الزوج «براءة» إنها تقف في طابور
السات لأنه أقصر. وتخش وتزاحم وتتهدل وبعدين بعد ماتجولوا بالتذاكر
يشخط فيها ويقولها: اتأخرتي كده ليه؟.. وأحياناً في خناقة في أتوبيس أو
ميكرو باص ممكن قوي يصدرها في وش الخناقة ويقعد يقولها: اسكتي
انتى ماتندخليلش! ويمسك دراعها كده وكده قال يعني الواد شهيم وحمش
وهو نفسه يستخبي وراها.. واللي يغيط بقه ويفرس إنه شايف إن مرتبها ده
حق شرعي ليه ومذكور في القرآن ويقولك والتقوى مرسومة على وشه:

- أنا مش محتاج مرتبك بس أنا شفت الشيخ الفلاني في التلفزيون
بيقول إن اللي ماتسلمش جوزها مرتبها أول كل شهر تبقى ملعونة دنيا
وأخرة وأنا خايف عليكى يا حبيبتي..

وبعد ما تسلمه المرتب بثواني يتقلب ١٨٠ درجة:

بعل ذاكراً للولاد.

- ماعنديش خُلق!

- الأنبرية فضبت.. عايزين أبوية.

- طب وانا مالي؟

- طب شيل كوباية الشاي اللي شربت فيها.

- وانتي لازمك إيه؟

وبعدها يستغرب قوي لما ناكل دراعه وهو نايم!!!!

نقطة ثانية مهمة: نقطة انقصصة والتقيشط.. دايماً الراحل بيتهم
لأدمام انها بتستنى لما ينام وتحري تعتش هدمه وتقيشط اللي فيها.. ده
مير الخنصرة من مصروف البيت والفلوس اللي بتتشال تحت البلاطة
.. سسلا!!ام! طب ما هو واكل مرتبها كله ويديها مصروف ينفق ويعر
.. يسيلها ٢٠ جنيه ويقولها عايز أكل ملووجة بالأراب، ويبيجي كل شهرين
.. ثلاثة يقولها: مزنوق يا أم حمادة.. شوفيلي معاكي قرشير.. ولما اشته
بدخل والبرديا كل جثة العيال وتقوله: عايزين نجيب دفاية. يقولها: منين؟..
ده اللي جاي على أاد اللي رايح.. وساعة لما تطلع حاجة من تحت البلاطة
عشان تجيب هي.. تبقى إيديها طويلة وصلانية وبترقه

وبعدها يستغرب قوي لما تقطعه وتعبيه في اكياس!!!!

وبعدين زعلان قوي؟!.. فارقه يا عم الحاج وانت إيه اللي جابرل
على كده؟

لكن الرجل المصري الأصل بيتكلم وخلاص.. لا هو زي الهندي
يتخفق من مراته يقوم دلق عليها إزازه كيروسين ومولع فيها.. ولا هر

زي الأمريكاني يضربها طلقة في نافوخها ويرميها في أي نهر ويلف يدور عليها مع البوليس.. ولا حتى زي الفرنسي اللي لو اتخفق من مراته يقولها ماتشوفيلك بوي فريند يمكن أعصابك تستريح شوية.. المصري كلام وكلام وبس.. أكيد مش بطالب إنهم يولعوا فينا يعني.. بس مخنوق قوي كده!.. فارقتا.. مش هاتقدر تمشي يبقى تلم الكراسي بقه وتشطب المولد اللي انت ناصبه في كل حته ده.

يا رجال مصر المحروسة: رفقا بالقوارير عشان القوارير ما يهدوش الدنيا فوق نافوخكم.. وبعدين ترجعوا تشتكوا.

الخامس

«أيمن جه!.. أيمن جه!».

هي دي إشارة بدء اليوم عندنا في مكتبنا.. حاجة كده زي تحيا جمهورية مصر العربية اللي كنا بنبدأ بيها طابور الصباح زمد.. بعد الكلمة دي تنتقل الصبح تحسوا إن عاصفة الصحراء ضربت مكتبنا: مرابات بتتفتح، مروج من كل لون ونوع، بودرة كحل، صرح بتتفك وتتربط تاني، شعور مساوي، وكل الاستعدادات الأنثوية اللي بتقوم بيها ست الحسن قبل ما تدبل الشاطر عبد الحميد، كانت موجودة في اللحظة دي.

كل ده عشان أيمن.. أيمن مين؟.. أيمن ده الموظف الوحيد من جنس الرجال اللي موجود في مكتبنا. تخيلوا كده ١٤ صيدلانية على وش جواز على وش جواز دي فيها قولان) ومعاهم أيمن. لأ ومش أي أيمن.. ده من عريض المنكبين قوي الجبهة طويل القامة واسع الابتسامة عميق العينين حاد الأنف.. باختصار كده كل الأوصاف اللي نبيل فاروق بقله مشرين سنة مزهقنا في وصف أدهم صبري بيها.. موجودة في أيمن ده، التاللي فهو بصراحة يستحق كل الاستعدادات دي.

— أههههههه (ده انا.. باتنهد).

السهم بعد عاصفة الصحراء دي دخل أيمن المكان. ماحدش قدر
يبص بطريقة مباشرة لأن كل شيء فيه كان بيلمع.. الشعر، البسمة، الجاكت
الجلد، والشوز الملمع. كان صعب تبصله مرة واحدة. مش هاتقدر تفتح
عينيك (بالغيظة في هالة سرحان) وريحة البارفان اللي هبّت على المكان..
خلت اتنين يفقدوا النطق وتلاتة يفقدوا الوعي وواحدة كان عندها استعداد
تفقد أكثر من كده لو كان حد إداها فرصة.

- صباح الخير يا جماعة.

- تمكتنلاربية لاللف (دا احنا بنرد بكلام غير مفهوم مع فاصل من
القهقهة اللي مالهاش لازمة).

وقف أيمن يبص كده شوية في المكان ويلف بعينه في المكتب، وفجأة
بص لي.. واتسعت ابتسامته قوي ولمعت في الشمس لدرجة إني أصبت
بعمى مؤقت، وبعدين.. وبعدين.. يا دي النيلة، دا جاي ناحيتي.. طب
اروح فين ولا اعمل إيه؟.. عملت نفسي مشغولة في الورق اللي قدامي،
بس على مين؟.. برضه جاي ناحيتي - والكل ببص - وفجأة جسمي كله
غرق في عرقه - كمية العرق اللي عرقته ساعتها كان ممكن تحل مشكلة
الجفاف في أثيوبيا - أما وشي بقه ماحكيلكوش.. وشي بقى أحمر لدرجة
إني لو كتبت عليه ٢٢ الناس هاتفتكرني أبو تريكة.

مبّل وسند على مكتبي وقال بصوت واطي:

- صباح الخير.

- هه؟.. إيه؟.. آآه.. طيب.

- أنا ممكن أتكلم معاكي شوية؟

- معايا أنا.. إحلف. أأأقصدي ليه؟ خير في حاجة؟

- لأخير إن شاء الله.

فلت وأنا بحاول أوقعه عشان يعترف:

- بخصوص إيه يعني؟

- بخصوص حاجة كويسة إن شاء الله.. حاجة ليها علاقة
لستقبل.

(فستان أبيض وزغاريط دبلة وشبكة.. سعد الصغير بيغني ونوال
فص).. كل ده مر في خيالي في اللحظة دي.. نوال مين؟.. نوال دي
ناصة مهمة جدا بس انتوا جهلة ماتعرفوهاش.

- طيب إمتى؟

- بعد الشغل إن شاء الله ممكن؟

- طبعا ممكن نتكلم بعد الشغل (وعليت صوتي عشان أكيد
أعزال)!

بقيت اليوم بقه.. كان يوم تاريخي!.. أكّني عايشة في فيلم عربي
نظبط.. أنا طول الوقت بابص في الأرض وكل البنات عاملين أحزاب
سير موا عليا كلام.

اتنين ع اليمين: هي فاكدة نفسها إيه يعني؟! كل ده عشان عايز يكلمها؟!
- إيه يعني؟!

اتنين ع الشمال: بكره تعملنا فيها نانسي عجرم وماحدش يقدر
كلمها.

اتنين تانيين بيصرفوا للمرضى: هو لو يعرفها على حقيقتها مايبصش
في وشها.. اسأليني أنا.. خد يا حاج.. لما تتعب ابقى نقط من دي في
ساخيرك.

واستمر اليوم على كده، تلقيح كلام، تلقيح كلام.. ده غير الزغر.. يعني
لو لفتت بتعور كل زماني مرمية في مشرحة زينهم دلوقت.. الوحيدة
نبي كنت واقفة جنبتي في الموضوع ده نهي صحتي.. هي الوحيدة اللي
كنت مقوياني ونشد من أذري.. على طول بتبسم في وشي وتضطرب
على دراعي.. ربنا يكرمك يا نهي يا رب.. هما دول أصحاب ولا بلاش.
وكن شوية يمن ببص ناحيتي وببسمه ببسمه زي ما يكون بيتولني سيبت
منهم ولا يهملك. وكل ام عليه تيجي في عيني على طول أدير عيني في
نبي اتجاهه (الله.. يا تكسف!!).. ونهي كمان ماسا بتهمش يستفردوا بيا. ربنا
يخليكي يا نهي يا رب!

وجه معاد الانصراف، ولأول مرة في تاريخ وزارة الصحة منذ إنشائها..
الناس مش عايزة تروح! الساعة جت اتنين.. اتنين وعشرة.. اتنين وربيع..
وماحدث عايز يتحتج من مكانه.

نهي عذرة نتقد الموقف:

- إيه يا جماعة إنتم مش مروحين النهاردة والا إيه؟

واحدة: أنا لسه قد مي شوية شغل.

الثانية: وأنا احتمال باب يعدي عليا.

الثالثة: أنا بقه مانيش مزاج أروح دلوقت. اللي عايز يخفي يخفي..

قصدي نبي عايز يدشي يدشي.

أيمن يبصني خمسة كده وبابن عليه محرج قوي.. وأنا قعدة هاموت
(يا ولاد ال.. هو خلاص يعني.. مدتوا هتعرفوا هتعرفوا.. لازم تقفوا
في زوري كده؟).

فضلت مستنية لحد ٢ ونص الا خمسة وبرضه ماحدث عايز يتحتج..
ت. ما بدهاش بقه.

حدثت شنطتي وقمت من مكاني ومش عارفة إيه الشجاعة اللي نزلت
بيا بدون مناسبة دي رحت رايحة عند أيمن:

- دكتور أيمن.

الواد اتفرع:

- أيوه؟

- لو سمحت عايزاك.

ورحت خارجة بره الأوضة بسرعة، وهو ما صدق راح جاري ورايا.
سمعة أنا بقه دربكة في الأوضة: كل واحدة بتحاول تقوم من على
رسيها بسرعة وتخرج ورانا تفرج. وغالبا كلهم خبطوا في بعض أو
حشروا وهما خارجين من الباب خصوصا إن فيه كام واحدة منهم من
برزن التقليل.

وصلت الكافيتريا بتاعة المستشفى وبمتهى الثقة رحت قاعدة على
الترابيزة وأنا مش مصدقة نفسي (يا حالولي، يا حالولي، هي دي
الكافيتريا بقه بتاعة الرانديفوهات.. يا سلام يا رب.. الحمد لله كل أحلامي
تحقت.. أنا كده ممكن أموت وأنا مستريحة). فقد أيمن قدامي وهو
مجلان وباصص في الأرض (لا وحياتك مش وقت كسوف دلوقت، زمان
في البنات كله جاي على هنا، ولو جُم قبل ما تتكلم هاقوم أدبج فيهم
نهم وارمي نفسي م الشبابك ولا مذبحة القلعة بتاع محمد على كلاي).

- أيوه يا دكتور أيمن.. اتكلم اتكلم.. ماتتكسفش.

- الحقيقة هو الموضوع محرر شوية (يا سلام أيوه كده هاينطق. باموت
في النمو صبح المحررة دي).

- خير إن شاء الله.

- الحقيقة حضرتك عارفة إن أنا بتدلي ٧ سنين متعين.. ده غير شعلي
ني أصدلية بره والحمد لله.. يعني احنا مستريحين ماديا (أبيسيوه.. هو
ه اللي أنا عايزة اسمعه من زمان.. سيبك سن بحبك ولا أنا معجب.. ما
دام قال لي إنه مستريح ماديا يبقى فيه أسل الموضوع يتم).

- ربنا يزبدك يا دكتور بس أنا إيه دخلي في الموضوع بالظبط؟

- الحقيقة.. أأ.. أنا.. يعني.. كنت دافكر في الاستقرار.

- (هبيسيه!.. يحيا العدل!.. يحيا العدل!) إيه دهههه؟.. هو حضرتك
نسه ساستقرتش حقيقي.. ولا اعرف.

- لا. الحقيقة لسه، ومن أول ما اشتغلت معاكوا في المكتب وأنا الفكرة
بدأت تلح على دماغني قوي.

- (يا سلام يا سلام.. هو ده الكلام!.. خش بقه في المفيد) طب وأنا
دخلي فيه في الموضوع ده؟

- إزاي يعني؟ ده حضرتك أهم شخص في الموضوع ده.

- (الدنيا بتلف بيا يا جماعة حد يسندني لو سمحتوا) إزاي يعني؟

- الحقيقة أنا كنت طمعان إن حضرتك..

- أيوه.

- يعني إن حضرتك..

أبيسيوه.

- تكلميلي الأنسة نهى.

- نهى... نهى مين؟

- نهى اللي معنا في المكتب. أنا لاحظت ان حضرتك أقرب واحدة
عشنا كده فكرت انك أنسب واحدة تكلميه في الموضوع ده.

- (سوا طير وضرب رصاص.. مشنقة زي بتاع عمكوا صدام متعلق فيها
بت ده وجنبه البت الثانية اللي اسمها نهى دي.. وأن ماسكة العصية
بت تقطع رقبتهم هما الاتنين) نهى...؟ إنت جيبني هنا عشنا تكلميني
من نهى؟

- الحقيقة مش أنا اللي جايب حضرتك هنا ده حضرتك اللي
.. بياني

- نعممممم؟

- أيوه دانا حتى خايف ان الأنسة نهى تاخذ على خاطرها وتزعل.

- إنت يا بني آدم إنت مافيش عندك دم؟ والا مابتفهمش خالص..
..؟

قست ساعتها وقفت وعمال الكافيتريا ببصوا عليا كأنهم بيشوفوا
..ه من فيلم كنج كويج:

. خلاص 'لعبد غبي لدرجة دي تجيب واحدة هنا..

- حضرتك اللي جايبي.

- بس امكت.. متتكلمش خالص.. جاييني مرسل بيبكم ليه

لا دش لسان نكلمها بيه؟!

- يا آنسة أنا كان قاصدي بس ..

- قلت لك ماتكلمش!

في اللحظة دي خدت بالي اني واقفة وفي أيدي طفاية السجاير اللي كانت على الترابيزة والواد كاشش في مكانه وخايف مني والعمال بتوع الكافيتريا رافعين سماعة التليفون ويبطلوا الأمن ييجوا يفضوا الخناقة، أو جازب بيكلمو العمال بتوع المشرحة عشان يبقوا ييجوا يشيلوا الميتين .

هابي فلانطين

كل سنة وانتوا طبيين يا جماعة.. متأخرة شوية معلش .. هو انا يعني اش عرفني بمعاد البتاع ده؟ أنا كل اللي اعرفه اني مرة ماشية في الشارع لقيت دباديب دباديب .. قلت جازب يا بت عيد الطفولة. أمشي في شارع الألاقي الناس كلها لابسة أحمر في أحمر .. أقول إيه ده هو الأهلي هالعب النهاردة؟ .. ربنا يقومك بالسلامة يا أبو تريكة. الألاقي ناس كتير ماشية شايلة قلوب حمراء .. أقول دول لازم بتوع حملات التبرع بالدم .. فين وفيين بقه. قاعدة في أمان الله في الشغل لقيتكم مدام سندس (دي واحدة صيدلانية معانا بس متجوزة. كلنا بتقولها يا مدام عشان هي تقريبا الوحيدة فينا اللي نالت الشرف ده) كانت قاعدة بتحككي لنهى (فاكرينها طبعاً).

- دخلت يا اختي الشقة لقيت النور مقطوع والراجل منور شمعتين وحاطتهم ع السفرة وعينيك ما تشوف إلا النور قعدت أصرخ أصرخ: إنت البعيد أعمى ما بتفهمش؟ إزاي تحط الشمع فوق مفرش السفرة؟ إنت مش عارف ده بكام؟ مش كفاية بابا اللي جايه على حسابه؟ ولا عشان مادفعتش فيه حاجة؟ .. آلا ما انت واخذني بالرخيص! لو كنا خلبناك كعيت دم قلبك في العفش ماكانش ده اللي جرى! .. الراحل باخندى وقف كده شوية مذهول وبعدين راح رايح مولع النور .. ببص لقبلك ..

لقيت شكلي مش ظريف قوي خصوصاً ان المرضى بدأوا يطلعوا من أوضاعهم عشان يتفرجوا. نزلت الطفاية من أيدي .. عدلت هدومي وطرحتي .. رسمت على وشي ابتسامة كبيرة:

- عمو ما يا دكتور إنت ممكن تبقى تكلم الأنسة نهى وجهها لوجه أحسن المواضيع دي مش عازية واسطة. عن إذنك!

ولقيت وخرجت من الكافيتريا والواد لسه قاعد متمسك زي ما هو .. افكرت حاجة فرجعت ثاني، الواد شافني قام جري استخبي ورا أم طارق بتاعة الكافيتريا:

- آه .. على فكرة .. لما تتجوزوا .. ماتنسوش تعزموني ع الفرح .. أوكي؟ .. باي بالآآي.

حصل إيه بعد كده ؟ .. مش عارفة بالظبط.

أيمن .. الله يمسيه بالخير بقه .. أيمن راح لييبا .. ويقولوا اتجوز من هناك.

نهى .. نهى دي صاحبتي وحبيبتشي .. أماال .. هي الصداقة دي بالساهل؟

.. لا يا ماما.. خلاص أنا عرفت حظي ونصيبى.. أنا مايتقدملىش غبر.
.. هات.. أنا خلاص يا ماما ها أقعد جنبك وهاسمع الكلام وهاعسل
.. اعين.

ولسه هاقفل الباب الراجل الأروب حط رجله في فتحة الباب وزقه لما فعصني في الحيطه ودخل.

- ايه ده... هاتغسلي المواعين بجد؟
- لألألاً... بلاش استغلال الظروف ده... بس والنبي يا ماما والنبي
ندخله.

« ما تفلّش يا بريد... إني عارفة إن أونكل ديسكو بفهم وراجل محترم
« ما عارفة كلهم ناس محترمين، ولو جاييلك عريس أكيد هايبقى محترم.
بصتلها والدموع في عينيا.. ذكية ماما دي.. عكروته بتعمل معايا زي
ما كانت بتقول لي زمان.. روجي المدرسة وأنا أجيبك صباح روج.. إيه؟..
دنا كنت في تالته ابتدائي يعني عروسة قد الدنيا..

يووووه... بمرضه عكروته وعروسة في جملة واحدة بس على رأي ماما
أونكل ديسكو راجل محترم وغير طنط حشرية خالص، ولو جابلي عريس
هايتقي راجل محترم.

أما أحسن اتصنت عليهم.. أختكوا بقه وقفت على باب البلوكنة بتلمع
في الأكر بكل براءة وسمعت الكلمة الموعودة.. هما الصراحة حرفين
اتنين:

۔ ماتد خلیش یا ماما! قلبی مش مطمئن! حاسۃ انہ کمین!

— لیس —

وده طبعاً النص الثاني من اسم المأسوف على شبابه العريس.
عاديكم.. ركيبي سابت ودقات قلبي ارفعنت والدنيا لفت بيا ووشي
اصفر وعينها برقت (الله يا برايد.. عاهة ثانية والا إيه؟).

VO

ماما خرجت من البلكوته ولقتني مربعة على الأرض رجلي مش
شايلاني. راحت رافعاني بيد واحدة.. (جامدة ماما ومتأسسة).. وواخداني
في حضنها.. وبوسة من هنا، وبوسة من هنا:

- مبروك مقدما يا بربر.

- فيه إيه يا ماما بس؟

- أونكل ديسكو جايلك عريس.

وفجأة ماما مالتقتيش قدامها!.. وقعت من وسط ذراعها وربعت ثاني
ع الأرض.

- يا اادي النيلة!

- نيلة إيه بس يا بربر يا حبيتي؟

وهووب.. شالتي من ع الأرض ثاني.

- ده عريس بقة محترم محترم.. والحكومة كلها وافقت عليه قبلنا.

الحكومة كلها؟؟؟ ليه؟؟؟ يكونش رئيس لجنة السياسات ربنا بيعحه
وهايخطبني؟؟ والنبي يا ماما؟ ده انا ابقى حتة سيده أولى.. مستقبليا
يعني؟؟.. أوجه نشاطي الخيري كله للأطفال ضحايا التليفزيون المصري..
ولا اقولك لسواقين الميكرو باص ضحايا الحزام.. ولا اقولك.. الستات
ضحايا عمليات الشفط.

- إيه يا بنتي؟ حيلك.. حيلك.. لجنة سياسات إيه؟ ورئيسها مين؟؟

ده جايلك عريس أهم من كده بكتيبيبيير.

- أهم من كده؟؟ قصدك.. سيادة الـ...؟؟

- يا بنتي هاتودينا في داهية!.. بصي! طرطيلي ودانت كده!.. إيه أول
..جة تخطر على بالك لما اقولك.. ظابط شرطة؟

- بوكس وقسم وعصاية مقشة!

- عصاية مقشة؟؟ يا بنتي باقولك ظابط.. مش كناس!

- والنبي يا ماما إنتي طيبة معاداتش فارقة دلوقت الأدوات دي بقت
..ستعمل في المهنتين.

- يا بت بلاش غلبة بقة.. بقولك أونكل ديسكو جايلك عريس
..بترففش.. ظابط ومن عبلة ومتربي تربية عالية.

- يا سلام؟؟!

- والله يا برابرد يا حبيتي شكلها كده هاتمشي المرة دي..

- ربنا يستر.. وهاييجي إمتي؟

- هاييجي يوم الاثنين الجاي.

- يشرف ويأس.. ونبتدي كورس التضيف.

وطعبا بعد كورس النظافة والتلميع بقى البيت بيرق من بره ومن جوه.
جت الساعة الموعودة: دقت الساعة ومعها جرس الباب. دقة ونظام..
أمال إيه.. باحب انا الناس الملتزمة بمواعيدها دي.. كان عندي دائما أمنية
دقيقة إني أتجوز واحد دقيق في مواعيده.. يمكن لأن انا مواعيدي بالظبط
..لظبط زي مواعيد السكة الحديد.. غير موثوق فيها على الإطلاق.

دخل من الباب. وقعدت أبحق أبحق من وراء السترة اللي دابت من
تتر ما يبحلق من وراءه.. عريض المنكبين، رياضي. قوي الشكمة. طهل
في عرص في ارتفاع في عمق.. عنده كاريزم كده باينة حتى من فناء.

يا دي النيلة.. إيه الدهولة اللي أن فيها دي.. مش عارفة اتكلم..
ولسه هافتح بقي لقيته مطلع حاجة بتلمع كده من جيبه.. يا حلولي
يا حلولي!.. خاتمه ده والا إسورة؟.. يا سلام! راجل ذوق برضه.. الناس
الشيك دايمًا لازم تدخل في أيديها حاجة دهب.. مسكها بطرايف
صوابه وادهالي.

- إيه رأيك؟

مديت إيدي ألحقها قبل ما يغير رأيه ويرجعها في جيبه تاني.. أول ما
مسكتها في إيدي ذهلت:

- إيه ده؟.. دي ولاعة؟

- آه.. حلوة؟.. عجبتك؟

- بس أنا مبادخنش..

- عارف عارف.. أنا بس بافرجهالك.. عجبتك؟.. شوف كده
يا عمي؟

بابا بص من بعيد:

- آه كويسة.

- لا.. امسكها كده شوف ثقيلة ولا خفيفة.. دي دهب ٢٤ قيراط.

بابا مسكها وقلها في إيده شوية وقاله:

- بس أنا برضه مبادخنش.

- كويس والله حسن حاجة عملتها.. ممكن تنادي طنط تنفرج

..

- خلاص يا ابني والله مصدقين إنها دهب.

- معلش معلش ناديلها برضه.

- خلاص يا ابني قلنا..

- من فضضضضلك ناديللها!

الجملة الأخيرة دي قالها بأسلوب خللا الدم يتجمد في عروقي..
معلش يا برايد.. بكره تبقي تعلميه يبقَى حنين شوية في الكلام.. مش
عايزين نفرکش الموضوع من أول قاعدة.. معلش يا بابا ما هو بكره يبقَى
نسيبك وماحدث هيقدر يكلمك.

ماما جت بعد ما بابا نده عليها ودخلت و.. شكلها كانت خائفة وبصت
على الولاة:

- حلوة قوي تعيش وتجيب.

- قام جري وأخدها من أيدها.

- لا.. دي بتاعتي.. أنا بس كنت عايزكم تنفرجوا عليها.

أونكل ديسكو قام وقاله:

- ممكن اشوفها؟

- لا.. مش لازم انت يا أونكل.

ومسك الولاة بطرايف صوابه وحطها جوه جيبه واتجه ناحية
الباب.

- أنا هاستأذن بقة.. أنا سعيد جدا إن أنا اتعرفت بيبكم.. إن شاء الله
هابقى أتفق مع أونكل وهو هيقولكم على الميعاد الجاي.. عن إذنكم

وهوب لف وخرج من الصالون وفتح الباب ومشى.. واحنا واقفين
مش فاهمين حاجة خالص.

بابا بص لأونكل ديسكو:

- حاج ديسكو.. إيه النظام ده؟

أونكل ديسكو وهو بيضحك:

- هههه.. خير يا ابو بر ايد خير.. ده راجل ليه هيبة ومالوش في الدلع..
وما دام قال إنه هايتفق معايا يبقى ماتقلقش. مبروك مقدما.

وهوب لف هو كمان وخرج.

ماما يا عيني أعصابها ماستحملتش واترمت على الكرسي وهيا
بتنهج:

- أنا لا يمكن أوافق على الجواز دي أبدا.. يا لهوي.. ده إيه الرعب
ده؟!

- جرى إيه يا ماما؟ وانتي خايفة من إيه؟.. تكونيش هربانة من حاجة
وخايفة تنفقشي؟

- امشي يا مهر وشة انتي!.. يعني بتدافعي عنه.. يا بنتي ده ممكن في أي
خناقة يجرك ع المعتقل. إنتي ماشفتيش كان ببصلنا ازاى؟!

- يا ماما.. حمش شوية بس..

- حمش؟!.. بكرة لو اتجوزك ده يكسر دماغك.. يا بنتي ده بيفكرني
أحمد زكي في زوجة رجل مهم.

بابا اتدخل:

- يا أم بر ايد أدينا هانستنا لما نشوف آخرته إيه.. بلاش نوقف إحنا
المركب السائرة وخلينا ورا الكداب لباب الدار.

- هو ده الكلام يا بابا.. شكله مش عاهة قوي.. مش كل يوم هامشي
عريس.. أنا عايزة أخلص بقه.

- يا سلام يا اختي؟!.. أما نشوف آخرتها معاكي إيه.

طبعا أنا ليلتها ماجاليش نوم. عمالة أحلم بالظابط واللجنة والنجوم
اللي علي كتفه، وانا بمرمط في خلق الله وانا مسنودة بقه.. ومن كتر التفكير
مانتمش غير بعد الفجر بعد ما قمت صليت الفجر واستغفرت ربنا وقلت:
خلاص يا رب مش هامرمط في حد ولا هاكسر أي إشارة، وهاكون مواطنة
مثالية تلتزم بالقانون.. بس طبعا نتيجة السهر ماقدرتش أروح الشغل ثاني
يوم وقعدت في البيت. وطول النهار ماما تبصلي وتنهد.. زي ما تكون
بتقوللي إما نشوف هاتودينا فين وراكي..

عدى اليوم على كده. وتاني يوم رحت الشغل.. أول ما دخلت من
باب المستشفى عم محمد الأشكيف البواب بتاعنا اللي كل يوم بيستقبلني
بتلات أربع دعوات أول ماشافني دير وشه الناحية الثانية.. (خير اللهم
اجعله خير).. يظهر المدام صبحته بخناقة أو مسته على أنغام الشبشب
أبو وردة.. ما علينا.. مانا مش هاقف أقرره ويشكيلي حاله.. قلت اطلع
على شغلي أحسن. قابلتني مدام عواطف على السلم:

- دكتورة بر ايد؟

- أيوه يا مدام عواطف فيه حاجة؟

- أيوه يا دكتورة لو سمحتي عايزاكي في مكتبي شوية؟

- دلوقت؟

- يا سلام سلم! إنت كمان بعث مخبر يسأل عليا؟! شوية شوية تقوللي
انك بعث مخبر يسأل على مراتي؟

- طبعاً!.. بس ده بقه تبع التموين.

- إنت يا بني آدم انت بتستهيل؟.. إنت فضحتنا كلنا!

- يا عمي النار ماتحرقش مؤمن.

- يا عيني يا عيني ع العقل والحكمة.. وإن شاء الله التحريات اللي
انت جمعتها دي أثبتتلك إن احنا مجرمين. يعني هاتيحي تجرنا ع القسم
إمتى إن شاء الله؟

- لا يا عمي لا.. التحريات أثبتت إنكم ما شاء الله لا غبار عليكم
خالص والفيش كمان جاي نضيف خالص.

- أفندم؟!.. فيش؟!.. إنت كمان استخرجت الفيش بتاعنا وفتشت
عليه؟

- لا يا فندم ودي تيجي.. إنت عارف إن الفيش لازم يتجدد كل ٣
شهور.. أنا عملتلکم واحد جديد.

- يا سلام وان شاء الله أخذتنا نعمل فيش واحنا مانعرفش.. خدرتنا
يعني؟!

- لا يا عمي مانا عندي بصامتكم.

بصينا لبعض!!

- بصامتنا؟!

رد علينا كأنه يقول شيء منطقي جداً:

- أه.. من ع الولاة.

- يا خر!!!!!!!!!!!!!!!!!!!!!! ابي!!!!!!

(دا انا بصوت).. مافيش داعي أقولكم ع الباقي. كفاية تعرفوا إن لولا
« ساطة أونكل ديسكو كنا كلنا اترميننا في المعتقل ».

- قعدت أقلب في الأجندة.. كان فيها جزء يوميات، حاجات عبيطه
... من عينة:

النهاردة وأنا باولع الشعلة في معمل الكيمياء حرقنا طرف الطرحة
... علا.. كويس إنها ماخدتش بالها إلا واحنا في الميكرو باص. وكويس
... ان الراجل اللي كان قاعد وراها كان مولع سيجارة ولبست فيه..
حسن!.. أهو خد جزاؤه عشان يحرم يدخن ثاني».

صفحة تانية:

«النهاردة وأنا في معمل السموم وباحقن الفار بمحلول يا إما ماء وملح
- إما سيانيد، الأبرة دخلت في بطن الفار وطلعت من ضهره ودخلت في
صباغي.. يا ترى إيه أعراض تسمم السيانيد؟.. ربنا يستر».

يعني. كانت معظم الصفحات عن حوادث لطيفة زي دي. في جزء
-ني من الأجندة كانت الأوتوجرافات:

«للكري الهباب وأيام العذاب.. تذكريني إذا لاح لكي نسياني.. عمر
اللي فات ماهايرجع ثاني..» والكلام الفارغ اللي مالوش معنى ده.

في الجزء الثالث بقه كانت القصايد.. أه، أصلي أنا كنت شاعرة زمان..
يعني مش شاعرة قوي.. بس لو كنت قابلت شعبان عبد الرحيم أيامها كنا
هانعمل شغل زي الفل.

الأول كانت مرحلة الفصحى وكانت أولى قصائدي قصيدة «قطرات
المطر تساقط» ودي كتبتها في لجنة الكيمياء العضوية بعد الخيمة اللي
بنمتحن فيها ما تقطعت والمطر غرقلي الورقة وبهدلت الدنيا لغاية ما
جابلولي ورقة تانية. وبدل ما اعمل فيها زي ما عملت في أول ورقة وأسببها
فاضية كتبت فيها القصيدة العصماء دي وشيلت عضوية أيامها عن حدارة

من هنا وهناك.. من دلوقتي وزمان

المدة اللي فاتت دي كانت عندي حالة اكتئاب على خفيف.. عادي
يعني. كنت نايمة مرة بالليل، صحيت الساعة ٣ الفجر وقعدت أبص
للسقف واكتشفت في اللحظة دي إن بقي عندي ٢٨ سنة و٧ شهور..
يعني كسرت الـ ٢٨ ودخلت بخطي ثابتة وإصرار لا يتزعزع على
سنتي الـ ٢٩.. حد هايقول لي: وانتى أول مرة تاخدي بالك؟.. أقولكم:
آه والله.. ساعات الدنيا بتلهي والواحدة مابتكرزش.. وفجأة تخبطك
الحقيقة على دماغك.. حالة «panic attack» على حبة ضربات قلب
سريعة وضيق تنفس.. ورسم قلب وحبايتين إندرال ٤٠ مل وأهي عدت
والسلام.. عادي. بتحصل معاً مرة كل ٦ شهور أو حاجة زي كده.. يتهاى
لكم بقه إني باهرج على طول وضاربة الدنيا بالكوتشي.. لكن على مين؟
الميكرو باص الدايير لأبد من خطه.. ولا كان الحجر الدايير باين.. المهم
يعني فيه حاجة بتدور ولازم تتخبط!

في عز اكتيابي وقعت في إيدي أجندة كنت باكتب فيها زمان أيام الكلية،
وزمان دي طبعا ماخففتش حالة الإكتئاب، لأنها فكرتني اني متخرجة من
الكلية بقالي ٧ سنين ودخلت الكلية أساساً من ١٢ سنة يعني أيامها كانت
روبي عندها ١١ سنة ونانسي ١٢ وأليسا ٤٥.. يااه ده عمر.. ما علينا!

واستحقاق. بس واضح ان القصيدة عجبت الدكتور شمس لأنه اداني ض
بس.. بدل الض. ج اللي أستحقها بجدارة.

واشتهرت في دفعتي لدرجة كبيرة جدا، ومن كثر قصائدي الناحية
والمشهورة واللي ادتبي اسم ووزن وسط زمايلي في الدفعة، مرة واحدة
صاحبتي طلبت اني أكتب لها قصيدة تديها لواحد ثاني من زمايلنا.. تقريبا
كده كانوا عايشين قصة حب واتفركشت.. واتنوا عارفيني أحب قوي أخدم
في الحالات اللي زي دي.

البنيت كانت في سكشني وكان اسمها غادة. البنيت دي كان يجيري
وراها كثير لحد ماكلنت مع الولد ده.. شوية كده ويبيو فرقع جيحي واداه
وش خشب ماحصلش. البنيت جات لي منهارة وطلبت مني أكتبها قصيدة
تعرفه مقامه وتفكره هي مين. فاتفعلت قوي قوي وادتلها قصيدة باعتبارها
واسطة العقد في تاريخي الشعري كله:

ألا تعرفني حقا	إنني أنا المدعوة غادة
ذات النصائح	والمواعظ والإفادة
لكل من هجره حبيبه	لكل من جرح فؤاده
لكل من أراد يبكي	وأراد أن يشربها سادة
بعد حديثي إليه يضحك	يخرج يشربها زيادة
ومع ذلك لم أع شيئا	لم أجن أي استفادة
فوقعت في شباكك صيدا	كالبلطية أو البيضاء
وجعلتني في الليل أبكي	أغرق بدموعي الوسادة
فكان جبك مثل جون	أخرجه الحارس في الإعادة
لكني اليوم استعدت نفسي	فاعلم وافهم يا حمادة
لن يكون قلبي يوما	تحت قدميك سجادة
	برайд- ١٩٩٨

ألا سلااااااااااا! إيه الحلاوة دي!.. إزاي واحدة موهوبة في الشع.
كده تخلت عن موهبتها بالسهولة دي؟!.. المهم غادة صاحبتي ادت
القصيدة دي للولد من هنا.. حول صيدلة بني سويف ثاني يوم.. صحيح
كانت فضله عجل عربيته ٤٣ مرات وجرحتاله مرتين ثلاثة وكانت
..بله ٤٢٠ ميسد في اليوم لحد الواد ماطفش لكن لازم برضه القصيدة
ت. ما هو كلام زي الرصاص.

القصيدة الثانية بقه دي كانت في مرحلة العامية.. والله انقلبت على
سهرى من كثر الضحك.. يخرب عقلك يا براید. أكن الموضوع كان في
دماغك من أيامها.. وقلبك كان حاسس بكل اللي هايجرى لك. كاني
لابسة نضارة معظمه وبابض بيها على المستقبل. اتفرجوا اتفرجوا كنت
حانية إيه:

أنا مش عايزاه فارس أبيض يركبلي حصان ولا حمار
أنا مش عايزة حلاوة هيثم ولا عضلات عبد الجبار
ولا عايزاه حالم ورومانسي ويحبني ليل ويا نهار
أنا عايزاه متربي وواعي يقدر يشاركني الأفكار

* * *

شوفتوش حاتم.. جالي بهانم.. طلعت مامته جايه معاه
يوم ماخرجنا.. طنطننا فتنة.. ماسكة في ايده وموش سايباه
جابلي هدية قلت الله.. قال ذوق ماما حماها الله
قلت لا يمكن ثاني استحمل.. وطلعت اجري بالمشوار
أنا عايزاه مترستا واعي يقدر يشاركني الأفكار

شفت أسامة.. قلت يا ماما.. بقه معقول كل دي عضلات
 كات خروجتنا.. لازم تخلص.. بالشلايت وياروسيات
 قلت له لأه.. ده ليلة الدخلة.. لازم في الكراكون هانبات
 قلت لا يمكن ثاني استحمل.. ده مش راجل.. ده جرار
 أنا عايزاه متربي وواعي يقدر يشاركني الأفكار

* * *

أم جه أمجد.. قلت اتأكد.. قبل ما أغرق في التيار
 قال لي يا عمري.. طريقي وقدري.. وقعد ينظم لي في أشعار
 قلت وماله.. ده يحسني.. إني أميرة ليل ونهار
 بس زهقت.. أفلام وأغاني.. وكلام فاضي مالوش أسعار
 أنا عايزاه مترسأ واعي يقدر يشاركني الأفكار
 برايد - ١٩٩٩

يا سلام دي الواحدة كان عندها شفافية ولا حكومة الدكتور نظيف..
 إيبسه.. ذكريات.

السابع

أسوأ جزء من أجزاء يومي، لأ من أسوأ الأجزاء (لأن المنافسة مشتتة
 . ش قادرة أحدد أي جزء أسوأ من الثاني) المهم، وينارق ضئيل يتصدر
 نانمة: رحلتي من باب الشقة إلى بوابة العمارة، وبالعكس. لأنني في
 . حلة اليومية دي غالباً بقابل كل فرد من أفراد جيراني الأعزاء. الجيران
 . سوما ممكن يشكلوا جزء كبير من حياتك. وممكن يكونوا مالهمش أي
 . ممة. أنا بقه جيراني من النوع.. العشري.. الحنين.. المهم.. المواسي..
 . اختصار يعني.. ناس لا تطاق.

بيحبوا يعرفوا ويتدخلوا في كل تفاصيل حياتي وبيحققولي توازن كبير
 . دي حياتي اليومية (إيه ده.. مين اللي فتح التلفيزيون؟) لأن مافيش إنسان
 . تبيعي بيعيش حياته في حالة مستمرة من التفاوض والسرور (إيه؟.. أيوه
 . ن متفائلة.. فيه حاجة؟). لازم يبقى فيه جزء كده نكد مطعم بحرق الدم،
 . لازم يبقى فيه نص كوابية فاضي يوازن نص الكوابية المليان وإلا الكوابية
 . ممكن تتدلق عليك وتغرقك والناس تفتكر ك عملت.. ولا بلاش.. نرحع
 . لموضوعنا:

الرحلة اللي المفروض تستغرق دقيقة واحدة من باب الشقة للساح
 . ممكن تمتد كل يوم لحد ربع ساعة كاملة.. وتمر الدقائق ببطء.. ١٠-١١..

حد شافني أعمل إيه إن شاء الله؟! .. المهم حصل اللي كنت خديفة منه ولقيت أمانى جرة في أيدها هند وقدامها بطنها فيها مؤمن واضح إنه نايم جوه باطنها على ظهره وحطت رجل على رجل لأن بطنها كانت واحدة شكل شبه منحرف.

- امشي يا بنت بقه جنتيني .. هلاقيها منك ولا من أخوكي .. الله، برايد؟ إزيك يا حبيبتى.

- أهلا يا أمانى .. عاملة إيه؟

- البنات مجناني والواد محجر ومش راضي ينزل .. على سيرة «التحجير» .. مافيش عندك أخبار جديدة؟

بلعت الإهانة بمزاجي .. ما عنديش وقت أخش في حوارات:

- ربنا يسهل يا أمانى .. عن إذنك.

- استنى بس .. ما هو لو ما كنتيش نشفتي راسك وكنت وافقتي على أخو فوفو .. مش كان زمانك زيني كده دلوقت؟! ..

- نصيب يا أمانى بقه .. هانعمل إيه؟

- على رأيك، خيرها في غيرها، فوفو لسه مكلمني على واحد انما إيه .. زي ما انتي عايزاه بالظبط.

- ماضش!

- يا بنتي بس خليك متفائلة .. ده إيه .. أخلاق ودين ومايفوتش فرض .. هو فوفو ماكانش موافق في الأول عشان موضوع زمان .. بس أنا ضغطت عليه.

بصيت لمنظرها:

- ضغطتني عليه؟ ولسه عايش؟! ..

- هههههه .. بوه يا برايد .. دمك خفيف يا مضروبة .. إيه رأيك الحمد ..
- ريس؟ .. كويس .. أن هاجبيه هو والعيلة، وانتي ابقي البسي حاجة حبه
دهه وبلاش مكياج .. أنا قلت لك ده متدين.

- يا ريت برضه لو انتي والأستاذ فوفو جيين انتوا الاثنين كمان تخللوا
- لكوا من موضوع الماكياج ده.

- هه؟ .. ماشي ماشي .. بس باقولك إيه، ماشي أمورك بقه يا حبيبتى،
مش عايزين حد يشمت فيكي أكثر من كده.

- أكثر من إيه؟

- ماتشغلش بالك .. ههههه .. الناس مابتر حمش.

- على سيرة الناس اللي مابتر حمش .. إزي مامتك؟

- هه؟ .. حلوة حلوة .. بتسم عليكي.

- الله يسلمها ويديها على أدنيتها.

- إن شاء الله .. وربنا يقدملك الخير يا حبيبتى . باقول لك إيه .. شيليلي
بقه البنات لحد البوابة.

(الله .. هانبتدي حاجة قصد حاجة).

- حاضضضض .. يا أمانى .. وماتنيسش تبقي تسديلي ع الأستاذ
فوفو .. وتقولي لأخوه يا ريت مييتاش لسه زعلان.

- ليه؟ .. ده لو ده غسل وقبه أبيض مايششش جوه قلبه حاض
ده إني لو كتتي انجورتيه كان دمك عابشة في معدة ما بعده سعد.

- وهو صحيح عمن به في فضيحة الشيكات بناعته؟

- خير .. الله ..

مدت يدي على عتبة الماكياج وبعدين سحبتها أسرع ما بأسحب المرتب من إيد الأستاذ رزق أول كل شهر.. وقررت اعمل بنصيحة أمانى وماحطش ماكياج.. ده قرار صعب جدا لواحدة زيي لا يمكن تخرج من أوضتها من غير التنظيف اليومى.. زي ما قلت، أنا لا يممممممممكن غير نظامي.. بس يبععنني يوم واحد من غير ماكياج على الأقل هايريح بشرتي شوية.

خرجت من أوضتي عشان ابدأ في موال التنظيف بتاع كل مرة.. وفي نص الصالة لقيت بابا اللي كان شايل في إيده كوباية شاي وجرنال.

- صباح الخير.

- صباح النور.

- فيه حاجة جديدة في الجرايد؟

- أكيد فيه.. إنتي مستنية حد؟

- لأ عادي.

- أمال رايحة فين؟

- رايحة أنضف مع ماما.

- إيه ده هي مامتت هنا كمان؟

- أمال هاتروح فين؟

- وناويين تقعدوا معانا كثير؟

- بب.. فيه إيه؟.. دي مبادئ الزهايمر ولا إيه؟

- بابا.. بابا مين؟

وقربلي ودقق قوي في وشي:

- إنتي مين؟

- بابا.. أنا برايد.. مش عارفني؟!!

- برايد؟.. برايد؟.. آآه برايد.. إيه اللي إنتي عامله في نفسك ده؟..

إنتي حاطة ماكياج ولا إيه؟.. شكلك غريب قوي.

- آه معلش، أصلي باجرب نوع جديد.

الحمد لله إن العريس ده ماشافنيش قبل كده، ربنا بس بستر وأمانى وفوفو مايفتحوش بقهم. وبعد كورس التنظيف وتنظيف الباراشوت البطولي على مقاسي مع ترك خطوطه الأساسية ووسعه زي ما هو. ضرب جرس الباب.. بابا فتح الباب ولقا قدامه شخصين مايعرفهمش.

بعد شوية مقاومة وإنكار ومحاولات إقناع.. اقتنع بابا أخيرا إن دول أمانى وفوفو وهز راسه وهو بيقول:

- مش عارف الناس شكلها بيتغير كده ليه؟.. أنا لازم أغير النظارة.

دخلت الصالون معايا صينية المجاتوه المعتادة وقعدت أبصع اللي قاعدين. أمانى وفوفو دول؟.. غالبا آه.. أنا عرفتهم من الهدوم هما كانوا مستغربين شكلي بس مش أد استغرابي لشكلهم وخصوصا فوفو.. يا حلاوة.. ده طلع شبه الرجالة أه. ده حتى فيه مبادئ شنب يحاول جاهدا إثبات ذاته.. لكنه للأسف الشنب المناسب في المكان غير المناسب. وبس فوفو وأمانى لمحت هند الصغيرة بتنقل عينها في رعب بين مامتها وبيهاها بنظرة عجيبة كأنها طائر من طور البطريق نام في القطب الشمالي وصحى لقي نفسه في بنها.. مسكينة البنت، أكيد جات لها صدمة عصبية و نلاونها فأكدة انها مخطوفة.. صعبت عليها المضروبة.. مش وقته يا بربر..

في المهم. وطيت راسي وبصيت في الأرض.. وهي الحركة اللي بقالي ٣ ساعات باتدرب عليها. أنا عمري ما وطيت راسي لحد.. أولاً.. لأنني.. عمري ما دخلت قسم.. ثانياً، لأنني أحب أبص في عين اللي قدامي وأنا بالكلمه.. انا ما باغيرش نظامي.. بس يععيني كان نفسي من زمان أدقق في لون السجادة بتاعتنا.. طب والله سجادة حلوة يا جماعة. فيها أزرق وأحمر و.. ص.ب.٤٨.. لأده مش عنوانا البريدي مكتوب على السجادة.. ده اللي العريس كان لابسـه في رجله: صندل بني شكله مقاس ٤٨. آآآه.. جاتلي قفلة في النفسية متركزة في العمق العاطفي.. صندل يا برايد؟!.. هي حصلت؟!.. تتجوزي واحد لابس صندل؟!.. بس لأ!.. مش هانحكيها بقة. أنا في المرحلة دي مستعدة اتجوز أي كائن حي متعدد الخلايا ما دام هابيشلني من فترينة الجواز.. مش مشششششكة الصندل. نبقي نغير هوله مش مشكلة. هما صحيح يقولوا الراحل بيبان من جزمته.. لكن ده طبعاً كله كلام قديم وانا لا يمكن اعمله اعتبار خصوصاً في هذه المرحلة الانتقالية الحرجة.. طلعت بنظري لفوق لفوق.. كويس لابس بدلة وكرافته.. بس فين راسه؟؟؟؟.. راسه فين؟؟؟.. أنا ممكن أتغاضى عن أشياء كتير.. لكن يا ربي اتجوز عريس من غير راس؟!.. قعدت أدقق قوي.. أدقق قوي.. وفجأة لمحت حاجة بتلعب كده.. ياسلاالم.. دي عنين شخص.. آه والله عنين شخص بتلعب أهه؟؟.. بس فين بقيت الأجزاء.. الفم والمناخير مش شايفاهم.. دماغ العريس كانت عبارة عن كورة كبيرة من الشعر طالعلها عينين.. شعره يحواجه بدقنه بشبه كلها عبارة عن شريط واحد سميك من الشعر ملفوف بإحكام عجيب حوالين دماغه.. يفكر كـ بالإنسان البدائي اللي كانوا بيدرسهولنا في التاريخ.. لدرجة اني تخيلت إنه هيقوم يشدني من شعري ويسحبني منه وراه ع الكهف.. بسسسسس يا برايد.. اهمني واتهدي.. دقن إيه وشنب إيه اللي هايوظوا جوازة؟!..

عقلي كده وارسى.. وبعدين ومالوا يعني الشعر الغزير مش احسن من 'عكس'؟.. بس بس ماتيقش خاية. ما انتي قدامك أمانى أهه مثل عظيم عن التنازل عن كل حاجة من أجل تكوين شركة لتربية العيال. هي دي قمة التضحية من أجل الأجيال القادمة!

على جانبي العريس لقيته جانيب اتنين من أخواته. واحدة منشكحة ع الآخر. صفين أسنان طالعلهم واحدة ست. والثانية واضح إنها جاية غصب عنها.. بتبصلي بغل كأنى لسه مسلماها فاتورة الكهرباء.. آآه أنا عارفة النوعية دي.. يا إما لسه ماتجوزتش وشايفة إن أي جوازة بتحصل على وجه الخليقة إهانة شخصية في حقها (بتفكرني بحد بس مش مركزة مين) يا إما متجوزة جوازة تعيسة ومستخسرة أخوها الحيلة في أي واحدة يسعدھا. أنا مالي ومالها.. دع الخلق للخالق.. أنا لا يمكن أسمح لأي حاجة تبوظ الجوازة دي.. كفاية بقة العريس ابتدى يتكلم من مكان ما في منتصف نص وشه اللي تحت.

العريس: بص يا عمي.. إحنا ناس نحب ندخل البيوت من أبوابها.. واحنا سمعنا كلام كتير كويس عنكم من الأستاذ عبد الفتاح.

بابا: من مين؟

العريس: الأستاذ عبد الفتاح..

بابا: مين الأستاذ عبد الفتاح؟

العريس: ده.

وشاور على فوفو اللي للحظة بص وراه.

فوفو: مين؟ آه.. أنا.. أنا.

العريس: إحنا طبعاً مانعرفوش بطريقة مباشرة. لكن الأخ عماد صديقه يبقى ابن عمي وسمعه بيشكر فيكوا جداً.. وأنا عن نفسي مستعد لكل طلباتكم إن شاء الله.

ماما: اتدخلت.

ماما: على طول كده.. مش الأول تقعد معاها وتعرفها.

- إيسيسيه؟

ده الثنائي المرح يبصرخ في صوت واحد وهما بيخبطوا على قفصهم الصدري اللي قرب يتكسر.

ماما: أ..أ..أنا قصدي يعني عشان التعارف وكده.

العريس: يا حاجة إحنا مانعرفش الحاجات دي إحنا أهم حاجة عندنا الأصل.

اتكيفت أنا من الكلمتين دول.. من غير قعاد بقه وكلام مالوش لازمة وبص ثاني في الأرض لما رقبتي هاتتكسر.. عمياني كده.. يمكن هو ده اللي يجيب فائدة.

ماما: أيوه. بس الأول نتعرف أكثر على شخصية حضرته.. يعني إحنا مش من الناس اللي بتحب التزمت قوي.

العريس: ومين يحبه؟

ماما: يعني من ناحية شغلها..

العريس: دي مهنة سامية مافيهش أي مشكلة.

(ولا كنت أعرف).

ماما: زيارتها لأهلها..

العريس: طبعاً دي صلة رحم.

ماما: خروج وفسح..

العريس: طبعاً أنا عن نفسي أحب الخروج طالما في أماكن محترمة.

ماما: التليفزيون والنت..

العريس: طالما أنا واثق في عقلها اللي سمعت عنه كتير يبقى أكيد هاثق في اختياراتها.

(إيه الحلاوة دي؟.. ده عريس فول أوبشان يا جدعان).

ماما: طب وبالنسبة يعني للماديات..

العريس: أنا والحمد لله عندي شقة كبيرة ٤ أوض وريسبيشان كبير وجاهزة من كل شيء.

ماما: ده شيء كويس جداً.. يعني إن شاء الله لو فيه قبول.. يعني حاجات بسيطة بس اللي هاتشترى.

العريس: لا لا القبول مضمون إن شاء الله.

(يا واد يا ثقة).

وإن شاء الله مافيش أي شيء هانحتاج نشتره.

ماما: أيوه. بس يعني العفش والأجهزة.

العريس: لا لا لا.. ولا حتى دول.. الشقة فيها كل شيء.

بابا: ما خلاص بقه يا أم برايد.. الأستاذ واضح انه شارى كل

حاجة جديد في جديد.. هانطلب إيه أكثر من كده.. بعد القبول إن شاء الله؟

العريس: لا لا.. القبول مضمون إن شاء الله.

(ثقة لا تتزعزع).

والأجهزة مش جديدة قوي يعني.

ماما ابتدت تزوم.

بابا: آه عادي.. يعني عازب بقه وكده واستعمل حاجات بسيطة استعمال بسيط.

العريس: لا.. الحقيقة المسألة مش كده..

بابا: آمال إيه يعني.. إنت شاري كل حاجة مستعملة؟

العريس: لا لا.. حاشا لله.. أنا برضه أعمل في بنات الناس كده؟!!

بابا: آمال إيه يعني الموضوع؟

في اللحظة دي سمعنا صوت إنذار عربية.

العريس: دي تقريبا عربيتي ممكن اطلع البلكونة أطفئ الإنذار؟

بابا: آه طبعاً افضل.

وطلع العريس ومعه بابا وراه جري، وفوفو وأماني جري ووراهم هند عايزين يطقسوا ويشوفوا نوع العربية. ماما قامت تجيب حاجة ساقعة وفضلت أنا والأختين الحلوتين في الصالون لوحدها.

وفجأة أخته اللي كانت منشكحة قوي دي، ابتسامتها راحت في لمح البصر وبصتلي نفس البصة بتاع أختها الثانية.. أنا كشيت في مكاني

ارتعدت فرائصي (مش عارفة بالظبط فرائصي دي اللي هي إيه بس هي ارتعدت وخلاص). قاموا الاثنين وجم ناحيتي.. يا ماما!!!!!! قاموا بعدوا جنبني زي أسدين قصر النيل، واحدة ع اليمين والثانية ع الشمال، كل واحدة استلمتلها وذن ووطت على ودني عشان تكرمها.. لا لأ..

عضونيش بس همسو في ودني بصوت واطييسي:

الأولى: بلاش الجوزة دي أحسن لك.

الثانية: مش هاترتاحي احنا عايزين مصلحتك.

الأولى: توبه مش زي توبك ومش هاتفتقوا.

الثانية: ده غير ان احنا لا يمكن نسمح له يتجوز دكتورة.

الأولى: إنتي عايزة تيجي تعمليلنا فيها بنت بارم ديه؟!

أنا: بس أنا بابايا مالوش ديل.

الأولى: هس.. وطي صوتك.

الثانية: عقلك في راسك تعرفي خلاصك.

في اللحظة دي دخلوا الباقيين وانقلب الهمس لأحضان وبوس.

الأولى: يا حبيبتي أنا حبيتك قوي.

الثانية: والله دانتي هاتبقي عروسة تجنن.

الأولى: دا حنا هانشيلك على كفوف الراحة.

الكلمة الآخرانية دي ماعجيتش ماما اللي كانت شايفاني باستغيث بيها عن طريق التخاطر العقلي الأثيري.

ماما: إيه ده؟.. هو انت شقة حضرتك في بيت العيلة؟

مابدهاش بقه الموضوع عايز استخراج الأسلحة الذكية قعدت أقلب
من مخي على مشهد حزين.. أكثر ذكريات حزينة في دماغي: ليوناردو دي
بريو وهو ييموت في تاي تانك.. أول ما عرفت أنا هاقبض كام من شغلي
شهر.. صورة جواز كريم عبد العزيز. أيواااه!! صورة جواز كريم!

- إهي، إهي، إهي.. ما هو لو حضرتك تعرفي ظروفي.

- ظروفك؟.. إيه يا بنتي فيه إيه؟ قوليلي أنا زي والدتك فيه حد عندكوا
عبن؟ حالة وفاة كفى الله الشر؟ إيه قوليلي؟

- مش عارفة.. قصدي، مش هاقدر أقولك.. كل اللي أقدر أقولهولك
اني لا يمكن كنت طلبت الإذن ده إلا في ظروف قهرية زي اللي عندي.

- طب بس أصل التفتيش..

- عاااa

- طب خلاص خلاص.. هاقولك.. نظرا لظروفك اللي واضح إنها
قهرية.. ممكن تمشي وأنا هابقى أسوي موضوع الإذن ده مع مدام أمل
بتعة الإمضا.

وقبل ما تكمل آخر حرف من آخر كلمة كنت اختفيت من المكتب
طيران على بره المستشفى. دي فرصة لازم أقتنصها.. وانتوا عارفين
الحالة إيه. يعني فرصتي في شرا الكتاب ده زي فرصة سعد الصغير في
الحصول على جائزة نوبل.

لازم أتحرك بسرعة. المعركة على أشدها ويوم بعد يوم العداد بيعد
وماعادش فيه وقت نضيعه. وإذا كان في الكتاب ده الحل.. فلا يمكن
أضيعه من أيدي أبدا.

كيف تصطادين عريسا

يا سلام يا سلام.. إنتي وهي وهو جايبين جري عايزين تاخدوا نصايح..
طب منين؟.. وأنا لو كان عندي معلومات قيمة زي دي مش كنت عملت
أنا بيها؟ حاجة غريبة والله. المهم العنوان ده هو نفسه عنوان كتاب
بيقولوا موجود في السوق دلوقت ومكسر الدنيا. أنا طبعا سمعت اسم
الكتاب من واحدة زميلتي من هنا وكنت في ثواني واحدة القرار طيران
على المديرية.

- لو سمحتي يا دكتورة ابتهاج.. عايزة أخذ إذن.

- ماينفعش النهاردة فيه تفتيش وما فيش أذونات.

- هو أنا باطلب حاجة غير قانونية ده حقي اللي بيكفله ليا الدستور.

رفعت عينها وبرقتلي زي ما أي مدير متدرب إن جهازه العصبي كله
ينتفض إذا سمع أي موظف عنده بيقول أي كلمة فيها ريحة سياسة.

- نعم؟.. دستور.. إيش عرفك بالكلمة دي؟

- أ..أ..أ.. قصدي القانون.. حقي اللي بيكفله ليا القانون.

- قلت ما فيش!

جريت على عم صبحي بتاع الجرايد اللي جنب المستشفى لكن أول ما رحت لقيت ٢-٣ دكاترة من اللي شغالين معايا في المستشفى .. طب وإيه الإخراج ده بقه؟!

أخذت عم صبحي اللي يعرفني عشان باشتري منه الجرايد كل يوم على جنب:

- بقولك إيه يا عم صبحي ..

- أيوه يا ذاكتورة.

- فيه كتاب كده شفت إعلانه في الجرنال امبارح ..

- كتاب إيه؟

- كتاب كده الظاهر إنه كوميدي يعني فيه نكت .. اسمه كيف ..

- تصطادين عريسا! (بصوت عالي سمعه الاتنين اللي كانوا واقفين).

- جرى إيه يا عم صبحي؟! إنت هاتسبحلي والا إيه؟!

- لا يا ذاكتورة أصل حضرتك اتأخرتي قوي. أنا كان عندي نسختين وبعدين من كتر ما اتسأل عليه بعث جبت ٢٥.

- طب كويس إديني بقه واحدة منهم.

- مانا يا ذاكتورة بقول لحضرتك اتأخرتي. ده الخمسة وعشرين نسخة خلصوا قبل ما ينزلوا من على عربية الجرايد.

- إيه ده ومين اللي خداهم؟

- الـ ١٢ اللي مع حضرتك في الصيدلية وتشكيلة ممرضات كده.

- يا لهوي حتى الممرضات عندهم أزمة في الجواز .. ده كده يبقى القيامة قامت يا جماعة.

سيبت عم صبحي ومشيت بعد ما لمحت الاتنين الدكاترة ببسألوه على نسختين من الكتاب لاختوتهم البنات. طب ما كل واحد يتجوز أخت الثاني وخلاص. وإيه يعني الاتنين متجوزين. المفروض أصحاب يساعدوا بعض. ناس غريبة ماييفكروش بأي منطق.

افتكرت مكان صاحب مكتبة بعد المستشفى بيعي ٣ شوارع كان دايمًا يبقى عنده كميات كبيرة من أي كتاب موجود في السوق وأي كتاب ناقص في السوق دايمًا أبقي عارفة إنه أكيد عنده نسخة ولا نسختين.

- لو سمحت كنت عايزة أسأل عن كتاب .. مش ليا يعني .. ده لواحدة صابحتي.

- ليكي يا أبله ولا لصابحتك هو أنا هاحقق معاكي؟ .. اسمه إيه الكتاب؟

- اسمه .. هيا قالت لي بس مش فاكدة قوي .. تقريبا كيف توقعين .. كيف تحصلين .. كيف ..

- كيف تصطادين عريسا؟

- آه تقريبا كان اسمه حاجة زي كده.

لقيته طلع أجندة صغيرة كده وبدأ يكتب:

- ٢٠٠٨/٦.

- نعم؟

- دور حضرتك أنا هاحجز لك نسخة، بس معلى الطلبات كتير. كان

ممکن المعاد يبقى بعد كده بس حظك إن واحدة ربنا عدلها لها واتخطبت
وجات لغت الحجز.

- يا سلام وانا هاستنى سنة بحالها؟!

- يا أبلة مانتوا كده كده مستنيين.. مش هاتفرق يعني.

لميت كرامتي المتبعتة وقررت إنني مش هاشتري الكتاب. ما هي
مش طالبة تهزيء كمان من بتوع الجرايد. وبعدين مانا على رأيه كده كده
مستنية يومين ثلاثة بقه سنة مش فارقة.. خلاص خلاص ولا كتاب ولا
بتاع هو يعني فيه إيه الكتاب ده؟

أخذت بعضي وقررت أروح. قبل البيت بشوية شفت مكتبة صغيرة كده
وعارضة كتب كثيرة في الواجهة رجع عقلي يوزني.. يا بنتي ما تجري مش
هاتخسري حاجة.. يوضع سره.. قاومت الرغبة المتوحشة جوايا وكالعادة
فشلت.. رحت ع المكتبة رجل تودي ورجل تجيب.

- لو سمحت فيه كتاب كده عايزة أسأل عليه.. من الآخر اسمه كيف
تصطادين عريسا؟

- موجود!

- إيه؟.. بجد؟ موجود؟

خرجت ٣ جنيه من شنطتي.. رخيص آه، بس جايز يكون فيه الحل.

- ٣٠.

- هو إيه اللي ثلاثين؟.. ثلاثين جنيه؟ إيه التهريج ده هاتضرب سعره
في ١٠ أضعاف؟.. إيه الاستغلال ده؟!

بصلي بصه كأنه يقول لي صرخي للصبح ولااااا هاعبرك.. بصيت

صغيرة جوا شنطتي.. الله يلعن أبو الذل.. طلعت الثلاثين جنيه
ه اديتهاو مله.

- دولار.

- أفندم؟

- دولارااااا.. ٣٠ دولار.

- دانا هاطلب لك البوليس. تلاييك حتى ما عندكش الكتاب. إنتوا
نصايبين والا إيه؟!

مد إيده تحت المكتب وطلع نسخة من الكتاب ملفوفة بحذر بالغ في
طبقات من السلوفان.

الكلام وقف في زوري وانبهرت واذبهليت.. أهه!.. الحل أهه!.. مين
كان يصدق إن الحل لمشكلة الجواز يبقى في كتاب.. طب مش كانوا
نزلهولنا في مشروع القراءة للجميع كان على الأقل يبقى أفيد من أي
حاجة تانية نزلهوها.. ده هايحل مشكلة المجتمع المصري كله. ومديت
إيدي على الكتاب وفجأة سمعت فرملة عربية جامدة بره المكتبة ولقيت
واحدة ست نازلة منها وسايهاها في وسط الشارع.. الست كانت بتجري
زي ما تكون في الماراثون ونطت نطة لقيتها جوا المحل وماسكة إيد
الراجل بالكتاب.

الست: إيه ده إنت كنت هاتبيعه؟ أنا جبتهلك العشرين دولار. مش
قتلك هاغير فلوس واجيلك؟

صاحب المكتبة: الهانم هنا هاتدفع ثلاثين.

الست لفتلي مذعورة:

الست: ثلاثين؟ إنتي هاتدفعي ثلاثين؟

أنا: أناااا..

لفت ثاني.

الست: أنا كنت عارفة إنك هاتعمل كده، عشان كده عملت حسابي.
الثلاثين دولار أهم.

هيا بنا نصطاد

صاحب المكتبة: بس الأنسة متهيأ لي ممكن تدفع أكثر..

الست لفت ومسكت في أيدي.

الست: أرجوكي أرجوكي إنتي ماتعرفيش حالتي: أنا عندي ٤ بنات
لو ما جوز تهمش قبل ما يوصلوا الثلاثين هاموت. أرجوكي إنتي مالكيش
أم؟! أرجوكي سييلي النسخة دي وادينني تليفونك، وأنا لما أخلص جواز
الأربع بنات أكلمك وأبعثلك الكتاب.

يا نهار أبيض.. لسه هاستنى أررربع بنات.. ده ٦/٢٠٠٨ كان أقرب..
بس ثلاثين دولار إيه اللي هادفعهم. طب وأنا أجب تاجر عملة منين
دلوقت؟.. الست دي فعلا بتفكرني بماما، وفي ظل الظروف الراهنة وأزمة
الدولارات اللي في البلد ماكانش فيه مفر من إني أتنازل عن الكتاب.
وجرت الست بيه لعريبتها وهي بتطلق صيحات الانتصار:

- ويل يا ويل! ويل يا ويل!

(الأمهات كلهم لسعوا يا جدعان).

وأنا من هنا ومن موقعي هذا أهيب بأي حد اشتري الكتاب.. نسخة
لأختكوا الصغيرة.. طب ماز علوش.. الكبيرة الكبيرة. وهنالك يا فاعل
الخير والثواب.

أنا بقه إيبه.. بعد ما فشلت في الحصول على الكتاب إياه قررت تكوين
مجموعة «كتع» (كتع ده اختصار لـ «كيف تصطادين عريسا».. ماتخلوش
مخكوا يروح لبعيد).. ودي مجموعة من البنات القمرات اللي ظرو فهم
متشبهة وانتوا عارفينها كويس. المهم، قسمنا نفسنا مجموعات: مجموعة
تدور على الكتاب. ومجموعة تستقي المعلومات من الستات اللي قصص
جوازهم ناجحة. ومجموعة تبلغ البوليس.. يوه قصدي مجموعة تعمل
حصر للمعلومات وتلخصها بطريقة مبسطة وبعد كده يمكن احنا بقه اللي
ننزل كتاب.

أنا عن نفسي كان شاغلني قوي الموضوع ده. وكنت مستغرقة فيه بكل
جوارحي.. إللي اعرفها واللي ماعرفهاش. وعملت جولة ثانية للبحث
عن الكتاب.. لكن بدون أدنى بارقة أمل. تقدرُوا تقولوا كده إني رجعت
بخفي حنين (الناس المثقفة اللي بتبقى مستعدة كل مرة أسأل سؤال غبي
زي ده يبقوا برضه يقولولي إيه موضوع الأخ حنين ده). وكنت خلاص
على آخر شعرة قبل ما يجيلي حالة إحباط مزمنة واكتئاب موسمي حاد.
ما هو واضح جدا إن أنا فاشلة في موضوع الجواز ده. لكن كمان أبقى
فاشلة في البحث عن الكتاب اللي بيشرح طريقة الجواز.. لأ ده كـ..

قوي!.. قلت أخلع نفسي من المجموعة الأولانية وانضم للمجموعة الثانية ويمكن الموضوع يبجي بفايدة.

أنا كل اللي محتاجاه حد بس يقول لي يا جماعة: اعلمي يا برايد وانا هاعمل على طول. دانا حتى شاطرة ونبهية وبافهمها وهي طيارة في كل حاجة. مخي بس اللي مصدي ومايستغلش في موضوع الجواز ده. محتاج بس شوية صنفرة. وكل شوية يقولولي شدي حيلك شدي حيلك.. وانا مش عارفة أشده ازاى.. طب بس قولولي وانا أشده على طول.

أنا قلت خلاص مافيش غير أولي الخبرة والأقربون أولى بالمعروف.. خيليني أبداً بعيلتنا.. يمكن..

أتاريني كنت باقوم بالحوار ده كله بصوت عالي.. وقدام جدتي.

- يا دي الناية.. انتي اتهبلتي يا بت يا برايد ولا إيه؟

- لا يا تيتة ماتهلش ولا حاجة.

- لا قول لي قولتي ماتخافيش.. ما هو أنا قلت من زمان، من أول ابني ما حب يتجوز الست دي - اللي هي أمك - قلت له دي شكلها ضاربة وهاتجيلك عيال كلهم مجانين.

- ماما مش مجنونة يا تيتة دي ست الكل!.. هو فيه زيه؟

- أيوه أيوه يا اختي.. مين يشهد للعروسة؟

- لا يا تيتة لا.. ماتقوليش الكلمة دي في وشي. أنا خلاص اتعقدت منها.

- اتعقدتي؟.. أنا قلت من زمان لابني لما جه يتجوز الست دي - اللي هي أمك - قلت له دي مكلكة وهاتطلعك عيال كلهم مكلكعين.

- أووه يا تيتة.. قلت لك مامتي زي الفل. وبعدين دي جدعة جدا. ملأ الأفل عرفت تطلعها بعريس زي الفل زي بابا.. ولا إيه.

- طعنا! أبوكي ده زي الفل! ده ابني. إنما أمك..

- هاهاه؟

- حلوة برضه حلوة.. أهى خلقتكوا وخلاص.. لكن قول لي إنتي اتعقدتي خلاص.. ليه يا بنتي؟.. ده النصيب يبجي في ثانية.

- ما هو مش راضي يبجي يا تيتة.. مش عارفة جاي ماشي من حلايب ولا إيه اللي معطله.. قول لي يا تيتة، إنتي اتجوزتي ازاى؟.. يعني كانت ليكي طريقة كده وقعتي بيها جدي ولا إيه؟

- بس يا بنت اختشي!

- لا والنبي يا تيتة إديني من خبرتك.. أصلي خاية قوي في المواضيع دي.

- مع إن أمك بالذات استنصحت في الموضوع ده. نهايته، يا بنتي مافيش راجل بيتجوز كده بمزاجه لازم حد يرقه.. أمه بقة.. إخوانه.. ولو لا دول ولا دول يبقى العروسة نفسها.

- يا سلام ع الخبرة يا تيتة.. الدهن في العتافي صحيح.

- آمال إيه.. اسأليني أنا.. دانا كنت زمان إيه.. يا سلام ع الأيام.. دانا كنت مبهدلة الدنيا.

- أيوااه، مبهدلاها ازاى بقة. اشر حيلي ربنا يخليكي.

- بصي، أنا هاديكي خبرتي.. بس ده إيه يبقى بيني وبينك. ماتحك.. لحد وتضعي هيتي قدام العيلة.

- آه دا واضح إن الموضوع خطير.. إديني خبرتك يا تيتة يا خبرة.

- أنا كنت بقه حلوة. أحلى بنت في المنطقة.

- مش باين يعني.

- إيه؟.. بتقولي إيه؟ علي صوتك!

- لا مافيش حاجة.. بقول ما هو واضح.

- آه كنت اطلع بس في المشربية أملا القلة وأطول شوية يكون الشارع انقلب. وليتها يكون عند أبويا ٤ عرسان.

- بس كده؟.. تطلعي تدلعي وتلمي القل؟

- وهي دي كانت شوية؟ مانا كنت باطول شوية وأدلدل الضفاير اللي لون الذهب من الشباك ويهفهفوا مع كل هبة هوا واحنا الصراحة كان عندنا قلل كثير.

- طب واللي ماعدوش قلل زي حالتنا يعمل إيه؟

- يعمل إيه؟ يعمل إيه؟.. مش عارفة يا بنتي والله صحيح مانتو جيل غلبان ماعدوش قلل.

عمتي فادية وبسبب هوايتها المفضلة في تلميع الأكر سمعت الحوار:

- قلل إيه يا ماما اللي انتي بتعلميها للبت؟.. بصي يا برايدا حبيبتي، أنا بقه كانت عندي طريقة ماتخرش المية.

- خير..

- كان عندي حنة جببة ميكرو كده حمرا ومعاها بوت طويل وانتي عارفة

حالة بقه واللون الأحمر.. أمشي بيها بس خطوتين في شارعنا بهدوء .. وواحدة واحدة أشتري حاجة من هنا.. حاجة من هنا.. أركب تاكس .. منه.. أتأكلح شوية يعني.. يكون بالليل عند بابايا ٥ عرسان.

- مرة واحدة؟

- مرة واحدة.. هو جاب جوز عمتك إلا هيا؟

- طب ويا طنط واللي مايلبسش ميكرو جيب ولا حمرا ولا خضرا يعمل إيه؟

- يعمل إيه؟ يعمل إيه؟.. والله مانا عارفة.. صحيح دانتوا جيل غلبان ماعدكوش ميني جيب.

- كويس جدا!.. ماطلعتش أنا منكم بحاجة مفيدة. يعني أروح دلوقتي نهند بنت أمانى يمكن اطلع منها بخطة تنفعني.

- اسمعي بس استني انتي رايحة فين؟.. مافيش غير عمتك راقية. دي بالذات أكيد عندها ولا مليون خطة. انتي عارفة دي اتقدملها كام عريس؟

- مش المهم الكوانتتي المهم الكوالييتي. وبعدين الأهم إن حاجة تتم.

- ماتلقيش، هيا دي اللي هاتجيب المفيد.

وطلبنا طنط راقية في التلفون.. اتأخرت شوية عشان ابنها كان بالغ مسمار وجوزها كان متجس بعد ما كسرت له ضلعين وهي بتهزر معاه بعد خناقة بسيطة كده بينهم. وبتتها كانت واقفة على سور البلكونة ومصممة تنظ زي سبايدر مان.. جوازة ناجحة جدا جوازة طنط راقية. هي دي اللي هاتجيب النصايح التمام.

و شدتني ماما معاهم في جروب هج ولا بتاع الست الأروبة بتاعة برنامج أوبرا. جوه الشقة اتفتحت في ماما:

- أم محروس؟! هي حصلت أم محروس؟!

- مالها أم محروس؟! ما احنا جربنا الجيران والصحاب مانفعوش.. يمكن يوضع سره..

- آدي إنتي قولتها: الناس المحترمة المثقفة كلهم طلعلوا زي أعضاء مجلس الشعب في الأول وعود وفي الآخر فضايح.. يبقى أم محروس اللي هاتجيب الفايدة؟! يا ماما!

ومشيت علشان أدخل أوضتي. وفي منتصف المسافة اتسمرت لما اتهايلي اني سمعت كلمة غريبة:

- إيه؟! أنا اتهايلي سمعتك بتقولي حاجة؟

- والله؟!.. دلوقتي وقفتي.. لما سمعتي انها جايبالك دكتور وعنده عيادة.

- مش النظرية يعني يا ماما.. المهم الشخص نفسه. هو انا كنت يعني هاتجوز العيادة؟!

- وتنجوزي صالون حلاقة كمان!.. باقولك إيه.. أنا تعبت تعبت!

- خلاص خلاص! هاتجوز العيادة.. قصدي هاشوف العريس.. هو انا ورايا إيه يعني؟!

- أيوه كده اتعدلي!

المهم، بعد ما ماما قامت بجولة استخباراتية عشان تجمع أكبر قدر من المعلومات عن العريس قبل ما يشرف صالوننا المحترم عشان مانفاجئش

.. متجوز اتنين أو من الرياض أو بيقلد فنانيين.. جمعت ماما المعصم..
.. قدرت عليها لكن برضه ماقتنعتش.. وبعد الفضايح اللي حصل
.. صالوننا قبل كده وخصوصا موضوع الزغاريط بتاع عائلة الصندل
.. بتتوع آخر مرة.. ماما طلعت بفكرة كيفتني قوي الصراحة: إحنا اللي
.. بروح نشوف العريس!

وبا دوب ماما أخذت عنوان العيادة من أم محروس، وتاني يوم أم محروس بلغتها إنه مستتينا في العيادة ماما اتفرزت قوي.

- ليه يا ستي عملي كده؟!

ردت عليها أم محروس رد عبقري:

- ما هو برضه عشان يستعد لمقابلتكم.

(يحيا العدل! يحيا العدل!).

أخيرا هابقي على الشط الثاني وهو اللي هابقى مستتينا.. يا سلام عليه
بنه وهو قالب العيادة رأسا على عقب ومشمم البنطلون ونازل مسح هو
والمرجي، ويتنصف السجاد وينفض الستائر ويقف محترام الدولاب
أليس القميص ده بقه ولا ده؟ طب اعمل شعري ساباكيكي ولا افرقه على
حنب؟ ويبعت يجيب ساقع ودسته جاتوة.. يا سلاماااا أخيرا هاكل جاتوه
ببا مش غرمان فيه وبعدين يحسني بالذنب انه جابه على مافيش.

ياللا يا بربر.. لازم تقمصني الدور صح.. لبست بدلة شيك كده وعليها
حثة صندل بني (اشمعني أنا يعني) وماما لبست طقم شيك ولبست حل
الذهب اللي عندها اللي تعرف إنه عندها واللي مستخفي في الخزانة السـ
نحت رف الهدوم بتاعها للطوارئ ولغرض في نفس يعقوب.. وبصحت
الدور فعلا.

لازم يبقى أبيض وعينه صفرا وشعره أخضر وملفوف كده وصوته واطي ويقدم الحياة الزوجية ويشارك في الأثاث.. وكامل من كله. وحصة في عين اللي ما يبصلي ع النبي. رحنا العمارة اللي فيها العيادة.. يافطة كبسييرة والبواب أول ماشافنا قام اتنظر في سيمفونية احترام وصلت لحد باب العيادة.. ماما اللي كانت عاملة حسابها حتى لو العيادة بتتش وماييدخلش للأخ المواطن العريس أكثر من ٥٠ جنيه في الشهر.. برضه هاتجوز هو لي وتصرف علينا احنا الاتنين ما دام ده هايشيل من على ظهرها الأتب الدائم المتمثل في حضرتي.. شفتوا الأصل.. ماما كانت مستعدة تضحي بالأم والجنتين عشان أنا والدكتور نعيش.

أول ما دخلنا وقلنا اسمنا للتمرجي انتظر نفس النظرة بتاعة البواب ودخل يدي للعريس خبر والعيايين- اللي كانوا ماليين العيادة- كلهم قعدوا يكلموا بعض ويهمسوا: هي دي! هي دي!.. إيه يا جماعة الموضوع ده.. أنا لقطه آه.. بس مش للدرجة دي. التمرجي دخلنا رغم ان ماما كانت مصرّة نستنا لحد ما الكشوفات تخلص (وأهو كله من تمن الشبكة) لكن الرجل أصر اننا ندخل الأول وماحدث من العيايين اعترض.. يا سلام! ناس طبيين والله.. لو ماكتنوش انتوا اللي هتأكلونا كل شهر كنت قلت ربنا يديكوا الصحة.

المهم دخلنا على المكتب. مكتب شيك والجدران مليانة بشهادات يتها لي محتاجة ٢٠ سنة عشان حد ياخذها كلها.. أنا صحيح نسيت أسأل سنه أدايه؟ هو أكيد أكبر بس مش عارفة بأدييه؟.. دخلت وان مغمضة عين ومفتحة عين.. خايفة أخذ صدمة ثانية.. بس المرة دي أنا مستعدة.. كنت عايزة اجيب شوية بندق على شوية لوز وأخليه يكسرهم عشان أتأكد من قوة أسنانه، وبعدين افكرت إن البندق واللوز دول بيعجيوهم للنبات.. يعني حاجة حريمي قوي.. وعشان كده جبته معايا دوم.. هو ده الاختبار

لحقيقي لأسنان الرجالة.. ولو طلع زي اللي قبله هابطحه بيها في شد.. محدش يلومني ساعتها آه.. أنا مش ملطشة بقه.

ماما لقيتها وقفت ومدت أيديها وتسلم وتبزعدي عشان اسلم.. دمان.. رفعت عيني وأنا ببسم.. ألاقيلكم حتة عريس.. كل المواصفات نلي انا قايلاها من كام سطر دي.. عيون خضرا وشعر بني فاتح، طول عرض بارتفاع، ابتسم كده ابتسامة بيتلوا غمازتين.. إخيبييه!.. إيه ده؟.. أنا هاتجوز واحد أحلى مني ولا إيه؟.. وأقعد كده في الكوشة الناس تقول تجوزها على إيه؟.. يوووه بقه.. إنتي لازم تتغاضي عن العيوب دي يا برايد.. مش هانعاير الناس بشكلها كمان. مش ذنبه إنه حلو وفاضله فوئت وينور على رأي اللمي.. خلاص خلاص.. أتجوزه وأمر لي لله.. وبعدين هو فيه عيب برضه. عنده علامة كده في قورته على شكل نجمة. شكله كان شقي وهو صغير. كويس يعني على الأقل مش خيخة.

قعدنا وطلبنا حاجة ساقعة. إيه ده فين الجاتوه؟.. هو مكتوب على أهل العروسة بس ولا إيه؟ شوية والوالد لف وقعد يبصلي.. أنا مابحش نظام التسبيل ده.. أنا لازم اطلع الدوم.. هو ده اللي هايحسم الموقف صحيح. قعد هو وماما يتكلموا، وطول ما هو بيكلم ماما يبصلي ويركز قوي.. لدرجة إن حرارتي ارتفعت وأعصابي سابوت وحرارة أيدي اللي ماسكة كوباية الحاجة الساقعة مع الثلج اللي جواها عملوا طبقة بخار أضيفت على الجو تاتش رومانسي فطيع ورغم إنني من الموديل الجدد اللي نازل في السوق ستر لوك وحزام أمان وضد التسبيل لكن أعصابي ماقدرتش تستحمل ده كله.. بسسسسسسس!.. ستووووب!.. هو ده! خلاص!.. ده مافيهوش غلطة.. صُبرتي ونولتي يا بربر.. يا حلو لي د العيال في الصيدلية هايومتوا.. دكتور وعيادة وبغمازات. يا سلام.. وان قاعدة في الكوشة وكل صحابي هابقوا من جنبهم.. لا لا لا..

الأفكار السوداء دي.. خلي الشماتة والتشفي لواحدة تانية.. لواحدة في ايديها الشمال دبلة دكتور.. هيهيهيهي.

خلصنا القاعدة اللي كانت مدتها ساعتين ماما اتقصت فيها على كل المعلومات المطلوبة وانا ماسمعتش ولا كلمة من الاتنين، كنت كأني باتفرج على فيلم صامت مبقلة عينيه ولاغية بقية الحواس.. وخرجنا من العيادة واحنا طايرين.. كنا طولنا قوي لدرجة ان العيادة كانت فاضية واحنا خارجين.. ماما اتحرجت قوي واعتذرت له بشدة:

- يظهر اننا طولنا قوي وزهقنا العيانيين.

- لا حضرتك ولا يهملك. هاييجوا تاني.

- إزاي؟

- أصلهم مايثقوش في حد غيري.. هايروحوافين؟ هايلفوا يلفوا ويرجعولي.. وحتى لو ماجوش مش مهم.. المهم إني اتعرفت على حضرتك. ده شيء أهم من ميت فيزيته ومتين عيان.

(واتنوا عارفين تأثير موضوع حضرتك ده في عيلتنا).

ماما مشيت وهي مش مصدقة.. أنا كنت مسنداها لأنها كانت داخية من كتر السعادة.. أنا كمان ماكنتش مصدقة نفسي.. واحنا نازلين شفنا عربيته تحت العمارة لانسر فضي شكلها جديدة لانح.. يا سلام يا بابا مرتبك هايفضلك.. فلوسك حلال والله. ماما في فورة سعادتها خدتني وخلصت كل فلوسها عليها. اشترينا طبق جديد وشوز وشنطة وكل اما ندخل محل من المحلات تقوله:

- عايزين أحسن حاجة أصلها هاتتخطب قريب.. إدينا أغلي حاجة. حاجة تليق بواحدة خطوبتها قريب.

- ماما ماتقاطعيش.

- لا من غير مقاطعة إن شاء الله إن شاء الله.

ماما جابلي الطقم الجديد والشنطة والشوز وروحنا على البيت. بعد.. رجعنا البيت بساعتين رن الجرس وكانت أم محروس بترقص من الفرح.. بتنط زى الضفدعة اللي محطوطة في طاسة على النار (والله الست دي بترقص كويس.. فيها شبه من ندية الجندي في فيلم اضرب واجري في نل أيب). كانت جاية تبلغ ماما بالأخبار الحلوة العريس بيستأذن بييجي يوم الثلاثاء الجاي. يعني كمان أسبوع وبيقول إنه جاهز لكل الطلبات واننا عيلة محترمة وعمره ماهاياقي زين.

ابتدت ماما تمسك التليفون وتقوم بمهمتها المقدسة كأُم العروسة لمقبلة.. وتغيط في كل ستات العيلة الكريمة اللي ماعرفوش حاجة عن الموضوع:

- إن شاء الله بكره تسمعو أخبار كويسة.. هانشوفكوا قريب إن شاء الله.. خير خير كثير إن شاء الله.. والله شكلي هاحتجك قريب معايا.. في إيه.. بكره تعرفي.. لا لا مش هاقولك خليها مفاجأة.

طب واشمعني أنا بقة؟! أنا عايزة أعطي قصدي أففض لحد أنا كمان. اتغدينا ودخلت أنام شوية.. بس مش قادرة. باتقلب على جمر النار على رأي فائزة أحمد.. ولا كانت أسمهان.. أديني باتقلب وخلاص. الله طب وإيه فائدة الخطوبة إذا كانت الواحدة مش قادرة تغيط.. قصدي تفضفض لحد عليها؟! لا لا لا، دي حاجة لا تطاق! نفسي أطلع في البلونة واصرخ في اللي رايح واللي جاي: هاتجاءواوووا!!!!!!

بس بس بلاش مقاطعة بقه. مانا لازم أقول لحد مش قادرة أمسك

لساني.. هاموت. طب أروح أقول لأماني؟.. لا لا، دي عينها وحشة وهاتقد تقوللي: وده يطلع إيه في لولو أخو فوفو؟.. وساعتها ممكن أتهور وأقولها رأيي بصرحة في جوزها وأخوه وعيلتهم كلها، ويمكن مشاعرها تتعور ولا حاجة. طب أنزل أقول لعبد ربه البواب وأكبسه زي مايبكسني بأخبار مراته الليدي سها في الراحه والحاجة.. لا لا، أنا مش أدسها لتطلع تبارك لي وتاكل دراعي ولا حاجة.. مرة كانت فرحانة لما محمود سلوع جارنا خد الثانوية العامة ودخل كلية الطب وشكلها جاعت شوية لأن كان فيه شجرة جوافه بينام تحتها قطين مالفناش ليهم هما الثلاثة أي أثر ثاني يوم.

طب أقول للعيال في المستشفى؟.. لا لأ، لحسن بقعدوا يشمشموا ويطقسوا ويعرفوا مكان العيادة ويمكن يروحوا ويحاولوا يخطفوه. لا لا لازم أبقي أنصح من كده.. طب أقول لمين.. لمين؟

قمت جري وليست هدومي وصممت إنني لازم أنزل لنهي.. مش هايضع أأجل الغيظ.. قصدي الفضفضة ليوم ثاني مش هاقدر. وأنا راكبة في التاكس قلت أما أجرب الكلمة في بقي:

- بسرعة يا أسطى لو سمحت عشان خطيبي مستيني.

- حاضر يا عروسة.

يا سلام! حلوة قوي الكلمة دي.. مع إنني في أي ظروف ثانية كنت شخطت فيه وقلت له: دكتورة لو سمحت!.. لكن دلوقتي اللقب ده أجمل لقب في الدنيا.. فليسقط مكتب التنسيق.

وصلت للصيدلية اللي بتشغل فيها نهى بعد الظهر. أول ماشافتني اتبرجلت ووشها اصفر باضرب يعني كده لقيت الصيدلية بتبرق وكل الإزاز ممسوح. ببص على لبسها.. قلبي وقع في رجلها.

- إيه الطقم ده؟.. الطقم ده انتي مابتلبسيهوش إلا إذا.. إلا إذا.. إنتي جايلك عريس!

- لا مش مطبوط.

- لا إنتي لا يمكن تضحكي عليا. أنا عارفة الطقم ده كويس.

- الطقم.. الطقم.. يوووه.. كنت عارفة إنك هاتعرفيه.. أيوه جايلي عريس دلوقت.

- إوعي يكون دكتور وعنده عيادة.. إحنا مش هانكرر موضوع أيمن ثاني.

- لا لا لا.. ده طيار.. هاييجي يشوفني النهارده.. وبعدين إيه حكاية أيمن هو عمل إيه؟

- أيمن.. أآآآ.. لا.. الله يمسيه بالخير ويسعده هناك في بني غازي.. المهم عشان الطيار ده كنت بتوزعيني؟

- مش مسألة توزيع يا برايد.. بس يعني لو جه وشافك هنا.. إفرضي يعني إنتي عجبتيه أكثر ولا حاجة.. تقطعي على أختك حبيبتك؟!

آآآ.. فكرة كويسة والله.. هو ييجي هنا وفجأة أطلع له ويقع فيا ويسيب البنت نهى الخيشة دي اللي كانت عازبة تقررطسني.. وطبعاً معروف إن مافيش أي وجه للمقارنة بيني وبينها.. أيمن؟.. أيمن ده كان عنده حالة استجمائيزم متقدم وبعد نظر متأصل.. يا سلام بقه على فرحة ماما وانا راجعها لبا بعريس كمان.. يا سلام يا بت يا برايد!.. الفقهي لما يسعد.. دكتور وطيار في أسبوع واحد.. يا فرحتك يا ماما.

..البنت نهى شكلها فهمت اللي بيدور في دماغها.

- برايد.. أنا صاحبتك وحببتك مش معقول تعملي فيا كده.. إنتي عارفة أنا حظي كان عامل ازاي!

- وانا يعني اللي حظي كان عدل قوي؟

- معلش يا برايد.. عشان خاطري.. أنا عارفة إنك مش هايجيلك قلب وتعملي فيا كده.. وأنا أوعدك إنني أبقي أخليه يشوفلك حد من أصحابه.

بعد ما كنت خلاص هاتعاطف معاها الجملة الأخيرة جئتني.. هيا حصلت.. أنا اللي كنت هاقولك البقين دول بعد ما افحكك بخبر عريسي.. بس لأبرضه.. أنا ماعملش كده في صاحبتني أبد.. أحاول أخطف عريسيها؟.. لا لا لا!.. وبعدين آخر مرة أيمن كان هايجيله انهيار عصبي وأنا كنت غالباً هادخل سجن القناطر في قضية ضرب بطفاية السجاير على دماغه.. قدر ولطف.. بعد ما اتحايلت نهى شوية عليا قررت إنني أدخل المعمل واستنى جوه.. باللا بقه صاحبتني وماتهنوش عليا، وبعدين أنا عندي عريسي وعيادته.. هو أنا يعني ناقصة عرسان؟

بعد ما كنت ناوية أصدمها صدمة عمرها بالأخبار اللي عندي.. بعد ما أمهدلها طبعاً.. نهى دي حببتيشي ولا يمكن أصدمها من غير تمهيد.. أهى دلوقتي هي اللي صدمتني وخلتني واقفة وحاسة باحساس العربة المفحخة.. نفسي أنفجر فيها وفي الصيدلية وفي العريس 'و شفته.. آه وعلى رأي المثل: على الباغي تدور الدوائر. منك لله يا نهى.. وكمان خلّيتني أتكلّم بالنحوي!!

بعد شوية واحدة اقتحمت الصيدلية وشها هايشقق من كتر الفرح.. وأول ماشافتني قطمت الضحكة.. أنا فهمت على طول إنها الواسطة.. أنا عرافهم بيتندوا كده وأخبرهم مقلب حرامية ويتدلّجوا ع السلم.

- ماشي ماشي.. ماتقلبوش وشكوا أوي كده.. أنا ماشية.

مشيت في الشارع والصدمة بادية الأثر على وجهي الذي كان يشوش (بوه نحوي ثاني).. يعني كمان مش هاعرف أتأنتك على حد بانعريس.. عني لو كبرت في دماغي ورحت قلت للعيال في المستشفى ونهى كمان.. لت لهم كفة مين اللي تطب.. الطيار طبعاً!.. واحنا في شهر أكتوبر وده.. سم.. أول طلعة جوية الساعة اتنين الظهر والحركات دي.. دي إيه الخطوبة اللي باينة من أولها دي.. إيه فائدة الخطوبة لو مافضلوش الناس حسدوا ويقروا الواحد ويرتفع ضغطهم كل اما تجيب سيرة خطيبها فدامهم.. يارب هو أنا دايماً فرحتي ناقصة كده؟؟

الأسبوع عدى عادي.. طول الوقت في الشغل أنا ونهى بنبص لبعض من تحت لثحت.. مافيش واحدة عازية تقول جرى إيه في موضوعها وكل واحدة خائفة تسأل الثانية إيه الأخبار؟.. الموضوع دلوقتي بقه مسابقة دهانشوف مين فينا اللي هايسبق.

عدى الأسبوع على خير وجه اليوم الموعود: دخل العريس صالوننا لمتواضع اللي ماما جددت كل حاجة فيه تقريبا في الأسبوع ده: ستاير حديدة وفازة جديدة وكاسات جديدة كله جديد في جديد.. الواد الدكتور ده أول ما دخل الصالون تحس اننا بقينا الضهر.. إيه ده.. أحب انا جدا الناس اللي بتبان كأنها لسه مستحمية من ثلاث دقائق دي.. قعدت قاعدة ضويلة واتكلمنا وضحكنا والعريس قالنا إنه مستعجل جدا على الخطوبة ومافيش داعي للتأخير كل شيء جاهز.. ولما ماما وبابا سألوه على عليه لني كان جاي من غيرهم.. قالهم إنهم في الامارات وان شاء الله هابعدا ييجوا على وقت الخطوبة. ولو ماعرفوش ينزلوا، عادي يعني.. مش لا.. آخر المراكب السائرة عشان حاجة بسيطة زي دي..

- غمازات.. مش کده؟

- أيوه مضبوط.. ماتقوليش إنه بيتدرب مع حضرتك وانه لسه تلميذ ولا إنه..

الراجل سابنا وخرج من الأوضة جري.

– ماما.. فيه إيه؟ هو هاي جبلنا البوليس ولا إيه؟

- بوليس إيه؟.. هو احنا سرقنا حاجة.. بس عموما استعدي للجري..

رجع الرجل الكبارة وهو جارر في ايده الدكتور الصغنون من قفاه
لايس تريننج سوت وشكله كده كان نايم.

- هو ده.. مش كده؟

- أيوه.. أيوه هو ده الدكتور (.....) انت خاطفه ولا إيه؟

و فجأة الرجل الكبير نزل ضرب في الدكتور الصغنى.

- خاطفه دانا نفسي أحرقه.. أقطعه.. نفسي أرميه من فوق البرج
واخلص منه.

واحنا من طبابة قلبنا ولاننا مش فاهمين قاعدنا نسلك ونصوت. نسلك ونصوت. وفي الآخر الدكتور الصغين طلع يجري والدكتور الكبير قعد قدامنا منهار.. جبن له لمون ومشينا العيانين وروحنا التمر جي وقعد يشكي لنا همه.

خدوا عندكوا: اليه أبو غمازات..إيئه.. اليه ماجيش مجموع في
الثانوية العامة. خلاه يعيد. برضه ماجيش. دخله جامعة خاصة قعد فيها
٦ سنين وماعرفش يتخرج.. حول تجارة.. وبقاله فيها ٥ سنين ولسه في
سنة تانية.. وعشان هو ابن دكتور كبير وعشان حلوة وعنده فلوس ..

...ه غية يتسلى بخلق الله.. نفس المسلسل التي عمله علينا عمله على
... قبله.. دكارة وصيادلة وأسنان.. يدخل عليهم نفس الداخلة والعبادة
... والعربية كمان وبابا وماما في الإمارات بس هما مسبوطين قوي وآدي
... اب منهم يقولوا على بركة الله.. ويخطب ويدخل ويخرج ويتفصح
... وعزيم.. وبعدين ينكشف أو يزهق ويأخذه علقه أو يبجوا الناس يهدلوا
... ويغضض شهرين ويعيد الكرة من تاني.

عشان كده الشهادات الكثير اللي كانت متعلقة اللي ناخذ عشرين سنة
منى ماتناخد.. بتاعة باباه. عشان كده العيانيين اللي عرفونا أول ما دخلنا..
.. صحابه.. عشان كده لجأ لأم محروس.. الكل كان عارف سمعته من
فرايبه ومعارفه وهي كانت لسه داخله المنطقة جديد ومالحتش تتعرف
على كل مصاييه. عشان كده عنده علامة في قورته، حد متفاهم من أهل
لعرابس سابه تذكره يفكره إن بنات الناس مش بلاي ستيشان.

هذهنا الدكتور الكبير.. عشرة برضه ولازم نفق جنبه.. ونزلنا الشارع عادي.. عادي.. باقولكم عاااادي.. إحنا اتعودنا على كده.. ولا كنا ماسكين نفسنا من العياط ولا صعبت علينا نفسنا ولا كنا كارهين الدنيا بما فيها ولا انا كنت بافكر في نهى اللي زمانها دلوقتي بتلبس الدبل ولا حاجة.. عاااادي..

ثاني يوم رحلت الشغل والتعبير إياه مرسوم على وشي.. تعبير واحدة
 وأخذة مقلب سخن طالع من عينها.. على الأقل دلوقتي أقدر أفضفض
 لنبات وواحدة تططب عليها والثانية تاخدني في حضنها وواحدة ندعي
 عسى اللي كان السبب وتقول: ضفرك برقبته وبكره يجيلك اللي يقدرك
 بيخلص ويشيل.. أدخل الصيدلية ألقى كل المشاهد اللي فاتت دى
 جرى تنفيذها على الهواء.. والبطة: نهى!! الموضوع بتاعها طلع فى ١٨

عشان العريس بتاعها اكتشف إنها عندها ٢٨ سنة وثلاث شهور وهو عايز واحدة عندها ٢٨ سنة وشهرين. عنده حق. إيه ٢٨ سنة وثلاث شهور دول. ده حتى سن مش عاطشني خالص. الدم غلي في عروقي.. لابقه.. حتى في دي مش سايباني في حالي.. حتى شوية الطبطة وافقة لي فيهم. مدام سندس وافقة جنبها وعاملة تطيط عليها:

ع.١.٠.ن.س

ضحكنا كثير!.. هاناخذ السنة كلها ضحك ولا إيه؟! طبعاً لحروف اللي فوق دي بتكون كلمة معروفة ومشهورة ورخمة وبايخة وقليلة الذوق.

مش قلنا مافيش ضحك؟!!

في المعجم العربي بتاع عمكوا وائل الصحاح اللي هو الحفيد الثالث والأربعين لجدكوا مختار الصحاح كلمة عانس دي مرادف لكلمة بايرة. وفي قول آخر إنها الفتاة التي فاتها القطر.. قطر لما يبقى يلحف اللي يقولها على أي واحدة.

الصورة اللي كانت بتيجي في بالنا زمان أول ما نسمع كلمة عانس هي صورة زينات صدقي.

بعدها بشوية بقت صورة عائشة الكيلاني (الأتنين على فكرة كانوا في الحقيقة متجوزين)..

وعلى الرغم من إننا ساعات نلاقي "مزز" لسه ماتجوزتش لبعده الثلاثين وساعات الأربعين.. إلا إن مافيش أي حد بيسميه عوانس أبداً. عني مثلاً، ليلي علوي لحد قريب، لطيفة، أنوشكا، كل دول عدوا الأربعين ورغم كده.. عمركو سمعتوا حد قال عليهم عوانس؟!.. ماحصلت!

- ولا تزعلي نفسك يا حببتي بكرة يجيلك اللي يعرف قيمتك.. (وطت صوتها شوية وهي مش عارفة اني وافقة وراها وسامعها) أنا ماكتش عايزة أقولك هنا قدام البنات.. بس إنتي ليكي عندي عريس مايسأهلك غيرك.

- بجد يا مدام سندس؟

- آه والله أم هبة بتاعة الفراخ هي اللي قالت لي عليه.. دكتور وعنده عيادة وعينه خضرا وبغمازات.

ولأول مرة من ساعة ما موضوعي طلع فشنتك ارتسمت ابتسامة واسعة على وشي. طب أقولها بقه ولا لا؟!.. هاتقول كنت باتصنت.. هاتقول أنا غيرانة.. هاتقول طول عمري حاطاها في دماغي ومش بعيد تقرر أم طارق بتاعة الكافيتريا وتعرف حكاية أيمن.. طب أسببها؟!.. لا حرام.. صاحبتي برضة.

لقتها بتهمس لمدام سندس وانا لسه وراهم:

- طب أو عي تجيبي سيرة لبرايد.. لحسن عينها وحشة.

كده هههههه!!.. طب استلقي وعذك بقه.

يعني لو حاولنا نعرف الكلمة على إنها تأخر واحدة في الجواز هاتلاقي التعريف ده غير صحيح. الكلمة.. مجرد إهانة.. فقط لا غير. نوع من أنواع التشفي في واحدة تعرفها أو ماتعرفهاش.. خصوصا لو ماتعرفهاش.. ياسلاااام! تبقى كلمة لطيفة جدا وعلى سبيل الهزار والتهييس وحاجة ظريفة تموت م الضحك، بالظبط زي لما تضحك على حد اتسرق مرتبه في الأنويس. لو انت اللي حصلت فيك الحكاية دي تبقى مصيبة سودة، لكن لو حصلت لحد ثاني.. يبقى هو اللي حمار ومايفهمش ودغف وعبيط عشان كده اتسرق. برضه كلمة عانس نفس الطريقة. طب بص حواليك في عيلتك، في شغلك، في جيرارك. أكيد هاتلاقي واحدة قريبة منك وبتمر بطروف زي دي. لو هي قريبة منك قلبك مش هايطاوعك تقول عليها عانس. أما لو ماتعرفهاش فهاتلاقي الكلمة بتجري على لسانك بسلاسة وسهولة.

إنت بتقول الكلمة سوري يعني بجهل وماتعرفش هي بتجرح مين.. وماتعرفش أصلا إنها بتجرح.

يعني في مرة كانت واحدة بتقول لي ان اللي انتي كاتباه ده بيعبر عني وعن بنات كثير قوي. أم جه واحد ظريف وقال: إيه ده طب ماتعملولكم حزب وتسموه بيت العوانس!

سيبكوا مني أنا، هاتكلم عن نفسي بعدين. لكن قعدت أنخيل إحساس البنت اللي قالت لي الكلام ده وسمعت تعليق الأستاذ.. تفتكروا هاتضحك؟.. هاتيز كتافها وتنسى الموضوع؟

لو فكرتوا كده يبقى مافيش حد فيكم عمره فهم نفسية بنت. لأن كل البنات تقريبا الموضوع ده بيبقى هاجس جواها من أول مايتدوا صاحباتها واللي حوالها يتخطبوا ويتجوزوا وهي تتأخر حتى لو شوية صغيرين. عن

نسي. الكلمة بتضايقني لو اتقالت قدامي من أول ما كملت ٢٢ سنة.. حتى لما كنت باسمعها في فيلم أو مسلسل كانت بتخني.

نرجع للتعريف: في الأرياف بتبقى البنت عانس لو عدى على حصولها على «الدبلون» سنتين. في الأقاليم زمان كان لغاية ٢٥ ودلوتي بقت ٣٢-٣٣. في القاهرة والإسكندرية لحد الـ ٣٥. وفي كل الحالات.. اللي وصلت السن ده وماعادش بيجيلها عرسان. بالنسبة لكل الأرقام دي وبما إني مش معايا «دبلون».. يبقى الحمد لله لسه قدامي شوية على ما أحمل اللقب.

لكن بالنسبة للناس اللي بتستهل استخدام الكلمة دي:

لو كنت عارف إن الكلمة بتوجع وتقولها.. على أي بنت تعرفها أو ماتعرفهاش.. تبقى مصيبة. ولو ماكتش تعرف إنها بتوجع.. فالمصيبة أعظم.

من فضلنكوا يا ريت تقاطعوا الكلمة دي. لأن اللي مايحسش بوجع اللي قدامه.. مايستاهلش يكون إنسان.

- أنا أعمل أي حاجة عشان أرضيكوا يا طنط .

- كان من الأول يا حبيبي .. رايح تتجوز من بره العيلة؟! وبنات العيلة
دول نوديهن فين يعني؟ .. ناكلهم؟
- يا طنط ده نصيب .

- لا يا حبيبي، دي خيانة عظمى مع سبق الإصرار والترصد .. وبعدين
تعال هنا قول لي، فيها إيه الست نورا دي زيادة عن برايد بنتي؟ .. هه؟

- بس يا طنط برايد دي طول عمرها زي أختي الصغيرة ..

- أدي انت قلتها بلسانك .. "زي" .. يعني مش أختك .. يعني تجوز لك .
أعمل أنا فيها إيه دلوقتي وهي كانت ممنية نفسها إنك هاتخطبها أول ما
ظروك تبقى مناسبة؟

وأشد ماما من هدومها:

- كلام إيه يا ماما اللي انتي عمالة تقوله ده؟ .. أنا عمري فكرت في
كده؟!

تاخذني على جنب وتهمس لي:

- اسكتي انتي .. انتي مش فاهمة حاجة .. دلوقتي تعرفي أنا باقول كده
ليه .. بس خليكي معايا ع الخط .

وإنا أقول ماشي وارسم على وشي آثار الألم والحسرة وأؤدي دوري في
الفيلم ده زي ما الكتاب يقول . الواد يا عيني شكله صدق وركبه الإحساس
بالذنب وحسيت إن الدموع هاتبتدي تنزل من عينيه . اتفرغت طبعاً، ده
ممكن يغرق الصالة . مش باقول لكم أدتمثال رمسيس .. ميلت على ..

- خلاص بقه يا ماما ..

التاسع

أبيه أشرف .. لأ طبعاً مش هو العريس، فيه واحدة تتجوز أبيها؟! ..
أبيه أشرف ده الوجه الجديد والنجم الصاعد واللاعب المنظم مؤخراً
للمنتخب الوطني للبحث عن عريس لبرايدي . أبیه أشرف ده بقی ابن
طنط رشا خالتي هو أكبر مني بـ ٧ سنين بس .. بس أنا من صغري متعودة
أقوله يا أبیه، وهو كان متعود يجيبلي شوكلاتة ويديني عيديه وساعات
ياخذني مع بقية أطفال العائلة الأبرياء ويركنا المراجيح . مش عارفة ليه
كنا دايماً بنعتبره أكبر منا بيحي ٢٠ - ٢٥ سنة؟ يمكن عشان عاقل؟ يمكن
عشان رزين؟ ولا يمكن عشان هو وتمثال رمسيس فولة وانقسمت نصين .
الفرق بس إن أبیه أشرف محترم لا يمكن يقف في وسط ميدان وهو مش
لابس غير ميكرو جيب زي ما الأخ رمسيس ده كان عامل . ضخم ضخم
يعني . ومع ذلك في قمة الطيبة والأدب . وهو ما استغلته الست الوالدة
بجدارة واقتدار وقدرت تضمه للفريق الوطني عن طريق تنمية عقدة
الذنب بداخله .

أصل أبیه أشرف غلط غلطة عمره يوم ما فكر يتجوز من بره العيلة،
والغلطة الأكبر بقه إنه نفذ القرار ده .. اجتمع أيامها مجلس قيادة العيلة
برئاسة ماما وقرروا إنهم لازم يحددوا إقامته بره بيوت العيلة إلا إذا .. إلا
إذا .. الواد يا عيني عشان طيب مسك في إلا إذا دي واستموت .

- أنا ممكن أسامحه بس بشرط واحد!

الواد اتعلق في الكلمة زي ما يكون كان هاغرق مع عبارة السلام
وحد رماله عوامة:

- اللي تؤمري بيه يا طنط.

- تجيب عريس لبرايد!

يا عيني يا ماماع الخطط.. الخطة دي على فكرة أكيد في يوم من الأيام
هاتتدرس في منهج كيف تصطادين عريسا بتاع تانية ثانوي (أكيد هاييجي
وزير تعليم متنور في المستقبل يعرف إن مدارس البنات في مصر في أشد
الحاجة لمادة زي دي). المهم الواد من يومها غطس وماقبش.. ما هي
ماما قالت له ماتورينا شوشك إلا وانت جارد - قصدي جايب - في إيدك
عريس. وفجأة وبعد طول انتظار ظهر أخيرا أبيه أشرف وعلى وشه فرحة
ولا كأنه لسه جايب جون في النجم الساحلي وهايو دي الأهلي اليابان.

- طنط، يا طنط.. جبت عريس!.. جبت عريس!!

- بجدة؟.. بجدة يا أشرف؟.. دانت هایل.. صاحبك؟

رد بارتباك:

- هه.. لا هو.. مش صاحبي قوي يعني..

- معرفة يعني؟

- برضه لا.

- أم هو لا صاحبك ولا تعرفه.. إيه يعني، خدته هدية على علبة سمينة

من كارفور؟

- يا طنط لا، هو يبقی.. ابن عم.. صاحب واحد صاحبي.

- أه شكلك بدين من أولها.. سمعني تني يا حبيبي كده..

- يا طنط نصل أن.. أنا كل اما افتح واحد من صاحبي في الموضوع
.. فوله ماتيجي تخطب بنت خالتي يقول لي: طب ماخطبتكش انت ليه؟!!

- عرفت؟.. عرفت دلوقتي إنك وقفت سوق البست؟!

- خلاص بقه يا طنط. ده العريس ده صاحب صاحبي يقول عليه
حلاق جدا ومتدين وشخصية.. بس خلاص يا طنط. هو كان عزيز ييجي
لخميس أخليه مايجيش بقه.

مما بفرغ وهي بتنط تشعق في رقبتها:

- مايجيش؟.. مايجيش ازاي؟.. لا طبعاً ييجي!.. لازم ييجي!.. إنت
دهم؟.. لازم!

رتبنا كل حاجة كالعادة زي كل مرة باستثناه إن مما المرة دي دبست
نيه أشرف في الحجاته والحاجة الساقطة، و٢ كيلو شوكلاتة (طبعاً ما
عترضش.. ما هو لازم يصلح غلظته)، العريس كان معدده الساعة سبعة،
فطبعاً إحنا عملنا حسابنا على تسعة تسعة ونص (ما إحنا بقينا خبرة بقه في
المواضيع دي). لكن هو جه سبعة بالثانية.. كووويس، بدرجة خير. دخل
من الباب، استقبه أبيه أشرف فطبعاً قطع عليه مبة ونور ومشعش حاجه
العريس دخل في ظله إلى الصائون. قلت يا بت يا بربا.. إعمسبت مبعأ
كده وأتاخريلك بتع ربع، نص، فولي ساعة وربع كده قبل ما تدخلني عسا.
يعرف انت تقيبة ومبيهمكيش. لكن مما اللي نفسها ومنى عبتت تـ
من بيت العيلة لأي بيت تني إنشأله حتى "بيت هو فن" حـ
من إيدي على جوه.

دخلت أدور ع العريس .. أدور ع العريس .. مافيش عريس !

- إيه ده؟ .. هو مشي ولا إيه؟

ماما تغمزلي وبابا يشاورلي بكوعه على الفراغ اللي في الكنية اللي بينه وبين أبيه أشرف. قربت دماغي من الكنية .. قربت قوي .. لغاية لما هو ووب! ماما جرت لحقتني قبل ما اخط في العريس.

- إيه ده ؟ .. أكن المنطقة دي فيها عريس .. لا يا جماعة! لا أكيد بتهزروا.

أبيه أشرف قام وقف وراح قعد على كرسي تاني. أتاري إيه بقه. العريس يظهر كان مكسوف ولا حاجة ومستخبي وراه. قعدت أبصله كده شوية وأدقق فيه .. شبه حد اعرفه .. شبه حد اعرفه جدا كمان .. أخيرا افكرت فقلتها وأنا فرحانة:

- توييتي!!

العريس قام انتظر وماما قامت شدتني من قدامه ليتهور ولا حاجة. بس أبيه أشرف رجع هدها وقعه:

- معلش يا أستاذ مصطفى .. بتهزرت بتهزروا.

طب وانا اعمل إيه؟ .. ما هو فعلا شبه توييتي .. الدماغ الكبيرة ع الجسم الصغير والعيون الواسعة والبقي الصغير ده المعوج. مش ناقصة بس غير شوية ريش أصفر والبنت هند بنت أمني تيجي تشيله وتروح تنعب بيه ..

بصيت لماما اللي بصتلي بغل بصة فهمت إن معناها .. لو فتحتي بقلك هدم أولع فيكي وفي نفسي وفي البيت، فبلعت لساني وخرست. صحيح،

دأيه يعني قصير؟ .. إحنا هانفت في العرسان كمان ونعيب على خلقة بنا؟ .. وبعدين ما هو فيه ستات كتير طوال بيتجوزوا رجالة قصيرين زي مثلا درفة الباب دي اللي اسمها نيكول كيدمان ما هي كانت متجوزة الفقرة نومه كروز .. وأهو توم كروز وتوييتي بلديات .. مش هاتفرق كتير يعني ..

فضلنا قاعدين شوية ساكتين وبعدين ماما قامت جابت حنتين جاتوه وحطتهم قدام العريس مع كوباية الحاجة السقعة .. اللي رجع لورا قوي كده وبصلها بصة كأنها جاياله سم فران وبعدين هز راسه ومسك الشوكة وقسم الحنة الأولانية بالنص مش أي قسمة .. ده يحذر شديد وترقب كأنه نبيل الحلفاوي في الطريق إلى إيلات وهو يبوسع فتحة صوابعه .. ديناميت، وبدأ ياكل تحت صغيرة أصغر مما ترى بالعين المجردة (ما هو على أدبقه). وبعد ما خلص أكل مد ايده على كوباية الحاجة السقعة وأخذ شفطة صغيرة وبعدين بص للكوباية وبعدين شطف شفطة ثانية وبص للكوباية. قعد يشطف كتير؟ .. ٦٣ شفطة!!! أنا عدتهو مله شفطة شفطة. وبعدين بص مرة أخيرة للكوباية وهز راسه وهو راضي عن نفسه وحطها وهي نصها فاضي ونصها مليون .. كل ده واحنا قاعدين نتفرج عليه كأننا بنشوف فيلم سينما .. لا سينما إيه؟ ده فيلم كارتون .. وبالمؤثرات الصوتية كمان.

وبعد ما خلص، بصلنا، وبعدين رفع راسه وبص للنرجفة بقرف كده وقام راح عند كبس النور وفضل ينط ينط لحد ما طال زرار النور وطفاه قعدنا في الضلمة مش فاهمين حاجة خالص .. ثواني والشمعتين اللي في الشمعدان اللي محطوطين ديكور على جنب كده ولعوا لو حدهم .. اتسمرت وقمت نظيت فوق حجر ماما وأنا باصوت. أتاري الأخ .. وعندهم وجابهم حطهم على الترابيزة اللي في نص الأوضة .. والشموع المتراقص شايقة أن العرق اللي في دماغ ماما ..

ده باين الأبخ توتي ده هاينوبه نصيب من مقلب الحرامية والدألجة على السلم.

ماما اللي نسه مصممة تقاوم لآخر نفس قامت وقال بتقدم له شوكلاتة كمان:

- والله عندك حق.. كده الجو أحلى بكثير.

- لا.

- هو إيه اللي لا يا أستاذ مصطفى؟

- شوكلاتة لا.

- آه، أكيد حضرتك عامل ريجيم.

ولما زغرئها من غير كلام.

- قصدي.. قصدي أكيد بتحافظ على صحتك يعني.

ورجعت مكانها. فجأة ضرب جرس المحمول بتعي فلف العريس وبصلي:

- الموبيل اللي بيرن ده هنا؟

- أيوه هنا.

- بتع مين؟

- بتاعي.

وهنا هب العريس واقفا ووراه خياله واصل لحد السقف (يا سلام، أول مرة أحضر عرض الصوت والضوء).. ضوء الشموع وصوت العريس ابي صرخ بأعلى صوته:

- لا!!!!!!!!!!!!!!.. كله إلا كده!

باب اللي ماقدرش يستحمل قم بسرعة وفتح النور ومسك العريس من قفاه:

- باقونك إيه، أنا ساكت لك من الصبح عشان انت ضيف وفي بيتي.

كن وديني لو ما عقلت..

- أنا.. أنا اللي أعقل؟.. دانتوا اللي كلكم عيبة مش مضبوطة.. إيه السغه

لبي انتوا عايشين فيه ده؟.. نجف وتليفزيونات وحاجات مسقعة وحتتين

حائوه.. حنتين جاتوه يا سفهاء يا مبهذين؟! دا أنا باقعد سنة ماب حطش

ميه معلقة سكر في بقي.. وبعد ده كله عايزيني أأخد عروسة.. تصرف عليها

.. على البني شديلاه؟

- شايلاه إيه يا متخف انت.. هو احنا هانديهاك ومعه عيل؟

- آمال المحمول ده يبقى إيه؟.. ده أنيل من العيل.. اشي اتصالات.

وإشي رسيل، وإشي ميسدات.. أنا هاصرف عليها ولاع الموبيل؟!

ماما قامت تسلك وهي مصممة برضه إنها تكس الموضوع:

- يا أستاذ مصطفى، هدي نفسك.. ده مش هيكتفك حاجة دي تصرف

عنيه من مرتبها.

- ومين اللي قال لك اني مش محتاج مرتبها؟!

- نعممممم..!! دانت دا حل على ضيع بقه!.. هي دي م... ..

يا أشرف؟!

- عنك انتي يا طنط..

واتجه أشرف ناحية العريس اللي عدى من ما بين رجله وجري ع
الباب ولف وقالنا:

— أنا لا يمكن أرتبط بواحدة من بيت زي ده.. ده بيت سفیه..
ولف ومشي.

طبعا كان الجيران اتلموا على صوته واتفضحنا في الحي.. لا وهو
اللي رافضنا كمان، مش احنا اللي رافضينه.

لكن لأ.. أنا شو من شوهاتي يخلص كده من غير ما حد يتدألج على
السلم؟.. طبعا لأ. وقد كان أن اجتماعنا أنا وماما وبابا وزقينا أبيه أشرف
بره الباب وادينا مقلب حرامية وسيناه يتدألج على السلم.. صعب عليا
قوي.. بس الحقيقة اللي اتعور بجدد.. هو السلم.

ليه تدفع أكثر.. لما مكن تدفع أقل؟!

الجملة الماثورة دي بتأثر تأثير مباشر وغير مباشر في حياة جميع
المصريين، وهي تقريبا تاني حاجة بنؤمن بيها بعد ربنا.. وتطبيقاتها كثيرة
جدا في حياتنا اليومية، وبنطبقها من خلال مفهومين: مفهوم الاقتصاد..
ومفهوم الاستخسار (طبعا فيه مبدأ تني وهو 'ليه تعمل أكثر لما ممكن
تعمل أقل؟! .. وده الحقيقة منتشر بين موظفي المصالح الحكومية ولا عبي
نادي الزمالك.. بس ده مش موضوعنا دلوقت).

الشعب المصري عموما من أكثر شعوب الأرض تدبيرا واقتصادا (مين
اللي فتح التلفزيون؟). فالمواطن المصري الاصيل له طرق في التوفير
من المفروض أن تدرس في كليات الاقتصاد في جميع أنحاء العالم
المتحضر. من أول الكتب الدراسية اللي بتنتقل من الابن الأكبر للي
بعده للي بعده للي بعده حتى لو كانت المناهج اتغيرت.. وإيه يعني، مش
كله علم؟.. مروراً بالأحذية اللي بتلف نفس اللفة مع لبس المدارس،
ولبس الخروج، ولبس البيت. لشنط مدارس وحتى الملابس الداخلية.
اللي ييمتد دورها الوطني حتى بعد انتهاء اللفة المعتدة لتجده في المطبخ
لحمل النحل السخنة ثم لمسح الأرض ثم لوضعها تحت الحذاء..
المكسورة عشان ماتتقلش.

والست المصرية كمان ليها دور فعال ومؤثر في العملية الوطنية دي،
من أول تربية الفراخ والبط فوق السطوح مروراً بالمخلل والمربى اللي
بتعلمهم بيديها انتهاء بدورها الوطنى الجبار في لم برطمانات الصلصة
الفضية والجرايد القديمة وأكياس البلاستيك المخزنة تحت مراتب
السرير. تسألها: طب ليه؟.. تقول لك: وليه لأ.. بكره ينفعوا!

كل دي أشياء جميلة وراث ووطني وقومي يعتز به كل مواطن يحيا على
أرض مصر وشرب من نيلها وجرب يغنيها.. لكن موضوعنا دلوقتي مش
الاقتصاد.. لأ.. الاستخسار، وبالذات طبعا في موضوع إيبسيه؟.. برافو
عليكم!... الجوااز (أنا ورايا غيره؟).

الجواز عموما وجواز الصالونات خصوصا كل الناس بتعامل معاه
على إنه بيعة.

العريس يقول: طب ما هو لا أنا أعرفها ولا هي تعرفني يبقى الحداقة
إني أخلص البيعة بأقل الخسائر.

والعروسة تقول: لا باحبه ولا يفرق معايا يتقى يدفع اللي عنده
ويشيل.

ويتندي ده يخنصر ودي تحاول تطلع باللي تقدر عليه، وتبدي لعبة
الشد والجذب يا إما الجبل ينقطع ب إما يوصلوا لأرض محايدة ويتمموا
الموضوع على خير. وبما إني أنا (طبيبها) في صف البنات، وبناء على
تجربتي الطويلة بيبيينة مع العرس، أدي كام موقف ممكن أي واحدة تعرف
منهم إن البية عريس المستقبل غاوي خنصرة ويجري مبدأ الاستخسار في
عروقه مجرى الدم. وبعدها عليها التصرف بما يستدعي الموقف. وعلى
ستضرر الجحوة لنقصاء.

مثلا:

- أول مرة هايدخل فيها بيتكم هايدخل إيدورا وإيدقدام.. (إيش عرفه
الموضوع هاينفع؟ يكع هو تمن الجاتوه الفاضي يعني؟).

- هايتجوا تفقوا الشبكة (ده لو ناوي يعجب شبكة أساسا)، هايقولك
لا، شكتك جاهزة دانا باعت مخصوص جايها م الإمارات. أصل الذهب
الي هنا مغشوش وأنا عايز أجيلك أحسن حاجة (طبعا هو جايها من
نصايغ اللي جنبهم ورا محطة البنزين.. بس كده أضمن مايخدك وتنقي
وندفعيه دم قلبه).

- لو ربنا سلم من موضوع الشبكة ده وعرفتني تسلكي الشبكة اللي
على كيفك واتعملت الخطوبة هاتلاقيه مصر إصرار لا يتزعزع على إنكم
منخرجوش. ويقولك ده حرام إحنا لسه مافيش بيننا ارتباط رسمي وربنا
مايرضاش بكده (طبعا هاتعرفي إنه بيوفر فلوس الخروجة.. لأنه أساسا
ميركعهاش).

- لو ربنا قواكي وقدرتي تجربيه يخرج هايقولك: وليه مطاعم وكلام
فارغ، وماله كوك دور؟

- ولو جيتي على نفسك ورحتي معاه هاتلاقيه بيسرق البطاطس
بتاعتك ومش بعيد وانتوا ماشيين ايده تتمد على بقية السندوتش اللي
اتي ماكمليتهوش وساعتها هايقول لك: أصلي عايز أكل من أكلك عشن
أجري وراكي طول العمر.

- هاتلاقيه «صدفة» بتحصله مصيبة مع كل موسم: في مولد النسي
المحفظة اتسرفت، وفي أول رمضان اتخصم له ١٠ أيام، وفي نص شعبان
عنده الزائدة، وفي ٢٧ رجب ممتة حاجبها بيو جعها.

- لو حاولتي تخرجي بأي مصلحة من موضوع المواسم ده وغتتي ورخمتي وطلبتني منه صراحة يجيبلك لبس .. في العيد الصغير هيقول لك: ده عيد الكحك مش عيد اللبس، وفي العيد الكبير هيقول لك ده عيد اللحمة.. إنتوا مش دابحين ولا إيه؟

- هاتلاقيه كل يوم مبرشت ع الغدا عندكم (برشت يبرشت فهو براشوت). ويقول لك: أصلي عايز أوطد علاقتي بحمايا وحماتي والتوطيد ماينفعش غير لما ناكل عيش وملح.

- ولما تقولي له إن انتي كمان عايزة توطدي علاقتك بحماكي وحمااتك.. هيقول لك: لا يا حبيبتي، أصل ماما بتسبك الأكل وأخاف عليكى لتتخني.

- تنزلوا تنفوا العفش ينقي أصغر تلاجة وأصغر غسالة.. ولو طال يجيب البوتاجاز أعور بعين واحدة مش هاتأخر.

- وانتوا بتنقوا أوضة النوم لو الأوضة على باباكي ينقي سرير الملك فاروق. لو الأوضة عليه ينقي أصغر سرير في السوق. ولو اعترضتي هيقول لك: أنا مش عايز سرير كبير عشان عايزك تبقى في حضنتي على طول.

- يرفض يعملك الشقة سيرايمك ويقول لك وماله البلاط.. عشان ماتت حلقيش.

- يرفض يجيب سجاد ويقول لك: أصله هايخي السيرايمك (اللي أبو كي هايحبيه).

- يرفض يجيب النجف ويقول لك: أصلي مش باحب النور الأصفر ماتيجي نقضيها نيون؟

- تيجوا تنفقوا على قاعة الفرح يقول لك: نعمله إسلامي بلا فرقة بلا دي جي (يا ابني ما احنا قلنا ما بتر كعهاش).

وهكذا لازم يكون نفسك طويل وتبقى مصحصة وعينيكي في نص راسك. الحكاية معركة يا ماما، كر وفر، ويجيلك يمين تجيلوا شمال، يطلعلك فوق تنزليه تحت. يا إما تقفيله فيها وتفر كشي الموضوع يا إما تعديله اللي انتي عايزة تعديه بمزاجك عشان المراكب السائرة ماتقفش وتكمل الجواز على خير..

بس مش عايزاكي تلقيني لأن "من يضحك أخيرا يضحك كثيرا". وفي الآخر كده كده انتي اللي كسبانه وانتي اللي هاتخلصي منه القديم والجديد لما تمسكي في إيدك كل مفاتيح اللعب وتمارسي مهمتك المقدسة وتبقي في بيتك وزيرة الاقتصاد والمالية وساعتها لا هايبقى في إيده يدفع أكثر.. ولا يدفع أقل.

الطامة الكبرى وانكسرت كل قلوبنا البرينة الفتية (حلوة مش كده؟).
في يوم ما عرفنا إنه هاياخد بعضه ويسافر على لندن ورغم إن عنوانه
مايتوهش (لندن، خلف ساعة بيع بن أول شمال في يمين). لكن برضه
قلوبنا اتكسرت حنت.. ومن يومها كل فترة واحدة فينا ترفع عينيها تبص
على أوضته وتتنهد وتقول إيبه أياام..

العاشر

عماد الحلو رجع من السفر!.. لا لا، ماكانش في جولة مع سيرك
الحلو ولا حاجة.. الحلو ده صحيح لقبه لكنه لقب ووصف.. عماد ده
يبقى ابن الجيران كما ينبغي أن يكون.. مش بالنسبة لي أنا بس.. لأ بالنسبة
لجحافل البنات في حيننا وضواحيه (وعلى المقيمين خارجه مراعاة فروق
التوقيت).

وجملة عماد رجع من السفر دي يمكن تعدي عليكم عادي.. وإيه
يعني؟.. وإيه يعني إزاي؟ ده الحي كله اتقلب.. بلكونات بتتنصف
وسجائيد بتتنفض وبنات بتتبط.. مدام عفاف صاحبة الكوافير اللي
على أول الشارع جابت ٣ فرد غوايش من ورا جملة عماد رجع من
السفر دي.

الولد حلو بجد.. مش بس في الشكل لا كمان في الأخلاق، رغم
إن كل بنات الحي حاولوا محاولات مستميتة عشان يوصلهم بصة أو
يتسلمهم نص ابتسامة لكنه فضل دائما أخلاق أخلاق على طول. عمره
ما كان بيبيس لواحدة فينا.. قصدي فيهم فيهم.. بصة كده ولا كده ولا
كان أساسا بيعبرنا.. يوه.. قصدي بيعبرهم.. وده اللي خلا الموضوع
يكبر في دماغنا أكثر وأكثر وخلا المنافسة تبقى على أشدها.. ثم جاءت

عشان كده أول ما عرفنا إنه رجع من السفر ردت فينا الروح واحضرت
من ثاني شجرة الأمل اللي كانت فروعها نشفت جوا قلوبنا (هو أنا باجيب
الكلام ده منين؟).. الحي كله اخضر وشوش البنات اللي كانت مكفهرة
وتقطع الخميرة م البيت (ما عدا أنا طبعاً). رجعت ثاني ضحوة مستبشرة
وخصوصا بعد ما عرفنا إن سبب رجوعه إن الست والدته حلفت عليه إنه
لازم ينزل ويتجوز عشان تظمن عليه. ومن ساعتها وكل البنات سابوا
اللي وراهم واللي قدامهم واللي جنبهم كمان وعسكروا في الشبايب أو
البلكونات أو حتى فوق السطوح يمكن يطلع عماد ويصص بصره ويقول هي
دي اللي كنت بادور عليها وتطلع العروسة بعماد وبسفرية للنندن.

أنا طبعاً ماكنتش باعمل الحركات دي خالص. صحيح أنا أخذت أجازة
أسبوع من شغلي وقعدت في البيت.. بس عادي يعني بتحصل.. وصحيح
إني كنت مقضية اليوم كله في البلگونه بس لسبب.. أسيب الزرع اللي في
بلگونه الجيران اللي تحتنا يموت يعني؟.. كنت باقف يا دوب ساعتين
تلاتة أسقيه (آه ساعتين تلاتة! أصلي كنت باسقيه بطريقة الري بالتنقيط
عشان مايشرقش).. وأول هو ما يطل من شباكته كل واحدة تسبب اللي في
إيديها وتأخذ زاوية تحت إضاءة تخليه يشوفها كويس وهو يحرك راسه
ويتسم ابتسامة بانورامية تشمل كل البنات وفي نفس الوقت تحسس كل
واحدة إنه بيتسلمها هي وبس.

ومديت إيدي وعازبة أجييه من قفاه.. دخل بابا وماما والهانم مامته
على صوت الصريخ عشان يسلكوا.. وماما بتحاول تسيطر عليا عشان
مابطحوش.

- فيه إيه يا برايد.. إنتي اتجنتتي ولا إيه؟

- اتجنتت؟.. والله لو حصل يبقى ليا الحق.. أنا خلاص تعبت، تعبت..
تعال هنا ياد أنا بقه هاطلع على جتتك كل اللي حصل لي.

- يا بت اهدي.. اهدي كده وكلميني.. إيه اللي حصل.

- البيه!

- ماله؟

- طلع متجوز.

مامته صرخت!

- ع الورق.. ع الورق والله عشان الجنسية.

- لا يا ستي، أسألي ابنك كويس.. بيقول لك بيحبها.

بابا بص للواد وكان عايز يتكلم قلت له:

- عنك انت يا بابا.. أستاذ عماد.. بره!.. ما عندناش بنات للجواز.

بصلنا كأنا ضيعنا فرصة عمرنا وأخذ مامته واتجه للباب.. ناديت
عليه:

- استنى!.. قبل ما تمشي بقه عشان أبقي أسجل الموضوع ده صح في
كتب التاريخ.. إيه بقه حكاية التحليل وحكاية بتاعي ولا بتاع جون دي؟

- واني عازبة تعرفي ليه؟

- يا أخخي من نفسي، أرضي فضولي كتعويض عن اللي عملته فيا.

- أصل.. أصل أنا ومارجريت كنا اتخانقنا من ٣ شهور كده، وهي كانت
رجعت للبوي فريند القديم بتاعها، وبعدين رجعنا لبعض، وهي دلوقتي
حامل.. فكان لازم نعمل تحليل يقول الطفل ده بتاعي ولا بتاع جون..
مانا لا يمكن كنت أرجع لها لو الطفل ابنه.

بابا بقه اللي صرخ:

- يا حممممممش!.. قول لي يا أستاذ عماد إنت لقبك الحلو مش
كده؟

- أيوه.

- مافيش لقب ثاني تكون إنت مخبيه عنا؟

- لأ مافيش.

- متأكد؟

وقف البيه يفكر شوية وبعدين شكله فهم بابا عايز يقول له إيه.

لف.. وقال إيه حس بالإهانة سيادته:

- ياللا يا ماما.. البيت ده ماينفعناش.

ردت الهانم مامته عليه:

- نشوف بيت ثاني يا حبيبي.. ما البنات كتير.

فلا.. هي دي المشكلة.. إن البنات كتير
~~~~~

ربنا يتولانا..

والبتة عمالة كل شوية ترفع إيديها في وشنا كأنها نفسها تحط صابعها في عيننا.. خلاص، خلاص شننا يا أمي خلاص.. مش كده يعني، مانتيش أول واحدة تتخطي. طبعاً بعد موجة التهاني اللي جاية من.. القلب طبعاً.. عدى اليوم وكأننا في فيلم من أفلام الزميل الراحل شارلي شابلن.. فيلم صالامت.. مافيش غير نهى عمالة توشوش مدام سندس ويضحكوا ويرجعوا يتوشوشوا ويضحكوا.. آه ما هم خلاص هما الاتنين مرتبطين زي بعض وكل واحدة ليها راجل.

بقية الصيدلية بقه.. أجاركم الله.. البت سماح كل شوية تقوم تقف في الشباك تقولها مالك ترد علينا: مخنوقة.. مخنوقة مش عارفة أخذ نفسي. البت نيفين - ولأول مرة في تاريخ وزارة الصحة - تعاطف مع المرضى وتوكلهم بالراحة. تقريبا قالت يمكن دعائي المرضى اللي بيدعوها عليها لما بترمي العلاج في وشهم تكون هي السبب في وقف حالها.. فقالت تغير الخطة وتخليها ٤-٤ يمكن ربنا يفك النحس. البت سمر بقه هي اللي قلقتنا قوي. كل شوية تروح ناحية علبة سم الفران اللي في المخزن وتبصلها بصات غريبة كده، وده اللي خلانا طول اليوم مراقبينها وعمالين نبعدها عن أي كوباية شاي بتاعتها أو بتاعة نهى، وما ارتحناش غير لما بعدت عن السم وراحت تلعب بالمققص.. المققص سهل.. هاتعور حاجة هانقدر نلها.. لكن سم الفران ده نعمل فيه إيه؟

أنا عن نفسي كنت فرحانة.. آه فرحانة، فيه حاجة؟.. البت صحيح  
سُهنة وغلاوية وسماوية وخبيثة.. بس زميلة كفاح يعني. وصحيح أنا  
بقيت باعتبار أي حالة خطوبة أو جواز على سطح كوكب الأرض إهانة

لقد.. نزل.. علينا.. الخبر.. كالصاعقة!!!

البت السُّهْنَةُ.. ولا تقول ولا حسينا بينها.. ولا سمعنا لها حس ولا خبر.  
قال إيه، نسيها يوم نيجي الثاني نلاقيها دخلنا ولا واقفة في وسط الصيدلية  
وهو وب رفعت لنا إيديها اليمين والدبلة بتلمع فيها.  
- مش تباركولي يا جماعة، أنا اتخطبت!

الصيدلية التي كانت في حالة حركة فجأة كل حاجة فيها وقفت في مكانها زي ما تكون بتتفرج على شريط فيديو وهنج فجأة عشان الهيد عايز يتمسح . كل حاجة وقفت حتى المرضى على الشباك وقفوا وبحلقوا وهما مش فاهمين . كأنهم يقولوا : الجماعة دول ممكن حد فيهم يتخطب بجدة ؟؟؟ شوية والكل لف لها ببطء وعينهم مبرقة والبت رجعت خطوتين لورا استعدادا للجري .. وفجأة انطلقت زغرة مدوية كان مصدرها - طبعاً - مدام سندس . ما هي مش خسرانة حاجة .. وبعد ما انطلقت مدام سندس وخذت البت بالحضن واحنا بصينا لبعض على أساس ان منظرنا هابقي مش لطيف لو مار حناش وهينايها دلوقت .. راحت كل واحدة فينا مطلة من شنطتها الابتسامة التي شايلاها للمناسبات التي زي دي - حلوة الحثة دي ؟ مش دي الاستعارة المكنية بتاعة البلاغة زمان ؟ - والكل راح وهو

شخصية في حقي.. بس خلاص بقه يمكن تكون أول الطابور والكل يكر وراها. وصحيح إحنا قلنا كده لما مدام سندس اتجوزت من ٤ سنين.. لكن يمكن كل ٤ سنين واحدة.. بالمعدل ده هانحنا ١٣ × ٤ يعني.. ٥٢ سنة على ما نخلص الست بنات اللي في الصيدلية.. لكن برضه أهو يبقى فيه أمل.

عدى اليوم اللي كان أطول يوم في تاريخ البشرية، وكل شوية ترميلنا فيه معلومة:

- أصل حسام.. (ده يبقى اسم المأسوف على شبابه)..

- أصل في المستشفى بتاعته.. (يعني دكتور)..

- أصل مامته الله يرحمها.. (وكان مالكيش حماة.. يا بنت المحظوظة)..

وفجأة في آخر اليوم اتلفتت لنا بكل بجاجة قال وتقولنا:

- عن إذنكوا بقه يا جماعة، أصل حسام هايجي يوصلني بالعربية بتاعته.

كام نظرة من تحت لتحت على ٣-٤ أصوات لمصمصة شفايف انطلقت من أنحاء الصيدلية. وراحت مكلمة الجملة:

- ما تيجي يا مدام سندس نوصلك في سكتنا؟

طبعاً ما هي دي المضمونة. بقيتنا خطر على المحروس.. الصراحة عندها حق. أنا لو كنت أخذت خبر بالموضوع كنت بعته بني غازي يروح يتجوز أخت مرات أيمن.. (الله يمسيك بالخير يا أيمن ويرجعك لأهلك بالسلامة).

نزلت الهانم جري واحنا وراها بتندألع السلم وينوق كل حاجة في طريقنا: المرضى، والموظفين، حتى الشجر البلاستيك اللي قدام أوضة المدير.. عشان نلحق نتفجع المحروس وعلى عربيته.

الواد مش وحش.. شغال يعني.. هو صحيح زُف القلم الرصاص. وكل شوية يلحق البنطلون قبل ما يقع منه، وودانه واضح إنهم واخدين موقف شخصي من بعض أو محترمين دماغه جداً لدرجة إنهم واقفين الوقفة السوداء دي.. لكن خلقة ربنا يعني.. صحيح لابس نضارة كعب شفشق مش كعب كوياية وكبيرة لدرجة إنها مش بس بتعالج نظره دي أكيد كمان بتعالج حواجه وخدوده.. لكن راجل.. هو حد لاقى رجالة محترمة اليومين دول؟.. العربية صحيح مش عربية ١٦ - اللي هي ٤ × ٤ بس أنا باحب أختصر - لكن عربية فخمة برضه: ١٢٨ حمرا موديل ٧٩.. والبنت قعدت جنبه في العربية ولا كانها قاعدة جنب ابن رئيس مراجيح مولد النبي. وبصتلنا بصة كلها غل وتشفي، وماما سندس ركبت وراها. إلهي يشوفك الباشمهندس الشافعي ويطين عيشتك يا رب.. إحساس وحش قوي لما تبقى واحدة في نفس السن والظروف وحتى المكان وطول عمرنا ع الحلوة والمرة مع بعض وفجأة تعمل حركة الخيانة العظمى دي.. بتوجع قوي.

أما روح البيت وحكيت لماما بصت للتليفون وهي بتفكر ومدت إيديها وبدأت تطلب في رقم أنا حافظاه كويس قوي.. رقم طنط حشيرة. مديت إيدي ووقفتها قبل ما تكمل وبصينا في عينين بعض وانا باقولها بعمق وتأثر:

- لا يا ماما، لا.. لسه ماوصلتش للدرجة دي.

وبعدين مديت إيدي على نوتة التليفونات:

- هو.. أو نكل ديسكو نمرة كام؟

طب نسينا من المرحلة دي.. ندخل على المرحلة اللي بعدها..  
الثلاثين.. وما أدراك ما الثلاثين.. النظرية بتقول: نَمِّي التعاين بقه  
وخلصنا.. أهو راجل والسلام.. تخلفيلك عيلين تربيههم ونذاكريلهم  
وهو هايقتضي حياته على القهوة أو الكوفي شوب أو على التنت وخلاص..  
وتوتة توتة ويا دار ما دخلت شر.

ترد النظرية المقابلة: يعني أصوم أصوم وأفطر على فتحي؟! . طب  
مانا كان قدامي اللي أحسن منه وقلت لأ. وانتوا كنتوا موافقتني.. طب من  
كده هاعيش بقية حياتي تعبسة.. يبقى أعيش تعبسة براحتي. أفرج على  
مسلسل القناة الأولى بدل ماتش الزمالك وماحدث يسرق مني الغطا وانا  
نايمة بالبيبل. ولا ياكل الفرخة كلها ويسبلي الجناحات.. ولا أروح أقبل  
واحد يعمل فيا كل الحاجات دي لمجرد إني أشيل التهمة عن نفسي ولا  
أنال اللقب الموعود؟. ويتندي الصراع. طب أستنى وربنا هديكر. مي في  
الآخر؟.. ولا هو نصيبي كده ونلم الليلة بقه وخلاص؟

واللي فاكرك ان بنات الثلاثين دلوقتي زي بنات زمان.. لقية.. يفي  
غلطان. بنت الثلاثين قعدت على الأقل ٧-٨ سنين لوحدها.. الوحدة  
بتوجع آه.. لكن بعد مدة بتأخذ عليها وتألّفها ويمكن كمان تصحبها فمش  
هااتجري على أي عريس بس عشان ماتكونش لوحدها. بنت الثلاثين  
بقالها ٧-٨ سنين بتشتغل. شافت ناس كثير وفهمت ناس كثير.. مبدش  
سهل زي زمان تضحك عليه بكلمتين وضحكة وإزازه بارفون أو وردة  
حمراء. بنت الثلاثين ماعداش مهم قوي بالنسبة لها تتجوز واحد بسبيل  
طول النهار ويبسبب شعره ولا هاتدوخ أول ما تشم ريحة إزازه العرف  
اللي هو مستحمي بيها قبل ما يخرج من البيت. بنت الثلاثين شاف سبب  
جوازات كثير وانفصالات كثير لكل اللي حواليتها. وده خنى عنده خبرة  
ونظرة ومواصفات لزواج المستقبل يمكن تكون أصعب بكثير من ست

## بنت الثلاثين

فيه ناس كثير شايقة إن البنات هي السبب في اللي حاصل لها وإن  
أي بنت لو كانت من الأول رضيت بقليلها ماكانش ده بقى وضع البنات  
في مصر.. ورغم إن في كل قصصي ومغامراتي الصالونية تلاحظوا  
إني مستبعدة العامل الاقتصادي لأن المشكلة بالنسبة لي ما كانتش أبدا  
الفلوس.. اللي بيتقدم لي بيبقى عارف هو بيتقدم لمين وعارف مستوانا  
إيه (مش مستوى مادي عالي قوي ولا حاجة)، لكن ماحصلش إن حد  
يتقدم إيدورا وإيد قدام ولا حصل إننا رفضنا حد عشان ضعف إمكانياته  
المادية.. بالعكس والذي من النوع المتفاهم.. الأزمة بالنسبة لي مش أزمة  
فلوس أد ما هي أزمة شخصية وأخلاق وتربية وإنسان أقدر أعتد عليه  
وقت الحاجة.. لكن ما زال فيه ناس كثيرة بتصر إلحاحا على إن البنت  
هي وأهلها هما السبب في كل المشاكل بالمعالة في الطلبات وتعجيز  
العريس والقضاء على طموحه وحلمه بالارتباط. ولازم نجتمع كل البنات  
وأهاليهم ونعدهم ضربا بالقباقيب لأنهم السبب في إحباط الشباب وإفساد  
مستقبلهم. أنا ما بانفيس طبعاً إن فيه فئة بتغالي ويتطلب طلبات غير معقولة،  
لكن دلوقتي فيه اتجاه متصاعد بالرضا بأي منظر عشان نلم الليلة ونخلص  
من الأتب اللي طالع لنا في صهرنا اللي اسمه البنت.

العشرين اللي عايزة تلبس طرحة وتقعّد في الكوشة وتقضي شهر العسل في مارينا وهي دي كل فكرتها عن الجواز. بنت الثلاثين اشتغلت وكسبت وماعدتش محتاجة لراجل بس عشان يصرف عليها؛ فغالبا مش هاتقدر ترغلل عينها بشقة وشبكة وعربية. بنت الثلاثين بتدور على شخصية أكثر ما بتدور على الشكل.. بتدور على عيلة أكثر ما بتدور على شخص.. بتدور على استقرار قبل ما بتدور على شكل اجتماعي أو ماديّات. اللي فاكّر ان كل بنات الثلاثين مش طابليين وهايرضوا بأي حاجة يقرأ الكلام تاني ويفكر فيه.

ناس كتير هاتقول: طب مانتوا كده مش ناويين تتجوزوا خالص.. أقولهم مش دي وجهة النظر الغالبة.. لكن موجودة وبقوة.. لذا.. وجب التنويه.

## وفي الختام

لسه مافيش ختام.. يمكن الكتاب خلص.. لكن الحكاية لسه ما خلصتش.. لسه انا وغيري كتير بتدور على زوج.. مش بس ضل حيطة ومصدر للستر.. لكن شخص يشاركنا حياتنا بأفراحها وأحزانها.. شخص يفهمنا ونفهمه.. يحترمنا ونحترمه.. شخص فعلا نشعر معاه بالأمان.. ولحد ما يأذن ربنا وتلاقي كل واحدة نصها الثاني.. هانفضل نشوف ونعيش ونقابل حكايات وحواديت كثيرة تستحق أن تروى.. وهافضل أنا أطلب بحقي ومش هاتكسف لو حد سمعني وانا باقول: عايزة أتجوز!

براييد

## كلمة أخيرة

حين التحقت بكلية الصيدلة منذ عدة أعوام اضطررت أن أضع ميولي الأدبية جانبا. وبعد تخرجي دخلت كغيري من البنات في دوامة العرسان وعروض الزواج وزواج الصالونات. وأثناء ذلك تعرضت للعديد من المواقف والتجارب التي احتفظت بها داخلي. وحين بحثت عن طريقة للتعبير عن تجاربي ومشاعري وجدت الواقع الافتراضي مرحبا بي. فقامت بإنشاء مدونتي على شبكة الإنترنت منذ ما يقرب من عام ونصف وأطلقت عليها اسم «عايزة أتجوز». وعرضت من خلالها التجارب والمواقف التي مرت بي بأسلوب ساخر. وبعد وقت قصير اشتهرت المدونة وانتشرت انتشارا أذهلني أنا شخصيا، واعتبرها الكثيرون من أفضل المدونات العربية وهو شرف أتمنى أن تكون المدونة تستحقه. لكنني ظلمت أحلم بأن تحرر كتاباتي من قيود الواقع الافتراضي الضيق وتنطلق إلى رحابة العالم المفتوح. والآن وقد تحقق الحلم وتحولت «عايزة أتجوز» إلى ذلك الكتاب الذي بين أيديكم فكل أمني الآن أن تحوز إعجابكم وتقربكم ولو خطوة واحدة من تفكير فتاة مصرية تحاول جاهدة أن تنفذ دورها الذي وضعها فيه المجتمع.. وإلى أن يأتي الفرج ستظل تقولها بصوت عال أو منخفض أو حتى همسا: «عايزة أتجوز».

غادة عبد العال

(تقدس الحياة الزوجية.. وتشارك في الأثاث)

## الفهرس

|    |                                           |
|----|-------------------------------------------|
| ٥  | ..... بداية الحكاية                       |
| ١٠ | ..... ليه أنا عايزة أتجوز                 |
| ١٣ | ..... الأول                               |
| ١٨ | ..... أنا مش صفر على الشمال               |
| ٢١ | ..... الثاني                              |
| ٢٧ | ..... عن الرقة والأنوثة                   |
| ٣١ | ..... الثالث                              |
| ٣٧ | ..... حب آه.. حب لأ                       |
| ٤٣ | ..... الرابع                              |
| ٥٤ | ..... دفاعاً عن المرأة المصرية.. المفترية |
| ٥٩ | ..... الخامس                              |
| ٦٧ | ..... هاني فلانطين                        |
| ٧١ | ..... السادس                              |
| ٨٨ | ..... من هنا وهناك.. من دلوقتي وزمان      |
| ٩٣ | ..... السابع                              |



|                                           |     |
|-------------------------------------------|-----|
| كيف تصطادين عريسا .....                   | ١١٠ |
| هيا بنا نصطاد .....                       | ١١٧ |
| الثامن .....                              | ١٢٥ |
| ع. ا. ن. س .....                          | ١٤٣ |
| التاسع .....                              | ١٤٦ |
| ليه تدفع أكثر.. لما ممكن تدفع أقل؟! ..... | ١٥٥ |
| العاشر .....                              | ١٦٠ |
| البت نهى اتخطبت!.. عاااااااا! .....       | ١٦٨ |
| بنت الثلاثين .....                        | ١٧٢ |
| وفى الختام .....                          | ١٧٥ |
| كلمة أخيرة .....                          | ١٧٦ |

.. زمان كنتوا تشوفوا في الأفلام العربي أي بنت تدخل فرح وهي لابسه شيك كده شوية.. يتلموا عليها الشبان ويبقوا عايزين ياكلوها.. وما تخرجش م الفرع إلا بعريس.. دلوقتي نفس التجمعات بس بالعكس.. تلاقي كل أم قاعدة هي وبناتها مراقبين الشباب وياويله اللي يعدي جنبهم.

- طارق.. إزيك يا ولد.. مش تيجي تسلم على بنات خالتك شوف بقوا حلوين إزاي؟

- أنا مش طارق يا طنط وأنا متهيألي كده حضرتك مش خالتي.

- صحيح؟ معلى يا حبيبي العتب ع النظر طب ما تعرفنا على نفسك كده.. يمكن ربنا يحبك وبقالك نصيب معانا.

طبعا الواد يا إما يطلع يجري.. يا إما حد من صحابه بياخد باله م الكمين إللي وقع فيه ويجي ينقذه على أساس في حد عايزة وكده..

